

ოთარ ჯაფარიძე

ლითონის
წარმოების
ადრეული
საფეხური
საქართველოში

1955

წინასიტყვაობა

კაცობრიობამ არსებობის დიდ მანძილზე განვითარების რამდენიმე საფეხური განვლო. განვითარების ადრეული ეტაპის შესწავლის ძირითად წყაროს, დამწერლობის შემოღებამდე, არქეოლოგიური ძეგლები წარმოადგენენ. ამ შორეული ეპოქებიდან ჩვენამდე უპირატესად მოაღწია შრომის იარაღებმა და ამ იარაღების საშუალებით დამზადებულმა სხვა ნივთებმა. შრომის იარაღების შესწავლის მნიშვნელობას არაერთგზის აღნიშნავენ მარქსიზმის კლასიკოსები. კ. მარქსი წერდა: „რა მნიშვნელობაც ძეგლების ნაშთების აგებულებას აქვს გამჭრალ ცხოველების გვარობათა ორგანიზაციის შესასწავლად, ისეთივე მნიშვნელობა აქვს შრომის საშუალებათა ნაშთებს გამჭრალ საზოგადოებრივ-ეკონომიურ ფორმაციათა შესასწავლად“¹.

საზოგადოების განვითარების სხვადასხვა ეტაპზე შრომის იარაღების დასამზადებელი ძირითადი მასალა სხვადასხვა იყო. ამის მიხედვითაა ძირითადად გამოყოფილი არქეოლოგიური ეპოქები: ქვის ხანა, სპილენძ-ბრინჯაოს ხანა და რკინის ხანა. ადრეულ საფეხურზე იარაღის დასამზადებლად ძირითადად ქვაა გამოყენებული. ქვის ხანა ორ პერიოდად განიყოფება: ძველი ქვის ხანა (პალეოლითი) და ახალი ქვის ხანა (ნეოლითი). ქვის ხანის ხანგრძლივი განვითარების შემდეგ, ადამიანი თანდათანობით ეცნობა ლითონს. ცნობილია, რომ ლითონის შემოსვლამ გარდატეხა მოახდინა გვაროვნული საზოგადოების ცხოვრებაში. შრომის იარაღების გაუმჯობესების შედეგად წინაურდება მეურნეობის ძირითადი დარგები; საზოგადოება განვითარების უფრო მაღალ საფეხურზე ადის; იქმნება კულტურა, რომელიც ბევრად უფრო წინ არის წასული კულტურის განვითარების წინა საფეხურთან შედარებით.

¹ კ. მარქსი. კაპიტალი. ტ. I, თბილისი, 1954, გვ. 230.

უკანასკნელი ორი ათეული წლის მანძილზე საქართველოში ფართოდ გაიშალა არქეოლოგიური კვლევა-ძიება. ქართულ საბჭოთა არქეოლოგიას უთუოდ მეტად დიდი წარმატება ხვდა წილად. დღეისათვის ჩვენში უკვე კარგადაა ცნობილი სხვადასხვა პერიოდის მთელი რიგი მნიშვნელოვანი ძეგლები. განსაკუთრებით აღსანიშნავია, რომ ამ ბოლო ხანებში საქართველოს ტერიტორიაზე ჩატარებული სამუშაოების შედეგად გამოვლინებული იყო ლითონის წარმოების გაჩენისა და განვითარების ადრეული საფეხურის რიგი საყურადღებო ძეგლებისა. რომლებიც ახალ-ახალ მასალას იალევიან ამ პერიოდის სამეურნეო, სოციალური და კულტურული ცხოვრების შესახებ.

დღეისათვის ჩვენ გაგვაჩნია მთელი რიგი ნაშრომებისა, რომლებიც შეეხება ამ პერიოდის ცალკეულ ძეგლებს. განსაკუთრებით საყურადღებოა პროფ. ბ. კუფტინის შრომები, სადაც შესწავლილია ამიერკავკასიის ენეოლითური კულტურა. მაგრამ ზოგადი, მიმოხილვითი ხასიათის ნაშრომი საქართველოს ენეოლითისა და ადრეული ბრინჯაოს ხანის შესახებ დღემდე არა გვაქვს.

წინამდებარე ნაშრომის მიზანს შეადგენს ლითონის წარმოების გაჩენისა და განვითარების ადრეული საფეხურის კულტურის ზოგადი დახასიათება, სადღეისოდ არსებული მასალების მიხედვით. ავტორი იმედოვნებს, რომ ამგვარი ზოგადი მიმოხილვა, ერთგვარად მაინც ხელს შეუწყობს საერთო წარმოდგენის შემუშავებას ამ ხანის კულტურული ვითარების შესახებ.



I. ენეოლითური კულტურა

ახალი ქვის ხანის დასასრულს ადამიანი ეცნობა ლითონს, რასაც კაცობრიობის ისტორიისათვის მეტად დიდი მნიშვნელობა ჰქონდა: ლითონის აღმოჩენას და მეტალურგიის წარმოშობას საწარმოო ძალთა განვითარებისათვის დაახლოებით ისეთივე მნიშვნელობა უნდა ჰქონოდა, როგორც მიწათმოქმედებისა და მესაქონლეობის გაჩენას. ლითონის შემოღებამ მთელი გადატრიალება მოახდინა ტექნიკაში. იარაღს დასამზადებლად ახლა გამოყენებული იყო ისეთი მასალა, რომელიც გაცილებით უკეთესი იყო, ვიდრე ქვა. ეს გარემოება უთუოდ ხელს უწყობდა საწარმოო ძალების კიდევ უფრო მაღალ საფეხურზე ასვლას. ამას კი, რა თქმა უნდა, არ შეიძლებოდა გავლენა არ მოეხდინა საზოგადოების განვითარებაზე: ლითონის გამოყენება სხვა ფაქტორებთან ერთად საფუძველს უქმნიდა მის ახალ ეტაპზე გადასვლას.

პირველი ლითონი, რომელსაც ადამიანი გაეცნო, ოქრო და სპილენძი იყო. ერთი-ცა და მეორეც ბუნებაში ხალასი სახით მოიპოვება, ოქრო უთუოდ ადრე მიიქცევედა ყურადღებას თავისი ბზინვარების გამო: იგი რბილი ლითონია, იარაღისათვის ნაკლებად გამოსადეგი და ამიტომაც მას იმთავითვე უპირატესად სამკაულისათვის ხმარობდნენ.

ოქროსთან შედარებით სპილენძი უფრო მაგარია, თუმცა თავისთავად ისიც რბილი ლითონია. იგი ბუნებაში ხალასი სახით, ზოდებად მოიპოვება ზედაპირულ ფენებში. თავდაპირველად ეს ზოდი ადამიანს ჩვეულებრივი ქვა ეგონა და სცადა კიდევ მისი იმავე წესით დამუშავება, როგორც ქვას ამუშავებდა, თუმცა ამან სასურველი შედეგი ვერ გამოიღო. სამაგიეროდ ადამიანმა სპილენძის სხვა თავისებურებას მიაგნო, კერძოდ იმას, რომ დარტყმის შედეგად შეძლო მისთვის სასურველი ფორმის მიცემა. ამრიგად დაი-

წყო სპილენძის დამუშავება ცივად ქედვის წესით. ცივად ქედვის შედეგადაა მიღებული ლითონის პირველი ნივთები. არქეოლოგიაში იმ პერიოდს, როდესაც ადამიანი ეცნობა ლითონს და მას ჯერ კიდევ ძირითადად ცივად ქედვის წესით ამუშავებს, ხშირად უწოდებენ ხოლმე ენეოლითოს ან კიდევ ხალკოლითოს, ე. ი. ქვა-სპილენძის ხანას. აქ იგულისხმება ერთგვარი გარდამავალი საფეხური ქვის ხანიდან ლითონის ხანაზე, თუმცა აქვე უნდა შევნიშნოთ, რომ ჯერ კიდევ არ არსებობს გარკვეული მოსაზრება იმის შესახებ, თუ როდის მთავრდება ნეოლითური კულტურა და საიდან იწყება განვითარების ახალი საფეხური. ზოგიერთი მკვლევარის აზრით ახალი სტადია იწყება ლითონის პირველი გაჩენისთანავე და ამ კულტურას, მიუხედავად იმისა, რომ ქვას ჯერ კიდევ აქ გაბატონებული მდგომარეობა უკავია, სპილენძის ხანა ან ენეოლითი უნდა ეწოდოს¹. ეს საფეხური გრძელდება ადამიანის მიერ ლითონის სხვა თავისებურების გაგებამდე; კერძოდ, მან გაიგო, რომ ლითონი განსაზღვრულ ტემპერატურაზე მყარი მდგომარეობიდან თხიერში გადადის, ე. ი. ადამიანმა ისწავლა ლითონის გამოღობა. ნამდვილი მეტალურგია აქედან იწყება და აქედანვე უნდა დაიწყოს ახალი სტადია. ამ საფეხურზე იარაღის დამზადების ძირითადი მეთოდი არის ჩამოსხმა² მიუხედავად იმისა, თუ რომელი მასალაა ჩამოსახმელად გამოყენებული (სპილენძი თუ ბრინჯაო), ტრადიციის მიხედვით ბრინჯაოს ხანას უწოდებენ³.

მკვლევართა ერთი ჯგუფი ამ საკითხზე სრულიად განსხვავებულ მოსაზრებას გამოთქვამს. მათი აზრით ლითონი გაჩენის ადრეულ საფეხურზე მეტად უმნიშვნელო როლს ასრულებს და ძირითადად ისევ ქვაა გამოყენებული; კულტურა თითქმის მთლად ნეოლითურ ელფერს ატარებს და ლითონის გაჩენას აქ შეიძლება ჯერ კიდევ ყურადღება არ მიექცეს³. საკმაოდ დიდი დრო უნდა გასულიყო ვიდრე ლითონი თანდათანობით ქვისადგილს დაიკვრდა. აქედან უნდა დაიწყოს უკვე ახალი საფეხური. ამ საკითხის გარშემო არსებობს სხვა მოსაზრებებიც, მაგრამ ძირითადი მაინც ეს ორია. ^D

ვფიქრობთ, რომ უკანასკნელი მოსაზრება მთლად მართებული არ უნდა იყოს. მართალია იქ, სადაც პირველი ლითონის ნივთები გარედან უნდა იყოს შემოსული, რა თქმა უნდა, ლითონის შემოსვლა თავში შესამჩნევ გარდატეხას ვერ მოახდენდა საზოგადოების ცხოვრებაში. მაგრამ იმ ქვეყნებში, სადაც

¹ Фосс М. Е. О терминах „неолит“, „бронза“, „культура“. Краткие сообщения ИИМК. XXIX М.-Л., 1949; გვ. 33.

² Чайлд Г. Прогресс и археология, Москва, 1949, გვ. 70.

³ Фосс М. Е. დასახ. ნაშრომი, გვ. 33.

ადრევე დაიწყო ადგილობრივი თვითნაბადი სპილენძის დამუშავება, შეუძლებელია, რომ ლითონის გაჩენას გარკვეული ზეგავლენა არ მოეხდინა პირველყოფილი საზოგადოების განვითარებაზე. ადამიანს იარაღის გასაკეთებლად უკვე ჰქონდა ისეთი მასალა, რომელიც თავისი თვისებებით გაცილებით უკეთესი იყო, ვიდრე ქვა. ამას, რა თქმა უნდა, არ შეიძლებოდა გარკვეული გავლენა არ მოეხდინა ადამიანთა ცხოვრებაზე. ამიტომაც, ვფიქრობთ, უფრო მართებული უნდა იყოს ის მოსაზრება, რომ იქ, სადაც ადრევე დაიწყო ადგილობრივი თვითნაბადი ლითონის დამუშავება, განვითარების ახალი საფეხურის დასაწყისი ლითონის შემოსვლას უნდა დაეუკავშიროთ.

ჩვენს ხელთ მყოფი მასალის მიხედვით ჩანს, რომ ჩვენში ლითონის დამუშავების ადრეულ საფეხურზე აშკარად შეინიშნება გარკვეული დაწინაურება. სამწუხაროდ, ჯერჯერობით არ შეგვიძლია თვალი გავადევნოთ და ნათლად წარმოვიდგინოთ ამ განვითარების სურათი, რადგანაც ჯერ კიდევ სათანადოდ არაა შესწავლილი გვიანი ნეოლითისა და ენეოლითის განვითარების საფეხურები; კულტურა, რომელსაც დღეს ჩვენში ენეოლითს უწოდებენ, წინა საფეხურთან შედარებით უკვე საგრძნობლად დაწინაურებული ჩანს. დაწინაურება შეინიშნება მეურნეობის თითქმის ყველა დარგში: მიწათმოქმედება, მესაქონლეობა, მეჭურჭლეობა და სხვ. ამ მხრივ განსაკუთრებით ნიშანდობლივია თიხის ქურქელი. ამ პერიოდის მასალებიდან ყველაზე ქარბადაა წარმოდგენილი კერამიკული ნაწარმი? იგი გამოირჩევა მეტად მდიდარი და თავისებური ფორმით. ამ პერიოდის მასალაში ლითონის ნივთები, ჯერ კიდევ შედარებით იშვიათია და ძირითადად მაინც ქვაა გამოყენებული. მაგრამ, ვფიქრობთ, რომ ამ დაწინაურებაში მნიშვნელოვანი როლი უთუოდ ლითონის შემოსვლასთან უნდა იყოს დაკავშირებული.

✓ უკანასკნელ ხანებში წარმოებული არქეოლოგიური კვლევა-ძიების შედეგად შესაძლებელი გახდა საქართველოში და საერთოდ ამიერკავკასიაში საკმაოდ ადრეული ხანის მძლავრი და მეტად თავისებური ენეოლითური კულტურის დადგენა. უნდა აღინიშნოს, რომ, როგორც ახლა ირკვევა, ამ ტიპის ძეგლები ამიერკავკასიაში ჯერ კიდევ გასული საუკუნის მიწურულში აღმოჩნდა (არმა-ვირ-ბლური. არაგაცი და სხვ.). ამიერკავკასიის მუზეუმებში შემდეგშიც გროვდება მსგავსი მასალა სხვადასხვა ადგილებიდან. ეს მასალა საგრძნობლად განსხვავდებოდა მანამდე კარგად ცნობილ ბრინჯაოს ხანის ძეგლებისაგან და ამიტომ მას კარგა ხნის მანძილზე სათანადო ადგილი ვერ მოეძებნა სხვა მასალებს შორის. ზოგი ამ ძეგლებს ნეოლითს მიაკუთვნებდა, ზოგიც — ურარტულ ხანას და სხვ.

ენეოლითის კულტურის შესწავლის საქმეში განსაკუთრებული მნიშვნელობა ჰქონდა თრიალეთის არქეოლოგიურ ექსპედიციას¹ აქ, როგორც ცნობილია, სხვა პერიოდების მასალებთან ერთად აღმოჩნდა აგრეთვე ენეოლითური ხანის ძეგლები. ამ ძეგლების შესწავლისა და ამიერკავკასიის მუზეუმში დაცული მასალის მასთან შეჯერება-შედარების შედეგად, შესაძლებელი გახდა სანძრეთ ამიერკავკასიაში თავისებური ენეოლითური კულტურის გამოყოფა. გაირკვა, რომ ამიერკავკასიის გარკვეულ ტერიტორიაზე არსებობდა სრულიად ერთგვაროვანი კულტურა, რომელსაც ზოგიერთი ავტორი, მისი გავრცელების რაიონის მიხედვით, მტკვარ-არაქსის ენეოლითს უწოდებს². მაგრამ, როგორც ჩანს, ეს სახელწოდება მთლად ზუსტი არ უნდა იყოს იმის გამო, რომ ამ ტიპის ძეგლების გავრცელების რაიონი სცილდება მტკვრისა და არაქსის აუხს.

ა) ენეოლითური ხანის ძეგლები

კიკეთი. ახლა უკვე შეიძლება ითქვას, რომ საქართველოში ენეოლითური ხანის ძეგლი პირველად აღმოჩნდა 1920 წ., კიკეთის მახლობლად³. აქ არქეოლოგმა ე. პჩელინამ გათხარა ერთი სამარხი. სამარხი საკმაოდ დაზიანებული იყო და ამიტომ მისი მეტნაკლებად ზუსტი სურათის აღდგენა ძნელია. დაახლოებით 1,5 X 1,0 მ ფართობზე შეჯგუფებული იყო მიცვალებულის ძეგლები, კერამიკის ფრაგმენტები, ნაცარი, ნახშირი, ბატქაშის ნატეხები და სხვ. როგორც ჩანს, ეს მეტისმეტად თავისებური⁴ სამარხი უნდა ყოფილიყო. სამარხს აშკარად ეტყობა ცეცხლის კვალი. აქ დიდი რაოდენობით იყო ნაცარი, ნახშირი, წიდა, გამომწვარი თიხის, ალბათ, ბატქაშის ნატეხი, რომლითაც, ალბათ, სამარხის კედლები იყო შელესილი ან, შესაძლოა, როგორც ეს ე. პჩელინას ჰგონია, იგი თიხის სარკოფაგის ნაწილი იყოს. სამარხში თიხის 9 ქურქლის გარდა არაფერი არ აღმოჩენილა. ამთგან, როგორც პჩელინა აღნიშნავს, მხოლოდ ხუთი ქურქლის აღდგენა მოხერხდა. აღსანიშნავია, რომ ე. პჩელინამ თავის დროზე შენიშნა, რომ აქ აღმოჩენილი კერამიკა მეტისმეტად თავისებურია, რომლის მსგავსი მას კავკასიურ მასალებში არ ეგულება. კიკეთის სამარხის თარიღის შესახებ იგი არაფერს ამბობს⁵ და ვერც ვერაფერს იტყოდა იმის გამო, რომ საქართველოდან ამ პერიოდისათვის შესაძარბელებელი მასალა მისთვის სრულიად უცნობი იყო. ახლა უკვე ცხადი გახდა,

¹ Кухтин В. А. К проблеме энеолита Восточной Кавкази и Юго-Осетии. საქართველოს მუზეუმის მოამბე, ტ. XIV—V, თბილისი, 1947, გვ. 67.

² Пчелина Е. Археологическая разведка в районе Тriaлетского хребта близ гор. Тбилиси, საქ. მუზ. მოამბე, ტ. V, თბ. 1930, გვ. 156.

³ Пчелина Е. დასახ. ნაშრომი, გვ. 159.

რომ ე. პჩელინას მიერ კიკეთში გათხრილი სამარხი ნამდვილად ენეოლითურა ხანისაა. მსგავსი კერამიკული მასალა სადღეისოდ უკვე კარგადაა ცნობილი საქართველოს და სომხეთის ენეოლითური ხანის ნამოსახლარებიდან.

⁴ კიკეთის სამარხში აღმოჩენილი თიხის კურკლებიდან განსაკუთრებით საინტერესოა ორი ფრაგმენტი: ერთი მოვარდისფრო მოზრდილი თიხის კურკლისა, ფართო, თითქმის ცილინდრული ყელით; მეტად პატარა ყურებით. ყელზე რელიეფურადაა გამოსახული პირისპირ მდგარი სირაქლემას მსგავსი ორი ფიგურა, მეორე — მოზრდილი შავი ფერის თიხის კურკლის ფრაგმენტი შემკული „სათვალისებრი“ სპირალით. ამ კურკლებსა და თრიალეთის ენეოლითურ კურკლებს შორის ბევრი საერთო არსებობს. ამ მხრივ განსაკუთრებით აღსანიშნავია 1947 წ. თრიალეთის ექსპედიციის მიერ სოფ. ოზნიში (გუნია) აღმოჩენილი — დაახლოებით 1.0 მ სიმაღლის მოწითალო ფერის კურკელი; რომელსაც ისეთივე „სათვალისებრი“ სპირალი ამკობს, როგორც კიკეთში აღმოჩენილ კურკელს¹.

¹ თბილისი. 1930 წ. დიდუბეში მიწის სამუშაოების დროს სრულიად შემთხვევით აღმოჩნდა სხვადასხვა პერიოდის მასალა. აღმოჩენის ადგილი შემოწმდა და შეისწავლა განსვენებულმა პროფ. გ. ნიორაძემ². იმის გამო, რომ სამშენებლო სამუშაოები აქ მეტად სწრაფი ტემპით მიმდინარეობდა, ამიტომ ბევრი რამ ამ რთული ძეგლიდან დაუზუსტებელი დარჩა. როგორც ჩანს, დიდუბეში აღმოჩნდა ენეოლითური ხანის ნამოსახლარი, თუმცა არ არის გამოვლიცხული, რომ აქვე უნდა ყოფილიყო ამ დროის სამაროვანიც. მასალა ძირითადად კერამიკითაა წარმოდგენილი. ნაპოვნია აგრეთვე ქვისა და ძვლის იარაღი. ლითონის ნაწარმი სრულიად არ აღმოჩენილა. თიხის კურკელი ტიპობრივად და აგრეთვე დანიშნულების მიხედვით შეიძლება დაიყოს რამდე-

¹ Куфтин В. А. Археологические раскопки 1947 года в Илалкинском районе Тбилиси, 1948, გვ. 30.

აქვე უნდა აღენიშნოს, რომ კიკეთში 1947 წ. არქეოლოგიური სამუშაოები ჩაატარა, ბ. კუფტინმა იმავე ადგილას და მეტად საყურადღებო მასალა მოიპოვა, სამწუხაროდ, მასალის გამოქვეყნება აღარ დასცალდა (ტაბ. I—3, 5, 6).

² ნიორაძე გ. დიდუბის ენეოლითური ძეგლები (ხელნაწერი გადაცემულია დასაბეჭდავ „მასალები საქართველოს არქეოლოგიისათვის“, ტ. 1).

სამეცნიერო ლიტერატურაში გამოითქვა აზრი, რომ თითქოს პროფ. გ. ნიორაძემ ვერ გაიგო ამ ძეგლის ხასიათი და იგი უფრო გვიან ხანას მიაკუთვნა (Куфтин В. А. Археологические раскопки в Трпалети, გვ. 106), მაგრამ, როგორც ჩანს, ეს სრულიად არ შეფარდება სწავლულ თვალს. პროფ. გ. ნიორაძემ იმთავითვე სწორად გაიგო დიდუბეში აღმოჩენილი ძეგლის ხასიათი და სავსებით მართებულად მიაკუთვნა იგი ენეოლითის. პერიოდს.

ნიმე ჯგუფად¹. გვხვდება პირფართო, მუცელგამობერილი ქილისმაგვარი კურკელი. ჩვეულებრივად მათ ორი პატარა ზომის ნახევრადსფეროსებრი მოყვანილობის ყური აქვს მხრიდან ყელზე გადასვლის ადგილას. ამ ჯგუფიდან საყურადღებოა ერთი მაღალყელიანი კურკელი, რომელსაც მუცლის ზედა ნაწილზე არასიმეტრიულად განლაგებული სამი ყური აქვს². აღსანიშნავია, რომ მსგავსი კურკელი აგრეთვე სამი ყურით ცნობილია ჩვენს მასალებში, მხოლოდ სოფ. ოხნიდან³. გვხვდება, დაახლოებით ამგვარივე ფორმის, ოღონდ რამდენადმე უფრო პატარა ზომის კურკლები — ზოგჯერ ცალყურა, ჩვეულებრივად ყური ამათაც ყელისა და მხარის საზღვარზე აქვს მიძერწილი, თუმცა არც ისეთებიც, რომელთაც ყურის ცალი ბოლო მხართანა აქვს, მეორე კი კურკლის პირთან. აღსანიშნავია აგრეთვე ბადიები და ჯამები. ბადიები ჩვეულებრივად უფრო თხელკედლიანია, ყელდაბალი, ცალყურა. აღმოჩნდა აგრეთვე ორგვარი ფორმის რამდენიმე ხუფი: ერთი ბრტყელი, მრგვალი, ზემოდან ყურით და მეორე კი ჯამისებრი მოყვანილობის. განსაკუთრებით საყურადღებოა დიდუბის ნამოსახლარზე აღმოჩენილი კონუსისებრი მოყვანილობის ერთი ტანდახვრეტილი კურკელი, იგი ტლანქადაა ნაკეთები, სქელკედლიანია (ტაბ. III, 2). რა დანიშნულების უნდა იყოს ამ ტიპის კურკელი, ზუსტად თქმა ძნელია. ზოგი მას „საცერ კურკელს“ უწოდებს, ზოგი კი რაღაც საკულტო დანიშნულებას მიაწერს მას და სხვ.⁴

გარდა ამისა აქ დიდი რაოდენობითაა აღმოჩენილი თიხის კურკლის ფრაგმენტები, რომლებიც, სამწუხაროდ, კურკლის ფორმის აღდგენის საშუალებას არ იძლევა. ამათგან აღსანიშნავია შავი ფერის ერთი ნატეხი, რომელსაც კარგად ემჩნევა ქსოვილის ანაბეკდი⁵ (ტაბ. III, 4). ანაბეკდიდან ჩანს, რომ საკმაოდ წმინდა ნაქსოვი უნდა იყოს. საგვებით ასეთივე ანაბეკდი თიხის კურკლის ფრაგმენტზე ცნობილია ზღუდრის გვერდას ენეოლითური მასალიდან⁶.

დასასრულ, საყურადღებოა იქ ნაპოვნი პატარა ზომის ტლანქად ნაძერწი კერის მოდელი (ტაბ. III, 1). ამგვარი მოდელი ცნობილია შენგავითიდან. აქ ეს მოდელი აღმოჩნდა ერთ-ერთი მრგვალი ნაგებობის ცენტრში მოზრდილი

¹ ქორიძე დ. თბილისის არქეოლოგიური ძეგლები, ნაწ. 1, თბილისი, 1953 წ. (ხელნაწერი), გვ. 42.

² Күфтин Б. А. Археолог. раскопки в Трнадети. Тб. 1941. зб. 115.

³ Күфтин Б. А. Археолог. раскопки 1947 г. в Цалкнском районе, გვ. 37, ტაბ.

XXXIX.

⁴ ქორიძე დ. დასახ. ნაშრ., გვ. 47; 95.

⁵ იქვე, გვ. 129.

⁶ Күфтин Б. А. К проблеме эпохлита Внутренней Картли и Юго-Осетии, გვ. 74.

კერის გვერდით. შესაძლოა, ეს კერის მოდელი მართლაც საკულტო დანიშნულების იყოს.¹

დიდუბის ნამოსახლარზე მოპოვებული თიხის ნაწარმი საერთოდ ხელითაა ნაძერწი: ზოგი ტლანქად, ზოგიც უფრო ფაქიზად. გვხვდება მოწითალო ფერის ქურქელი შავპრიალა ვარდისფერი სარჩულით. ქურქელი სრულიად სადაა.

დამუშავებული ქვის იარაღი დიდუბის ნამოსახლარზე სულ რამდენიმე ცალი აღმოჩნდა. სახელდობრ, სამუთხა, ფოთლისებრი მოყვანილობის ყუნწ-მოტეხილი ისრის პირი, კაეის დანისმაგვარი იარაღი და ქვარქის (роговик) ორმხრივ დანუშავებული იარაღი (ტაბ. III, 7).

ძელის ნივთებიდან აღსანიშნავია რამდენიმე სადგისი (ტაბ. III, 6, 8; 9) და ორი კონუსისებრი მოყვანილობის კვირისტაეი (ტაბ. III, 5).

უთუოდ საყურადღებოა აქ ნაპოვნი ობსიდიანის მოზრდილი ნატეხი, რომელიც 7 კგ იწონის. მას აშკარად ეტყობა დარტყმის კვალი. ჩანს, რომ მისგან იარაღისათვის ლამელებს ამტვრევდნენ. ნიშანდობლივია, რომ დიდუბის ნამოსახლარზე მრავლად აღმოჩნდა სწორედ ობსიდიანის ანატექცები. კაეისა კი სრულიად არ აღმოჩენილა. საფიქრებელია, რომ ობსიდიანის დამუშავება ადგილობრივად ხდებოდა, ობსიდიანი თბილისის მიდამოებში არ მოიპოვება. შესაძლოა, იგი აქ თრიალეთიდან მოქქონდათ, სადაც, როგორც ენობილია, ობსიდიანი მრავლად მოიპოვება.

ნამოსახლარის ფენაში მრავლად აღმოჩნდა სხვადასხვა ცხოველების ძვლები. აღსანიშნავია, რომ შინაურ ცხოველთა ძვლებიდან აქ მხოლოდ მსხვილფეხა საქონლის ნაშთებია ნაპოვნი. წვრილფეხა საქონლის ძვლები სრულიად არ აღმოჩენილა. როგორც ჩანს, მონადირეობას აქ ჯერ კიდევ დიდი როლი ეკავა, რაზეც მიუთითებს ნაპოვნი გარეული ცხოველების (თხა, ჯეირანი, შველი და სხვ.) ძვლები. ჰქვე ნაპოვნი იყო გარეული ცხენის ერთი კბილი. მდინარის პირას მცხოვრები მოსახლეობა უთუოდ მეთევზეობაც მისდევდა. ამას თითქოს უნდა მოწმობდეს აქ მოპოვებული გახვრეტილი ქვები, რომლებიც, საფიქრებელია, ზღის-საწაფები უნდა ყოფილიყო.

თუმცა, მართალია, დიდუბის ნამოსახლარზე მიწათმოქმედების არსებობის შესახებ რაიმე პირდაპირი საბუთი არ აღმოჩენილა, მაგრამ იმის გამო,

¹ Байбуртан Е. Культовый очаг из раскопок Шингавитского поселения в 1938—1937 гг., Востник древней истории, 4(5), Москва, 1938, гл. 259.

რომ მოსახლეობა აქ დამჯდარი ჩანს, შეიძლება ვიფიქროთ, მეურნეობის ეს დარგიც აქ მოსახლე ტომების საქმიანობაში შედიოდა.

თ რ ი ა ლ ე თ ი. როგორც ზემოთ იყო აღნიშნული, საქართველოს და საერთოდ ამიერკავკასიის ენეოლითის შესწავლის საქმეში განსაკუთრებული მნიშვნელობა ჰქონდა თრიალეთის არქეოლოგიური ექსპედიციის მონაპოვარ მასალას. აქ, 1936 წლიდან რიგი წლების მანძილზე მუშაობდა არქეოლოგიური ექსპედიცია ბ. კუფტინის ხელმძღვანელობით. ექსპედიციამ სხვა პერიოდის მასალებს შორის გამოავლინა აგრეთვე ძლიერი ენეოლითური ფენა, რომელიც ძირითადად კერამიკისაგან შედგება (ტაბ. I, 1, 2, 4, 6; ტაბ. II, ტაბ. IIა).

ენეოლითური ხანის მასალა თრიალეთიდან წარმოდგენილია როგორც ნამოსახლარი ადგილებიდან. ისე სამარხეული კომპლექსებით. განსაკუთრებით ზღსანიშნავია სოფ. ბეშთაშენის მახლობლად ციკლოპური ციხე-სიმაგრის ახილარის ნანგრევების ქვეშ აღმოჩენილი ენეოლითური ხანის კულტურული ფენა, აქ გამოვლენილი იყო ოთხკუთხეაანი ნაგებობის ქვის საძირკველი ამ სამარხის შიგნით აღმოჩნდა თიხატყეპნილი „თორნი“. კულტურული ფენა მრავლად შეიცავდა თიხის ჭურჭლის ფრაგმენტებს. აღსანიშნავია ამ ფენაში აღმოჩენილი კაყის დაკბილული ნამგლის პირები და კაყის სამკუთხა მოყვანილობის უნწიანი ისრის პირები. ისრის პირებს ჯერ კიდევ ეტყობა ნეოლითური ტექნიკის კვალი და ისინი საკმაოდ ახლო დგანან თეთრა მიწის ნეოლითურ ისრის პირებთან¹. აქვე აღმოჩნდა დიდი ზომის ოვალური ქვის ხელსაფქვავე. საყურადღებოა ხარის თიხის პატარა ქანდაკება მოტეხილი თავით², რომელიც ძალიან ახლო დგას ქიულ-თაფაზე (ვლარშაპატთან) აღმოჩენილ ამგვარსავე თიხის ქანდაკებებთან.

ახილარის თიხის ტერიტორიის გარეთ, მის მახლობლად აღმოჩენილ იქნა ძლიერ დაზიანებული ენეოლითური ხანის კულტურული ფენა. ამ ფენაში ნაპოვნი იყო დაახლოებით 1.65 მ დიამეტრის კერა, ნაცრის და ნახშირის სქელი ფენა, გამომწვარი თიხა, წიდა, თიხის ჭურჭლის ფრაგმენტები და სხვ. კერის ძირზე აღმოჩნდა სამი პირქვე დადებული თიხის ჭურჭელი და ხელსაფქვავის ქვა³. საყურადღებოა, რომ ეს კერა მოგვაგონებს ე. ლალაიანციის მიერ ელარში აღმოჩენილ ამგვარსავე კერას.⁴

¹ Куфтин Б. А. Археологические раскопки в Тrialeti, გვ. 108.

² იქვე, გვ. 110.

³ იქვე.

⁴ იქვე, გვ. 113.

ბეშთაშენის ენეოლითურ ფენაში აღმოჩენილ კერამიკულ კომპლექსში ძირითადად სამი ჯგუფი გამოირჩევა—ერთი, რომელიც უფრო ახლო დგას კეთის და ელარის ტიპის კერამიკასთან და მეორე კი—მაღალქუსს. ქიულთაფას და სხვ. ქურქელთან. სამივე ჯგუფია თიხის ქურქლები ძელითაა ნანერწი და გულმოდგინედაა დამუშავებული. პირველი ჯგუფის კერამიკა შედარებით უფრო ტლანქია და მასიური. ქურქელს ძირი ჩვეულებრივად ბრტყელი აქვს. ხშირად გვხვდება დიდი ზომის მაღალი, ცილინდრულყელიანი ქურქელი. რომელსაც უმეტესად ნახევარსფერული ფორმის განიერი და პატარა ზომის ორი ყური აქვს. ხმ ჯგუფის ქურქელი ზოგჯერ სრულიად სადაა, ზოგჯერ კი შეეკულია რელიეფური ორნამენტით. თრიალეთური კერამიკის ეს ვარიანტი განსაკუთრებით ახლო დგას დიდუბისა, კიკეთის, ელარის და სხვ. ტიპის კერამიკასთან. იგი რამდენადმე უახლოვდება აგრეთვე დაბლა-გომის ენეოლითურ ქურქელს.¹ /

მეორე ჯგუფის კერამიკა გამოირჩევა უფრო მაღალი ტექნიკით. ხშირად იგი შესანიშნავადაა დამუშავებული, ქურქელს ძირი უმეტესად ვიწრო და შედრეკილი აქვს, ყურები ნახევარსფერული მოყვანილობის. მეტად თავისებურია ორნამენტი—ქურქელი ხშირად შეეკულია „ჩაღარულ-ამობურცული“ ორნამენტით. როგორც ფორმით, ისე ორნამენტაციით ეს ჯგუფი უახლოვდება მაღალქუსს, შრეშ-ბლურის, შენგავითის, ქიულთაფას და სხვ. კერამიკას. ბ. კუფტინი ვარაუდით აღნიშნავს, რომ შესაძლოა ეს მეორე ჯგუფის კერამიკა რამდენადმე უფრო ახალგაზრდა იყოს იმის გამო, რომ აქ შეინიშნება რაღაც საერთო ნიშნები უძველეს ყორღანული საწარხების კერამიკის ზოგიერთ ვარიანტთან. მაგრამ სტრატეგრაფიული მონაცემების უქონლობის გამო ჯერჯერობით გადაჭრით არაფრის თქმა არ შეიძლება² მესამე ჯგუფის შესახებ არაფერს ვიტყვით იმის გამო, რომ იგი მეტად მცირერიცხოვანია.³

გარდა ბეშთაშენისა. ენეოლითური ხანის ნამოსახლარი თრიალეთში 1947 წ. აღმოჩენილი იყო სოფ. გუნიამი (ოზნი). აქ გამოვლენილი იყო ნახევარწრიული ფორმის ქვის წყობა, თიხატყეპნილი იატაკი, კერამიკული კერამიკა ნატეხები, თიხის ქურქლის ფრაგმენტები და სხვ. ბ. კუფტინი ფიქრობს, რომ ნახევარწრიული ფორმის ქვის წყობა შესაძლოა იყო მრგვალი ფორმა

¹ იქვე, გვ. 115.

² იქვე.

³ იქვე, გვ. 116

⁴ იქვე.

სადგომის საფუძველი, რომელზედაც ხის ან მეგრული „ფაცხი-ს“ მსგავსი ნაგებობა იყო ამოყვანილი¹. აღსანიშნავია, რომ მრგვალი ფორმის სადგომები მტკვარ-არაქსის ენეოლითურ ძეგლებში კარგადაა ცნობილი. შენგავითში, ელარში და სხვ. ნაპოვნი იყო მრგვალი ნაგებობების რიყის ქვის საფუძვლები, რომელზედაც გამოუმწვარი აგურის, ალიზის კედლები უნდა ყოფილიყო ამოყვანილი. საყურადღებოა, რომ მსგავსი მრგვალი ნაგებობები გამოვლენილი იყო ზემო მესოპოტამიის (არპაჩაი, თეფე-გავრა, ობეიდი და სხვ.) ბორცვების ფენებში და აგრეთვე აღმოსავლეთ ხმელთაშუა ზღვის რაიონში. ხოლო სრულიად უცნობია ამ ტიპის ნაგებობა ირანსა და სამხრეთ მესოპოტამიაში.

განსაკუთრებით საყურადღებოა სოფ. გუნიაში ნაპოვნი კერამიკული კერის ფრაგმენტები. როგორც ჩანს, ეს კერები საენებით ისეთივე უნდა იყოს როგორც შენგავითში აღმოჩენილი. აღსანიშნავია, რომ შენგავითში ამგვარი კერები ნაპოვნი იყო მრგვალი სადგომის ცენტრში. ეს კერები დაახლოებით 1.0 მ დიამეტრისა და 0,25 მ სიმაღლისა იყო. შიდა ჰირზე მას სამი შვერილი აქვს. ალბათ, ქურქლის უკეთ დადების მიზნით. სავსებით ამგვარივე კერა აღმოჩენილია სტალინირის მახლობლად ქულბაქებში ენეოლითური ფენის გათხრების დროს.

დიდი რაოდენობით აღმოჩნდა აქ თიხის ქურქლის ფრაგმენტები. განსაკუთრებით აღსანიშნავია ერთი მოზრდილი, დაახლოებით 1,0 მ სიმაღლის მოწითალო ფერის ქურქელი, შემკული კიკეთის ქურქლის მსგავსად, სათვალისებრი (ტაბ. 1, 4) სპირალით. აქვე აღმოჩნდა სხვა ქურქელი, რომელიც აგრეთვე უახლოვდება კიკეთის კერამიკას². საყურადღებოა ერთი ქურქელი ნახევარსფერული სამი ყურით, სავსებით ისეთივე, როგორიც დიდუბის სამყურა ქურქელი³. შეტად საინტერესოა აქ აღმოჩენილი ორი სქელკედლიანი ჯამი. ერთი მათგანი იმითაა შესანიშნავი, რომ გარეთა კედელზე რალაც განსაკუთრებული ხუთი ნიშანია გამოყვანილი. თითოეული ეს ნიშანი წარმოადგენს სწორხაზოვან გეომეტრიულ რთულ ფიგურას. ამ ხუთი ნიშნიდან ორი სავსებით ერთნაირია. ერთ ნიშანზე შეიძლება გამოვიცნოთ სალოცავად ხელაპყრობილი ადამიანის სქემატური გამოსახულება, მეორე მოგვაგონებს სამკუთხა სადგარზე მდგომ წმინდა ხეს, მესამე კი თითქოს ორი მუეალი ფეხის გამოსახულებაა, რომელიც ფორმალურ მსგავსებას იჩენს ეგვიპტურ იეროგლიფებთან. სადაც ისინი „სიარულის“ და „ბრძოლის“ ცნებას გადმოსცემდნენ.

¹ Купфия Н. А. Археологические раскопки 1947 года... зб. 28.

² იქვე, зб. 30.

³ იქვე, зб. 37.

ბ. კუფტინი ფიქრობს, რომ აქ შესაძლებელია ნიშნებით აზრის გადმოცემის ცდასთან გვეკონდეს საქმეო და მსგავსებას ხედავს პროტო-ელამურ დამწერლობასთან.¹

გარდა კერამიკული მასალისა, აქ ნაპოვნი იყო კაეის ხერხისებრი დანა (ტაბ. IV, 2), ობსიდიანის ფირფიტა და სხვ. განსაკუთრებით საყურადღებოა ლითონის ნივთები. ლითონის ნივთები ამ პერიოდის მასალებში მეტისმეტად მწირია. თრიალეთში მხოლოდ გუნიადანაა ცნობილი რამდენიმე ლითონის ნივთი: ბიპირამიდალური ფორმის სპილენძის მოკლე სადგისი, ოთხწახნაგა სადგისი და სპილენძის ნატეხი² (ტაბ. IV, 1). ოთხწახნაგა სადგისი საერთოდ კარგადაა ცნობილი ლითონის გაჩენის ადრეულ პერიოდში (ტეპე-ჰისარი 1, ალიშარი 1 და სხვ.).

დასასრულ, უნდა აღინიშნოს რომ თრიალეთში გარდა ენეოლითური ხანის ნამოსახლარებისა, 1936 წელს აღმოჩნდა აგრეთვე ამ პერიოდის ორი სამარხი. ერთი ნაპოვნი იყო სოფ. ბარმაქსიზის გზაზე. იგი წარმოადგენდა პატარა ზომის ქვაყუთს (1,05 x 0,73 მ), რომელსაც სახურავად საქმოდ მასური ფილა ჰქონდა. მიცვალებული მარჯვენა გვერდზე იწვა ძლიერ მოკრუნხული ფეხებით. სამარხში აღმოჩნდა მხოლოდ ორი ჭურჭელი — ერთი ჯამი, მეორე კი — ტოლჩა. სამარხში ნაპოვნი ჭურჭელი უფრო ახლოს დგას ბემთაშენის კერამიკის პირველ ჯგუფთან³.

მეორე სამარხი აღმოჩნდა სოფ. ტაშ-ბაშში. სამარხი ცუდად დაცული იყო. მოზრდილი ქვის ქვეშ აღმოჩნდა შვიდი თიხის ჭურჭელი, რომელთა შორის უწესრიგოდ ეყარა ადამიანის ძვლები. აქ ნაპოვნი ჭურჭელი უახლოვდება პირველ სამარხში ნაპოვნი ჭურჭელს⁴.

ამრიგად, ირკვევა, რომ ამ ადრეულ საფეხურზე მიცვალებულს თრიალეთში ასათლავებდნენ როგორც ორმოსანმარხებში, ისე ქვაყუთებში⁵. რ.

¹ იქვე, გვ. 32. კუფტინი ბ. ქართული კულტურის უძველესი კერა თრიალეთში, თბ., გვ. 15.

² Купфтин В. А. დასახ. ნაშრ. გვ. 31.

³ Купфтин В. А., Археологические раскопки в Триалети, გვ. 117.

⁴ იქვე.

⁵ აქვე გვინდა აღვნიშნოთ, რომ აკად. ივ. ჯავახიშვილის სახელობის ისტორიის ინსტიტუტის არქეოლოგიურმა ექსპედიციამ 1947 წ. გ. გობეჯიშვილის ხელმძღვანელობით სოფ. ხანდღიში ერთი ყორღანი გათხარა. ყორღანში აღმოჩენილი მასალა შეისწავლა და გამოაქვეყნა ექსპედიციის ერთ-ერთმა წევრმა ი. გველიშვილმა. მისი აზრით, ყორღანში აღმოჩენილი ყორღანის უფრო არქაული უნდა იყოს, ვიდრე ბემთაშენის ციხე-სიმაგრის ნანგრევების ქვეშ აღმოჩენილი ენეოლითური ჭურჭელი. ერთი მხრივ კერამიკის არქაული ტიპი და მეორე მხრივ ის ფაქტი, რომ აქ მიცვალებულის ნეშტზე წითელი საღებავი იყო მიყრილი, უფლებას აძლევს ი. გველიშვილს ხადიკის ყორღანის ძირითადი სამარხი ადრინდელი ენეოლითით დაათარილოს (იხ. ი. გველიშვილი, ხადიკის ყორღანი, საქ. მეც. აკად. მოამბე, ტ. XI, № 210. 1950; გვ. 703). ი. გველიშვილის ეს მოსაზრება აშკარად მცდარია. ხადიკის ყორღანი მისი ინვენტარის მიხედვით უფრო უნდა მიეკუთვნოს თრიალეთის ყორღანულ სამარხთა იმ რიგს, რომელთაც ბ. კუფტინი ადრინდელ ბრინჯაოს ხანას მიაკუთვნებს. რაც შეეხება მიცვალებულის წითლად შეღებვის ფაქტს, იგი მერმინდელ ხანაშიც კარგადაა ცნობილი.

ზემოავეკალა. უკანასკნელ ხანებში გამოვლინებულ იქნა საკმაოდ მძლავრი ენეოლითური კულტურა ისტორიულ შიდა ქართლის ტერიტორიაზე. როგორც ირკვევა, აქ ეს კულტურა ჯერ კიდევ 1923—1924 წ. წ. აღმოჩენილა ზაჰესის მშენებლობის დროს, ოღონდ ბოლო დრომდე საქართველოს მუზეუმის არქეოლოგიის განყოფილებაში ეს კოლექცია კატალოგში გაუტარებული იყო და გაუხსნელად ინახებოდა ამ განყოფილების ფონდში.

ზემოავეკალის ენეოლითური მასალა მეტად საყურადღებოა¹. იგი შედგება რამდენიმე ფართოყელიანი თიხის ქურქლის ფრაგმენტისაგან; აგრეთვე ნაპოვნი იყო მასიური ჯამი; ერთი სწორკუთხა სადგარი შუაში ნახვრეტით საესებით ისეთივე; როგორც ტყვიავის ერთ-ერთ ყორღანში აღმოჩნდა². გარდა ამ სადგარისა, ამავე კოლექციაში მოიპოვება კიდევ ორი სადგარი — ბრტყელი. ერთ მხარეზე ორი რქისებრი შვერილით, მეორეზე კი მომრგვალებულია და ნახვრეტი აქვს. რა დანიშნულებისა უნდა ყოფილიყო ეს საგნები, გარკვევით თქმა ძნელია. ბ. კუფტინი ბრტყელ სადგარებს უკავშირებს ხარის კულტს და კრეტა-მიკენის მასალაზე მოცემულ გამოსახულებათა ანალოგიის გზით ფიქრობს. რომ შესაძლებელია სადგარის ხერხეში მოთავსებული იყო წმინდა ხის ტოტი ან მისი იმიტაცია („ჩიჩილაკის“ მსგავსი)³. ეს მოსაზრება თითქოს იმიტომაც უფრო დასაშვებია ჩანს, რომ სათანადო ლიტერატურაში გამოთქმულია მოსაზრება, რომ საქართველოში ბოლო დრომდე შემორჩა ზოგი ნიშანი ხარის კულტის კავშირისა ხის თაყვანისცემასთან⁴. უნდა შევნიშნოთ, რომ რქიანი სადგარები სადღეისოდ სამხრეთ ამიერკავკასიის ენეოლითურ მასალაში კარგადაა წარმოდგენილი. მათ ვხვდებით მალაქლუში, შენგავითში, შრემ-ბლურში და სხვ. როგორც ფიქრობენ, ეს სადგარები ხარის კულტთან უნდა იყოს დაკავშირებული, თუმცა ზოგი მათგანი, კერძოდ ნალისებრი მოყვანილობის, ეგებ, მართლაც კერის ნაწილი იყოს. ხარის კულტი ამიერკავკასიაში და კერძოდ საქართველოში ძლიერ გავრცელებული ჩანს უკვე ენეოლითიდან დაწყებული. ეს კულტი კარგადაა ცნობილი უფრო მოგვიანო მასალაში. განსაკუთრებით მძლავრად გამოჩნდა იგი სტალინირის „ნაცარგორის“ მასალაში.⁵

დიდი ახალი სოფელი. 1946 წ. ენეოლითური ფენა შემთხვევით აღმოჩნდა სკრა-ქარელის სარწყავი არხის გაჭრის დროს სოფ. დიდ ახალ სო-

¹ Купфин Б. А. К проблеме энеолита Внутренней Картли и Юго-Осетии, გვ. 69.

² იქვე.

³ იქვე, გვ. 71.

⁴ იქვე, გვ. 72.

⁵ გობეჯიშვილი გ. სტალინირის ნაცარგორა, მიმომხილველი, ტ. II, თბილისი, 1951 წ., გვ. 28.

ფელში¹ (ქარელის რაიონი). აქ გამოვლენილი იყო კულტურული ნაშთების შემცველი რამდენიმე „ბუდე“, რომელიც დამწვარი თიხის ნაცრის და ნახშირის გარდა, შეიცავდა შავი ფერის თიხის ჭურჭლის ფრაგმენტებს, ობსიდიანის დაუმუშავებელ ნატეხებს, ცხოველთა ძვლებსა და კბილებს. აქ აღმოჩენილი მასალიდან მხოლოდ ერთი ჭურჭლის აღდგენა მოხერხდა. იგი წარმოადგენს მოზრდილ ორკუთხედიან დერგს. ეს ჭურჭელი ახლო დგას ბეშთაშენის, დიდუბის და განსაკუთრებით კი კიკეთის ერთ-ერთ ჭურჭელთან.

სტალინის რაიონის ნაცარგორა. სტალინის რაიონის პირველი ფენა შეიცავდა ენეოლითური ხანის მასალას. აქ აღმოჩნდა ამ პერიოდის ხუთი სამარხი, ყოველ სამარხში თითო მიცვალებული ესვენა, ძლიერ მოკუნტული, მარჯვენა ან მარცხენა გვერდზე მწოლარე. სამარხეული ინვენტარი არც თუ ისე მდიდარი იყო. ნაპოვნია: ქუსლამოლარული კაჟის ისრის პირი, ქვის გახვრეტილი კვერი, ობსიდიანის ნატეხები. აღმოჩნდა რამდენიმე ლითონის ნივთი: სპილენძის მცირე სამსკვალე, რომლითაც გაჭეკილი უნდა ყოფილიყო კვერის ტარი და ორი პაწია რგოლი — საყურე. მხოლოდ ერთ სამარხში აღმოჩნდა ხელით ნაძერწი დამტკრეული თიხის ჭურჭელი. ერთ-ერთ სამარხში მიცვალებულისათვის თან ჩაუტანებიათ ბატკანი და რომელიღაც ფრინველი².

გარდა სამარხებისა, ნაცარგორაზე პირველმა ფენამ მოგვცა აგრეთვე ამ პერიოდის ძლიერ დაზიანებული ნამოსახლარის ნაშთი. ეს ფენა შეიცავდა ძირითადად ობსიდიანის ნატეხებს, სხვადასხვა ცხოველების ძვლებსა და თიხის ჭურჭლის ნატეხებს. როგორც ჩანს, ნაცარგორა პირველად სამოსახლო ბორცვი ყოფილა³. აქ აღმოჩენილი თიხის ჭურჭელი მორუხო-მოვარდისფერია, ხელით ნაძერწი. თიხაში ბლომდაა შერეული ობსიდიანი, ალბათ, იმის გამო, რომ ჭურჭლის კედლები გამოწვისას არ დამსკდარიყო. ძირითადად გვხვდება ფართოპირიანი ქოთნები და ქილები, რომელთაც მიძერწილი აქვს ნახევარსფერული ყურები. ზოგჯერ ჭურჭელი მარტივი ორნამენტითაა შემკული. გ. გობეჯიშვილი აღნიშნავს, რომ ნაცარგორაზე აღმოჩენილი კერამიკა უფრო ახლო დგას დასავლეთ საქართველოს ენეოლითურ ჭურჭელთან (დაბლაგომი, ოჩამჩირე), თუმცა რამდენადმე უახლოვდება აგრეთვე მტკვარ-არაქსის ენეოლითურ კერამიკას.⁴

¹ ტ. ჩუბინიშვილი და ო. ჯაფარიძე. ახლად აღმოჩენილი ენეოლითური და ბრინჯაოს ხანის კულტურული კერა ქართლში, საქ. მუხ. მოამბე, ტ. XV—B, თბილისი, 1948, გვ. 25.

² გობეჯიშვილი გ., დასახ. ნაშრომი, გვ. 242.

³ იქვე, გვ. 242.

⁴ იქვე, გვ. 243.

ერთ-ერთ სამარხში აღმოჩენილი კაყის ისრის პირის მსგავსი: იბარდო ცნობილია ოჩამჩირის ენეოლითური ფენებიდან (ტაბ. IV, 3). ერთი ამგვარი-ვე ისრის პირი არქაულ კერამიკასთან ერთად ნაპოვნი იყო ზღუდრის გვერდზე. ამ ტიპის იარაღი საერთოდ ჩრდილო ქვეყნების კულტურებისთვის დამახასიათებელი ჩანს¹. აქ ნაპოვნი გრანიტის კვერი უახლოვდება შენგავითში აღმოჩენილ მარმარილოს კვერს (ტაბ. IV, 4). საერთოდ ეს ფორმა კარგადაა ცნობილი წინა აზიიდან² (ალიშარის ბორცვი, თეფე-გავრა, ტროა II—IV ნაქალაქარი და სხვ.).

ზღუდრის გვერდა. სტალინირის მახლობლად კიდევ ერთ პუნქტში იქნა დამოწმებული ენეოლითური ფენა. გზის გადარეცხვის შედეგად ს. ნადი-მაშილმა ზღუდრის გვერდაზე შეაგროვა ტიპიური ენეოლითური კერამიკა. ამ კერამიკიდან განსაკუთრებით საინტერესოა ერთი ქურქლის ფრაგმენტი, რომელსაც აშკარად ეტყობა ქსოვილის კვალი³. ქსოვილიანი კერამიკა სომხეთისა და საქართველოს ენეოლითისათვის მანამდე უცნობი იყო. ამიერკავკასიაში პირველად იგი ცნობილი გახდა რამდენადმე უფრო მოგვიანო ხანის მასალაში ხანლარიდან და სტეპანაკერტიდან. ცნობილია ამ ტიპის ქურქელი ჩრდილოეთ კავკასიიდან (დოლინსკოეს ნამოსახლარი)⁴. ზღუდრის გვერდას ფრაგმენტს შიდა პირზე შესანიშნავად ემჩნევა ქსოვილის ანაბეჭდი.

არაკერამიკული მასალიდან აღსანიშნავია აქ ნაპოვნი ერთი ასიმეტრიული ისრია პირი. როგორც აღნიშნული იყო, მსგავსი ისრის პირები ჩვენში აღმოჩენილია ნაცარგორაზე და ოჩამჩირეში.

† ქულბაქები. სტალინირის მიდამოებში სადღეისოდ გამოვლენილია კიდევ ერთი ენეოლითური ხანის ძეგლი. სოფელ ოსპრისთან ბორცვ ქულბაქებზე აღმოჩენილი იყო ენეოლითური ხანის ნამოსახლარი. ეს ბორცვი დაახლოებით 3 მ სიმაღლისაა (სიგრძე — 58 მ; სიგანე — 45 მ). კულტურული ფენა აქ ძალზე არეული ჩანდა. მრავლად იყო ენეოლითური კერამიკის ფრაგმენტები, ბათქაშის ნატეხები, ცხოველების ძვლები, უმეტესად, მსხვილფეხა საქონლის და სხვ. თიხის ქურქელი მეტწილად მოწითალო ფერისაა. აღსანიშნავია აქ ნაპოვნი ორი სამყურა ქურქელი, ბადიისებრი ქურქელი, ქილისმაგვარი ქურქელი, ტოლჩები, დისკოიდური ხუფები და სხვ. (ტაბ. V, VI). განსაკუთრებით საყურადღებოა მოზრდილი თიხის კერა (ტაბ. VIII, 1). იგი კარგა-

¹ გობეჯიშვილი გ., დასახ. ნაშრ., გვ. 244.

² იქვე.

³ Куптин Б. А., დასახ. ნაშრ., გვ. 74.

⁴ იქვე, გვ. 75.

და შემონახული და საესეებით ისეთივეა, როგორც შენგავითის მრგვალი კერები (ტაბ. VII, 4). აღსანიშნავია აგრეთვე აქ აღმოჩენილი რამდენიმე ფრაგმენტი რელიეფური რალაცორნამენტით შემკული ჭურჭლისა (ტაბ. VI, 3, 4). როგორც ჩანს, ორნამენტირებული ჭურჭელი ნაკლებად დამახასიათებელი უნდა იყოს შიდა ქართლის ენეოლითისათვის. ?

არაკერამიკული მასალა ქულბაქებზე მეტად მწირი აღმოჩნდა: რამდენიმე კაყის ნამგლის პირი და ერთი მოგრძო საფხეკისმაგვარი იარაღი (ტაბ. V, 9).

გარდა ენეოლითურისა. ამავე ბორცვზე ნაპოვნი იყო უფრო მოგვიანო ხანის მასალაც. ენეოლითურ კერამიკასთან ერთად ხშირად გვხვდება აგრეთვე შუა და გვიანი ბრინჯაოს ხანის წავი ფერის თიხის ჭურჭლის ფრაგმენტები. აქვე აღმოჩნდა შუა ბრინჯაოს ხანის ერთი სამარხი.

ქულბაქების ქვევით, მისგან დაახლ. 200—300 მ დაშორებით სტალინირისაკენ ზღუდრის გვერდას პირდაპირ, ოსპრისის ხევის მარჯვენა ნაპირზე ნაპოვნი იყო ენეოლითური ხანის მასალა. ამ ადგილას ადგილობრივი მოსახლეობა „კული ხევს“ უწოდებს. აქ მართალია მცირე, მაგრამ, უბუნოდ, საინტერესო მასალა აღმოჩნდა. კულტურული ფენა აქ არ იყო ძლიერი. აქაც ძირითადად თიხის ჭურჭლის ფრაგმენტები ჩნდებოდა, უმეტესად, მოწითალო ფერისა, ქულბაქების ტიპის. თიხის ჭურჭელი ძლიერ დაღეწილი იყო. განსაკუთრებით აღსანიშნავია აქ ნაპოვნი რამდენიმე ძლიერ დაზიანებული მრგვალი კერის ნაწილები. კერები არც თუ ისე დიდი ზომისა იყო. ერთ-ერთ კერას, რომელიც შედარებით უკეთ დაცული იყო, შიგნითა და გარეთა პირი წითლად გაპრიალებული ჰქონდა. ჩანს, იგი გადასატანი კერა უნდა ყოფილიყო. საყურადღებოა. რომ ამ კერების მახლობლად ჩნდებოდა ხოლმე თიხის ჭურჭლის ფრაგმენტები, საქონლის ძვლები და სხვ. აღსანიშნავია, აქ ნაპოვნი დაზიანებული რალაც რქისებრი სადგარი, ალბათ ხარის კულტთან დაკავშირებული (ტაბ. IV, 11). აქვე აღმოჩნდა ერთი გარეული ღორის კბილის საკიდი (ტაბ. IV, 10). ქვის ან ძვლის რაიმე იარაღი აქ სრულიად არ აღმოჩენილა.

ძნელია ჯერ კიდევ რაიმეს გარკვევით თქმა, თუ რა ხასიათის ძეგლთანაა გვაქვს აქ საქმე. შესაძლოა აქ რაიმე დროებითი, სეზონური სადგომი ყოფილიყო.

სოფ. ქეასათალში (სტალინირის რაიონი) ბრინჯაოს ხანის სამაროვნის გათხრის დროს 1953 წ. დაახლ. 2,0 მ სიღრმეზე ნაპოვნი იყო აშკარად ენეოლითური კერამიკის რამდენიმე ფრაგმენტი. სამწუხაროდ, მხოლოდ ერთი ჭურჭლის აღდგენა მოხერხდა. ეს არის ცალყურა ტოლჩა. იგი თავისი ფორმით ახლოს დგას ხადიკის ყორღანში მოპოვებულ ამგვარსავე ჭურჭელთან.

† ტყვიავი. გორის ისტორიულ-ეთნოგრაფიულმა მუზეუმმა პროფ. ს. მაკალათიას ხელმძღვანელობით 1938—1940 წ.წ. არქეოლოგიური სამუშაოები ჩაატარა სოფ. ტყვიავში. აქ გაითხარა სამი ყორღანი. პირველი ყორღანის ყრილი ძირითადად რიყის ქვისა იყო. ქვაყრილის აყრის დროს მრავლად ჩნდებოდა თიხის კურკლისა და ობსიდიანის ნატეხები.¹ სამარხები ყორღანში სხვადასხვა სიღრმეზე ჩნდებოდა. მაგ.: სამარხი № 1 აღმოჩნდა 0,90 მ სიღრმეზე; 0,80 მ სიღრმეზე აღმოჩნდა 5 სამარხი; 1,10 მ სიღრმეზე—12 სამარხი და სხვ.

I ყორღანში ნაპოვნი იყო სულ 42 სამარხი. მიცვალებულები დამარხული იყო სხვადასხვა წესით: მოკრუნჩხული, გულაღმა, ფეხებმოხრილი, გვერდზე მწოლარე და სხვ. ინვენტარი ან სრულებით არ აღმოჩენილა, ან მეტისმეტად ღარიბულია. ს. მაკალათია ფიქრობს, რომ ეს ყორღანი საგვარეულო სასაფლაოს წარმოადგენდა.

II ყორღანი ფორმით და მოწყობილობით იმგვარივე იყო, როგორც I ყორღანი, ოღონდ უფრო პატარა. განსხვავება იმაში იყო, რომ II ყორღანში აღმოჩნდა მეტად ცუდად დაცული ერთი სამარხი². სამარხში მიცვალებულის მხოლოდ რამდენიმე ძვალი იყო ნაპოვნი. სამარხში იდო ერთი შავი თიხის კურკელი, ოთხწახნაგა სპილენძის სადგისი და სპილენძის ბრტყელი დანის პირი. ქვაყრილში ნაპოვნი იყო აგრეთვე სწორკუთხა ფორმის სადგარი. შუაში ნახვრეტით იმ ტიპისა, როგორც ზემო ავჭალაში აღმოჩნდა და მსხლის ფორმის ქვის ლახტის თავი თრიალეთის ერთ-ერთ უძველეს ყორღანში ნაპოვნი ჰემპიტის ლახტის თავის მსგავსი³.

III ყორღანი ისეთივე იყო, როგორც პირველი ორი. ქვაყრილში ჩნდებოდა თიხის კურკლის ფრაგმენტები და ობსიდიანის ნატეხები. აქ აღმოჩნდა ერთი სამარხი, რომელშიაც ორი მიცვალებული ესვენა: ერთს შერჩენილი ჰქონდა მხოლოდ თავის ქალა და მკლავის ძვალი, მეორე კი შედარებით კარგად დაცული იყო. უკანასკნელი იწვა მარცხენა გვერდზე ძლიერ მოკრუნჩხული.⁴ სამარხში ნაპოვნი იყო სამი სპილენძის ხვია — სასაფეთქლე სამკაული.

ტყვიავის ყორღანები, ვფიქრობთ, მიეკუთვნებიან გარდამავალ საფეხურს ენეოლითიდან უკვე ადრეულ ბრინჯაოს ხანაზე. ტყვიავის კერამიკა ახლო დგას ე. წ. „მტკვარ-არაქსის“ ენეოლითურ კერამიკასთან, მაგრამ იგი უკვე, რამდენადმე მაინც საერთოს პოულაობს მომდევნო ხანის თრიალეთის ადრეუ-

¹ მაკალათია ს., ტყვიავის ყორღანული სამარხების არქეოლოგიური გათხრები, გვ. 12.

² მაკალათია ს., დასაბ. ნაშრ., გვ. 28.

³ Купчин В., А. Археолог. раскопки в Тршлетин, გვ. 101.

⁴ მაკალათია ს., დასაბ. ნაშრ., გვ. 37.

ლი ბრინჯაოს პერიოდის ყორღანულ ჭურჭელთან და აგრეთვე საჩხერის კერამიკასთან. აქ აღმოჩენილი სწორკუთხა სადგარი, როგორც უკვე ნათქვამი გვექონდა, სავსებით ისეთივეა როგორც ზემოაქვალის ენეოლითურ ფენაში აღმოჩენილი სადგარი.

ლითონის ნივთებიდან საყურადღებოა ოთხწახნაგა სპილენძის სადგისი, რომელიც უფრო პრიმიტიული ფორმისა ჩანს, ვიდრე თრიალეთის ერთ-ერთი ადრეული ბრინჯაოს ხანის ყორღანში და აგრეთვე აფხაზეთის დოღმენების ძირა ფენიდან ცნობილი სადგისები და უფრო უახლოვდება ენეოლითურ ფენებში მოპოვებულ სადგისებს. მაგ., ოზნის ენეოლითურ ნამოსახლარზე ნაპოვნ სადგისს¹. თითქოს რამდენადმე უფრო ახალგაზრდა უნდა იყოს ტყვიავში აღმოჩენილი დანის პირი. ამგვარი იარაღი გავრცელებულია ბრინჯაოს ხანის ადრინდელ საფეხურზე. ასეთი პრიმიტიული დანის პირები ცნობილია საჩხერის კოლექციიდან, თრიალეთის ერთ-ერთი (უძველესი) ყორღანიდან და სხვ.² ამავე პერიოდისთვისაა დამახასიათებელი აგრეთვე სასაფეთქლე ხეიბები. ამგვარი ხეია, ოღონდ ვერცხლისა, ცნობილია თრიალეთის ადრინდელი ჯგუფის ყორღანებიდან³. ვხვდებით მათ აგრეთვე საჩხერის კომპლექსშიც⁴ და სხვ. აქ მოპოვებული ლახტის თავი, როგორც აღნიშნული იყო, უახლოვდება თრიალეთის პემატიტის ლახტის თავს ადრეული ბრინჯაოს ხანის ყორღანიდან. ამრიგად განხილულიდან თითქოს ჩანს, რომ ტყვიავის მასალაში ერთი მხრივ გვხვდება ჯერ კიდევ ენეოლითისათვის დამახასიათებელი ნივთები და მეორე მხრივ უკვე ბრინჯაოს ხანის ადრეული საფეხურის ტიპური ფორმები. ამიტომაც, ეგებ, უფრო მართებული იყოს ტყვიავის ყორღანების მიკუთვნება უკვე ერთგვარ გარდამავალ საფეხურზე — ენეოლითიდან ადრეულ ბრინჯაოს ხანაზე.

ურბნისი. 1953 წ. სოფ. ურბნისში მიწის სამუშაოების დროს ერთ-ერთი ბორცვის სამხრეთ-დასავლეთ ნაწილში აღმოჩნდა სხვადასხვა პერიოდის კულტურული ფენები. ქვედა ფენა ენეოლითურ ხანას უნდა ეკუთვნოდეს. გაწმენდის შემდეგ აღმოჩნდა რალაც ნაგებობის თიხატკეპნილი იატაკი; გაიწმინდა დაახლოებით 25 კვ. მ ფართობი, მთელ იატაკზე მიმოპნეული იყო

¹ Куфтин Б. А. Археологические раскопки 1947 г. в Цалкинском р-не, გვ. 31, ტაბ. XLI 3.

² Куфтин Б. А. Археолог. раскопки в Трияleti, გვ. 107, ტაბ. СХУ. Куфтин Б. А. Археолог. маршрутная экспедиция 1945 года в Юго-Осетию и Имеретию, Тбилиси, 1949; გვ. 71 ტაბ. LVI.

³ Куфтин Б. А. Археолог. раскопки в Трияleti, გვ. 104, ტაბ. СХIХ.

⁴ Куфтин Б. А. Археологическая экспедиция... გვ. 79, ტაბ. LХV.

კერამიკის ფრაგმენტები. უმათერესად აღმოჩნდა ვარდისფერი ქურკლის ნატეხები. შავი ფერის კერამიკა შედარებით იშვიათია. გვხვდება მოზრდილი ქურკლის ფრაგმენტები, ჯამები, სასმისები და სხვ. ნაპოვნია აგრეთვე რამდენიმე ხუფის ფრაგმენტი (დიდუბისა და მალაქლუს ტიპის). აღსანიშნავია ორი ფრაგმენტი ერთი მოზრდილი მოვარდისფრო თიხის ქურკლისა, რომელშიაც რელიეფური ორნამენტია შერჩენილი, ეგებ, ირმის რქები და ფეხები. უნდა აღინიშნოს, რომ ეს პირველი შემთხვევაა შიდა ქართლის ენეოლითურ მასალაში რელიეფური ორნამენტით შემკული ქურკლის აღმოჩენისა. ქურკლის ყურები ჩვეულებრივად ტიპიური ენეოლითურია, თუმცა გვხვდება ისეთი ქურკელი, რომელსაც ყური თითქოს უფრო განვითარებული აქვს. ყურის ცალი ბოლო მიძერწილია მუცლის ზედა ნაწილზე, მეორე კი — პირთანაა მიტანილი. ხშირად მათ შუაზე მთელ სიგრძეზე წახნაგი გაუყვება. ასეთი ყურიანი ქურკელი ე. წ. „მტკვარ-არაქსის“ ენეოლითურში ჩვენთვის უცნობია. ამგვარი ყურები დამახასიათებელია საგვარჯილეს ენეოლითური ქურკლისათვის. ნაპოვნია აგრეთვე ქსოვილიანი კერამიკის ფრაგმენტებიც. საყურადღებოა აგრეთვე კათხის ფორმის ერთი თიხის ქურკელი, რომელიც სპეციალისტების აზრით, შესაძლებელია მართლაც გამდნარი ლითონის ჩამოსასხმელად იხმარებოდა.

ქვის ნივთებიდან საყურადღებოა შესანიშნავი კაყის ყუნწიანი ისრის პირი, დაკბილული ნამგლის პირი — ქვისა და ძვლის კვირისთავეები. აღსანიშნავია ქვის ცული, რომელიც თავისი ფორმით ლითონის ყუადაქანებული ცულის ფორმის აშკარა განმეორებაა. მრავლად აღმოჩნდა სხვადასხვა ფორმის ხელსაფეკავის ქვები.

ლითონის ნივთებიდან აღმოჩნდა ერთი ოთხწახნაგა სადგისი და ერთიც ხანჯალი.

აღსანიშნავია აქ ნაპოვნი კერის ფრაგმენტი და რალაც ცხოველის (?) ქანდაკების ნატეხები. საყურადღებოა ერთი პატარა ზომის ქალის უთავო ქანდაკება მკვეთრად გამოსახული მკერდით.

იატაკზე და თიხის ქურკლებში ნაპოვნი იყო მარცვლეულის ნაშთები. აღმოჩნდა აგრეთვე ცხოველების ძვლებიც.

ნაპოვნი იყო ბათქამის ნატეხები. შესაძლოა იქ, ხის ნაგებობა იყო თიხით შეღესილი.

ურბნისში მოპოვებული მასალა მხოლოდ დამუშავების პროცესშია, მაგრამ აშკარაა, რომ მასალა მეტად საყურადღებოა. წინასწარ თითქოს შეიძ-

ღება ითქვას, რომ აქ, ეგებ, ენეოლითის უკვე საკმაოდ განვითარებულ სტადიასთან გვაქვს საქმე, უფრო სწორედ კი გარდამავალ საფეხურთან¹.

უნდა აღინიშნოს, რომ ტიპიური ენეოლითური კერამიკა აღმოჩნდა დნანისში, ფეოდალური ხანის ნაქალაქარის გათხრის დროს, ოღონდ მაშინ ამ მასალისათვის სათანადო ყურადღება არავის მიუქცევია. სადღეისოდ აქედან მხოლოდ რამდენიმე ენეოლითური ქურქლის ფრაგმენტია ცნობილი.²

დასავლეთ საქართველოში სადღეისოდ მხოლოდ სამგანაა აღმოჩენილი ენეოლითური ხანის ძეგლი: დაბლაგომში, ოჩამჩირესთან და უკანასკნელ ხანებში სოფ. ძვერთან საგვარჯილეში.

დაბლაგომი. 1929 წ. დაბლაგომში სრულიად შემთხვევით აღმოჩნდა მეტად საყურადღებო მასალა, რომელიც იმავე წელს პროფ. ნ. ბერძენიშვილმა საქართველოს მუზეუმში ჩამოიტანა. რა თქმა უნდა, ამ აღდგენილ იმთავითვე განსაკუთრებული ინტერესი გამოიწვია და 1936 წ. პროფ. ნ. ბერძენიშვილის ხელმძღვანელობით მოეწყო დაბლაგომის არქეოლოგიური ექსპედიცია.³ აქ სხვადასხვა პერიოდის მასალასთან ერთად ნაციხვარის აღმოსავლეთ ფერდობზე აღმოჩნდა ენეოლითური ხანის ფენა. ეს ფენა შეიცავდა დიდი რაოდენობით თიხის ქურქლის ფრაგმენტებს, ხელსაფეკვის⁴ ქვებს, კაჟის იარაღს, ნახშირს, ნაცარს და სხვ.⁵ განსაკუთრებით საყურადღებოა აქ მოპოვებული კერამიკა. იგი ხელითაა ნამერწი, სქელკედლიანი, ვარდისფერი სარჩულით, რომელსაც ალაგ-ალაგ მოშავო ფერი გადაკრავს. ზედაპირი გაპრიალებულია. აქ უმეტესად გვხვდება მაღალი და ფართოყელიანი მოზრდილი ქურქლის ფრაგმენტები; მომცრო ზომის ქურქელი შედარებით იშვიათია. ზოგიერთ ქურქელს უმთავრესად მხრიდან ყელზე გადასვლის ადგილას აქეთ-იქით თითო ნახევარსფერული მოყვანილობის პატარა ყური აქვს, ზოგს კი ყურის ნაცვლად თითო ან ორ-ორი შვერილი⁶. დაბლაგომის ქურქელს ბევრი საერთო აქვს როგორც დამზადების ტექნიკის მხრივ, ისე ფორმის მხრივ, დიდუბის, კიკეთის, ელარის და სხვ. მასალებთან. აქაც გვხვდება სამხრეთ ამიერკავკასიის ენეოლითური კერამიკისათვის დამახასიათებელი ფორმები: მაღალი, ცილინდრულ-ყელიანი ქურქელი, ნახევარსფერული მოყვანილობის ყურები და სხვ.⁶ აღსა-

¹ ცნობა ამ ძეგლის შესახებ მოგვაწოდა გორის ისტორიულ-ეთნოგრაფიული მუზეუმის დირექტორმა ს. ნადიმაშვილმა, რისთვისაც მადლობას მოვასხენებთ.

² Күфтин Б. А. Археолог. раскопки в Трналетти, გვ. 108.

³ Күфтин Б. А. Материалы к археологии Колхиды. II. Тб. 1950, გვ. 1.

⁴ Хоштариа Н. В. Древнее поселение в Дабтаргани, Тбилиси, 1941. (рукопись)

გვ. 20.

⁵ Күфтин Б. А. დასახ. ნაშრ., გვ. 131, Хоштариа Н. В., დასახ. ნაშრ., გვ. 105.

⁶ Күфтин Б. А. დასახ. ნაშრომი გვ. 132, Хоштариа Н. В., იქვე, გვ. 113.

ნიშნავია დაბლაგომში ნაპოვნი დისკოსებრი მოყვანილობის თიხის ხუფის-ფრაგმენტები. იგი ახლოს დგას მალაქლუს, ბეშტაშენის, დიდუბის და სხვ. ამ-გვარსავე ხუფებთან.

უთუოდ საყურადღებოა დაბლაგომში აღმოჩენილი ორი ფრაგმენტი. ორივეს შუაზე დაახლოებით 1,0 სმ დიამეტრის ნახვრეტი აქვს. ეს ნატეხები უნდა ეკუთვნოდეს საკმაოდ მოზრდილ კურკელს, რომელსაც მუცლის ზედა ნაწილზე თითო ნახვრეტი ჰქონია. შესაძლოა, ეს კურკელი მართლაც სადღე-ბელი იყოს¹. უნდა აღვნიშნოთ, რომ სადღეებელი ჩვენში საერთოდ კარგადაა-ცნობილი და მას ხშირად ვხვდებით გვიან ბრინჯაოს ხანიდან მოკიდებული (სამთავრო, ფლავისმანი, ქვასათალი და სხვ.). უფრო ადრეული ხანის მასა-ლებიდან სადღეებელი, ზემოთ აღნიშნულის გარდა, ჩვენთვის უცნობია. გვიანი ბრინჯაოს ხანის სადღეებლებს, ჩვეულებრივად, ხვრელი ოდნავ მილისებრი გა-მოშვერილი აქვს ხოლმე. დაბლაგომის სადღეებელზე კი ხვრელთან კურკლის კედელი ოდნავ სქელდება. ამრიგად, როგორც ჩანს, ჩვენში სადღეებლის ტი-პის კურკელი უკვე საკმაოდ ადრეული პერიოდიდანაა ცნობილი.

აღსანიშნავია დაბლაგომში მოპოვებული ტლანქად ნაძერწი ქილისებრი ფორმის კერამიკა, რომელსაც ძირზე აშკარად ეტყობა ქილოფის ანაბეჭდი². ამგვარი ანაბეჭდიანი კურკლის ფრაგმენტები ცნობილია დიხა გუძუბიდან და ოჩამჩირის ენეოლითური ხანის სადგომიდან.

გარდა კერამიკისა, ნაციხვარზე აღმოჩნდა აგრეთვე ქვის იარაღიც, თუმ-ცა, უნდა აღვნიშნოს, რომ მათი დაკავშირება კულტურულ ფენასთან ყოველ-თვის ვერ ხერხდება. მაგრამ ისიც უნდა ითქვას, რომ ტიპობრივად ისინი შესაძლოა ნაციხვარის სწორედ ძველ ფენას ეკუთვნოდნენ³.

ნაციხვარზე აღმოჩნდა სამი ხელსაფქვავის ქვა. აქედან მხოლოდ ერთია უშუალოდ კულტურულ ფენაში ნაპოვნი. გამოირჩევა ორი ტიპის ხელსაფ-ქვავი: ერთი დიორიტის მოგრძო ოვალური ფორმის, მეორე კი „ნავისებრი“ მოყვანილობის⁴.

ნაციხვარის ნამოსახლარზე ორი კაჟის იარაღი და ორიც ანატკეცი აღ-მოჩნდა. სამწუხაროდ, არც ერთი მათგანი უშუალოდ ფენაში არ აღმოჩენილა. მაგრამ საფიქრებელია, რომ ეს იარაღი ქვედა ფენისა იყოს. ამათგან პირველ რიგში უნდა აღვნიშნოს ორმხრივ დამუშავებული ფოთლისებრი მოყვანი-ლობის შუბის პირი. იგი ჯერ კიდევ აშკარად ატარებს ნეოლითური ტექნიკის.

¹ Хоштария Н. В. დასახ. ნაშრ., გვ. 100, Куфтин Б. А., დასახ. ნაშრ., გვ. 138.

² Куфтин Б. А. დასახ. ნაშრ., გვ. 139.

³ Куфтин Б. А. დასახ. ნაშრ., გვ. 127.

⁴ Куфтин Б. А. დასახ. ნაშრ.; გვ. 127, Хоштария Н. В., დასახ. ნაშრ., გვ. 110.

კვალს და ახლო დგას თეთრამიწაზე აღმოჩენილ ერთ ამგვარსავე იარაღთან. მეორე იარაღი — დაგრძელებული ფორმის დანისმაგვარი იარაღი უნდა იყოს, დამუშავებულია ორმხრივ¹.

გარდა კაყის იარაღისა, ნამოსახლარის ტერიტორიაზე აღმოჩნდა აგრეთვე ობსიდიანის ხუთი ანატეკი — ამათგან მხოლოდ ერთს ეტყობა დარტყმის სიბრტყე. მათი უშუალოდ დაკავშირება ქვედა ფენასთან ძნელია².

ნაციხვარის ნამოსახლარის შესახებ მასალის სიმცირის გამო სადღეისოდ ბევრის არაფრის თქმა შეიძლება. როგორც ჩანს, დაბლაგომის კერამიკული კომპლექსი ახლო დგას ცენტრალურ და სამხრეთ ამიერკავკასიის ტერიტორიაზე გამოვლენილ ენეოლითური ხანის მასალასთან³. აქაც გვხვდება თიხის ჭურჭლის სავსებით ისეთივე ფორმები, თითქმის ყველა დამახასიათებელი ნიშნით (ფართო ცილინდრული ყელი, ნახევარსფეროსებრი ყურები, ნოყვანილობა და სხვ.), რომლითაც ხასიათდება ლიტერატურაში უკვე გარგად დამკვიდრებული ე. წ. მტკვარ-არაქსის ენეოლითური კერამიკა. როგორც ჩანს, ეს კულტურა სცილდება მტკვრისა და არაქსის აუზის ფარგლებს⁴, ვრცელდება დასავლეთ საქართველოშიც და რიონის დაბლობამდე აღწევს. ამიტომაც, ეგებ, ლიტერატურაში დამკვიდრებული სახელწოდება მთლად ზუსტი არ იყოს. აქვე უნდა აღვნიშნოთ, რომ დაბლაგომის მასალაში აშკარად შეინიშნება აგრეთვე გარკვეული მსგავსება კოლხეთის დაბლობზე გამოვლენილ ადრეული ხანის ძეგლებთან. სადღეისოდ ჩვენს ხელთ არსებული მასალის მიხედვით შეიძლება იმის თქმა, რომ კოლხეთის დაბლობის ადრეული ხანის ნამოსახლარები ერთგვარი თავისებურებით ხასიათდება და გარკვეულ განსხვავებულ მასალას იძლევა ცენტრალურ და სამხრეთ ამიერკავკასიის ენეოლითურ ნამოსახლარებზე ნაპოვნ მასალებთან შედარებით. დაბლაგომში მოპოვებული მასალა მსგავსებას იჩენს ოჩამჩირის ენეოლითური ხანის ნამოსახლარზე აღმოჩენილ კერამიკასთან. ამ მხრივ განსაკუთრებით აღსანიშნავია ჭილოფის ანაბეჟდიანი კერამიკა. როგორც აღნიშნული გვექონდა, მსგავსი კერამიკა ცნობილია აგრეთვე დიხა-გუძუბას ქვედა ფენიდან. მაგრამ მიუხედავად გარკვეული ურთიერთობისა კოლხეთის ადრეულ ნამოსახლარებთან, ნაციხვარის მასალაში უფრო მკიდრო კავშირი ჩანს აღმოსავლეთ საქართვე-

¹ Куфтин Б. А. დასახ. ნაშრ., გვ. 129.

² იქვე, გვ. 128.

³ Куфтин Б. А. დასახ. ნაშრ., გვ. 132; Хоштарна Н. В. დასახ. ნაშრ., გვ. 113.

⁴ Куфтин Б. А. К вопросу о ранних этапах бронзовой культуры на территории Грузии. Краткие сообщ. ИИМК. вып. VIII. Москва, 1940, стр. 12.

ლოს ენეოლითთან. სამწუხაროდ, სადღეისოდ ამ მეტად საინტერესო საკითხს შესახებ ბევრის არაფრის თქმა შეგვიძლია.

ნაციხვარის ნამოსახლარის სამეურნეო ცხოვრების სურათის აღდგენისათვის მეტად მცირე მასალა მოგვეპოვება. ნაპოვნი იყო, მცირე რაოდენობით, ცხოველების ძვლები: ძროხის, წვრილფეხა საქონლის და ღორის.¹ მსხვილფეხა საქონლის ძვლები აქ შედარებით მეტი აღმოჩნდა. ეს გარემოება და აგრეთვე ისიც, რომ აღმოჩნდა სადღეებლის ფრაგმენტები, გვაფიქრებინებს, რომ აქ უმეტესად მსხვილფეხა საქონლის მოშენებას მისდევდნენ. კოლხეთის დაბლობზე ამ პერიოდი საამისოდ ხელსაყრელი პირობები უნდა ყოფილიყო.

ნამოსახლარის ქვედა ფენაში მოპოვებული ხელსაფეკავის ქვები და აგრეთვე მოზრდილი ქურქელი, რომელიც უმეტესად, ალბათ, მარცვლეულის შესანახად იხმარებოდა, შეიძლება, მიწათმოქმედების განვითარებაზე მიუთითებდეს.

ო ჩ ა მ ჩ ი რ ე. სამშენებლო სამუშაოების დროს ოჩამჩირიდან ჩრდილოეთით დაახლოებით 5 კმ დაშორებით, იმ ადგილას, სადაც მდინარე ჯიქიმურა ზღვას ერთვის, სრულიად შემთხვევით აღმოჩნდა მეტად საყურადღებო მასალა. 1935—1936 წ. წ. აქ არქეოლოგიური სამუშაოები ჩაატარეს მ. ივაშჩენკომ და ლ. სოლოვიოვმა². შესწავლის შედეგად გაირკვა, რომ ძველი ნამოსახლარი განლაგებული ყოფილა ერთმანეთის გვერდით მდებარე სამ ბორცვზე³. აქ გვხვდება სხვადასხვა პერიოდის მასალა. ქვედა კულტურული ფენა დაახლოებით ზღვის დონეზე იყო. ამ ფენაში მოპოვებული მასალა საგრძნობლად განსხვავდება ზედა ფენებისაგან. იგი შეიცავდა თავისებურ კერამიკას, ხელსაფეკავის ქვებსა და ძვლის იარაღს, მრავლად ცხოველების ძვლებსა და სხვ. ქვედა ფენას მოსდევდა საკმაოდ სქელი სტერილური ფენა, რაც უთუოდ იმას უნდა მოწმობდეს, რომ ეს ადგილი კარგა ხანს მიტოვებული იყო და ცხოვრება მხოლოდ ანტიკურ პერიოდში განახლებულა. ამ ფენის თავზე აღმოჩნდა საკმაოდ ძლიერი ანტიკური ხანის კულტურული ფენა⁴.

უძველესი ნამოსახლარი აქ ენეოლითური ხანისა უნდა იყოს⁵. გათხრებით მოპოვებული მასალა მეტნაკლებად გარკვეულ სურათს გვაძლევს იმ-

¹ Күфтин В. А. Материалы к археологии Колхиды, II, გვ. 127,

² Соловьев Л. П. Археологические раскопки близ г. Очамчыры в Абхазии. Советская археология, IV, М.—Л., 1937, გვ. 323.

³ Күфтин В. А. Материалы к археологии Колхиды, II, გვ. 259.

⁴ იქვე, გვ. 270.

⁵ Соловьев Л. П. Энеолитическое селение у Очамчырского порта в Абхазии. Тр. Абхазского научно-исслед. инст. яз. и ист., Сухуми, 1939, т. XV, გვ. 5.

დროინდელი ადამიანის ცხოვრების შესახებ. იარაღი უპირატესად ქვასაა. მასალად გამოყენებულია კაჟი და რიყის ქვა; განსაკუთრებით ბევრია რიყის. ქვისგან ნაკეთები იარაღი; გვხვდება ცულები, თოხები, საწაფები და სხვ.¹ კაჟის იარაღი უმთავრესად პატარა ზომისაა. აღმოჩნდა საკრისები, საფხეკენი, სახვრეტები, ნუკლეუსები, ისრისა და შუბის პირები, ხერხისა და ნამგლის პირები და სხვ². დიდი რაოდენობითაა ნაპოვნი აგრეთვე კაჟის ანატეცები, რომელთაც თითქმის ყველას ეტყობა ხმარების კვალი. აღსანიშნავია ერთი ქვის კვირისთავის ნატეხი. კულტურულ ფენაში ხშირად ჩნდება გრანიტის ხელსაფქვავეები³.

გარდა ქვის იარაღისა ნამოსახლარზე ნაპოვნი იყო აგრეთვე ძვლის იარაღიც: სადგისები, სატეხი, გახვრეტილი რქის თოხი და სხვ.⁴.

ქვედა კულტურულ ფენაში მრავლად აღმოჩნდა კერამიკა, სამწუხაროდ. ძლიერ დაღეწილი. ამიტომაც ძნელია ჭურჭლის ფორმის შესახებ რაიმეს გარკვევით თქმა. როგორც ჩანს, უპირატესად გვხვდება ქილისებრი ჭურჭლის ნატეხები; შედარებით იშვიათია ღრმა ჯამები, ცალყურა თუ უყურა სასმისები (ტოლჩა), ქოთნისმაგვარი ჭურჭელი და სხვ. ჭურჭლის ყური ჩვეულებრივად პატარა ზომისაა, მრგვალი, ზოგჯერ ბრტყელი. უფრო მოზრდილ ცალეებს ხშირად ყურის ნაცვლად შვერილები აქვს. გვხვდება ჭურჭელი, რომელსაც ძირზე ატყვია ქილოფის თუ ქსოვილის ანაბეჭდი⁵.

თიხის ჭურჭელი მეტად ტლანქია, ხელით ნაძერწი, სქელკედლიანი. იგი სუსტადაა ღია ცეცხლზე, არათანაბრად გამომწვარი. ორნამენტი ჭურჭელზე შედარებით იშვიათია. უმთავრესად გვხვდება მარტივი ორნამენტი სწორი თუ ირიბი კდეული ხაზები, სამკუთხედები და სხვ.

როგორც ამ ნამოსახლარზე მოპოვებული მასალიდან ჩანს, მიწათმოქმედება აქ საკმაოდ დაწინაურებული უნდა ყოფილიყო. ამას მოწმობს უთუოდ აქ მოპოვებული სამიწათმოქმედო იარაღი: კაჟის ნამგლის პირები, ქვის და რქის თოხები, ხელსაფქვავის ქვები და სხვ. მიწათმოქმედების გვერდით ჩანს, ვითარდება აგრეთვე მესაქონლეობაც. კულტურულ ფენაში მრავლად აღმოჩნდა საქონლის ძვლები⁶. ამათგან ყველაზე ჭარბადაა ძროხის. იგი იმავე

¹ Соловьев Л. И. დასახ. ნაშრ.; გვ. 28.

² Купчин Б. А. დასახ. ნაშრ., გვ. 268, Соловьев Л. И., დასახ. ნაშრ., გვ. 35.

³ Соловьев Л. И. Археологические раскопки..., გვ. 323.

⁴ Соловьев Л. И. Этнолитическое селище... გვ. 39.

⁵ Купчин Б. А. დასახ. ნაშრ., გვ. 266, Соловьев Л. И., დასახ. ნაშრ., გვ. 41.

⁶ Соловьев Л. И. დასახ. ნაშრ., გვ. 52.

ტიპისაა. როგორც დაბლაგომისა და ანაკლიიდან ცნობილი, პატარა ზომის¹. აქაც. საფიქრებელია, უპირატესად მსხვილფეხა საქონლის მოშენებას მისდევდნენ დაბლაგომის მსგავსად და რძის პროდუქტს, ეგებ, აქაც მნიშვნელოვანი როლი ეკავა. კარგადაა წარმოდგენილი აგრეთვე ღორის ძვლებიც. ჩანს, ამ პერიოდში კოლხეთში მელიორაციისათვის ხელსაყრელი პირობები იყო. ტყიანი ადგილები უთუოდ ხელს უწყობდა მესაქონლეობის ამ დარგის დაწინაურებას². ოჩაჩირის ნამოსახლარზე, ისევე როგორც დაბლაგომში, შედარებით მკირე რაოდენობით აღმოჩნდა წვრილფეხა საქონლის ნაშთები (ცხვარი, თხა). ნეკუპარეობის განვითარებისათვის კოლხეთში შესაძლოა სათანადო პირობები არ იყო. ტყიანი ლანდშაფტი საამისოდ ნაკლებად ხელსაყრელი უნდა ყოფილიყო³. მრავლად აღმოჩნდა აქ გარეული ცხოველების ძვლები, უპირატესად გარეული თხისა და ირმის. მონადირეობას ჩანს, მნიშვნელოვანი ადგილი ეკირა. კოლხეთის ტყიან და მალაღმთიან ადგილებში, რა თქმა უნდა, საამისოდ ხელსაყრელი პირობები უნდა ყოფილიყო. კიდევ უფრო მნიშვნელოვანი ადგილი ეკავა აქ, როგორც ირკვევა, მეთევზეობას. მრავლად აღმოჩნდა ნამოსახლარზე ბადის საწაფები, გვხვდება აგრეთვე თევზის ძვლებიც⁴.

ერთგან აღმოჩნდა 3,0 მ დიამეტრის თიხატყეპნილი ადგილი, რომელიც, შესაძლოა, ქოხის იატაკი ყოფილიყო. აქვე მრავლად ჩნდებოდა თიხის ბათქაწია ნატეხები და, ეგებ, სწორედ ამით იყო შეღესილი ქოხის კედლები.

ოჩაჩირის ენეოლითურ ნამოსახლარზე მოპოვებული მასალა გარკვეულ მსგავსებას იჩენს კოლხეთის დაბლობის ადრეული ხანის ძეგლებთან. ამ მხრივ განსაკუთრებით აღსანიშნავია ანაკლიის მახლობლად გათხრილი დიხა გუძუბას ქვედა ფენაში აღმოჩენილი მასალა⁵. დიხა გუძუბას კერამიკა უახლოვდება ოჩაჩირისას, თუმცა რამდენადმე თითქოს უფრო ახალგაზრდა ჩანს. აქაც გვხვდება თიხის ქურქელი ქილოფის ანაბეჭდით ძირზე. მსგავსება ჩანს აგრეთვე ქვის იარაღშიც. დიხა გუძუბას ქვედა ფენაში აღმოჩნდა ერთი ფუძეწოლარული ისრის პირი სავსებით ისეთივე, როგორც ოჩაჩირეში⁶.

საყურადღებოა, რომ ოჩაჩირის ენეოლითური მასალა ანალოგიას პოულობს აფხაზეთის ტერიტორიაზე გამოვლენილ რამდენადმე უფრო მოგვი-

¹ Кухтин Б. А. დასახ. ნაშრ., გვ. 268.

² Кларк Г. Доисторическая Европа, Москва, 1953. გვ. 126.

³ Кларк Г. Доистор. Европа, Москва, 1953, გვ. 127.

⁴ Соловьев Э. И. დასახ. ნაშრ., გვ. 52.

⁵ Кухтин Б. А. დასახ. ნაშრ., გვ. 268.

⁶ იქვე, სქოლიო.

ნო ძეგლებთან, კერძოდ დოღმენების ძირა ფენის მასალასთან. აქ აღმოჩნდა ერთი თიხის ჯამი და კაეის ისრის პირი, რომლებიც უახლოვდებიან ოჩამჩირის ნამოსახლარის მასალას.

დასასრულ, უნდა აღვნიშნოთ, რომ მიუხედავად იმისა, რომ კოლხეთის ენეოლითური ხანის ნამოსახლარების შესახებ სადღეისოდ მეტად მცირე მასალა მოგვეპოვება თითქოს მაინც შეინიშნება გარკვეული თავისებურება, რითაც იგი განიჩჩევა ცენტრალურ და სამხრეთ ამიერკავკასიის კარგად ცნობილ ამავე პერიოდის ნამოსახლარებისაგან.

ამით ამოიწურება სადღეისოდ ცნობილი ენეოლითური ხანის ძეგლები საქართველოში.

ბ) ენეოლითური კულტურის დახასიათება

მტკვარ-არაქსის ენეოლითის ტიპის ძეგლები კარგადაა გამოვლენილი დღევანდელ სომხეთის ტერიტორიაზე. აქ უკანასკნელ ხანებში წარმოებული სამუშაოების შედეგად აღმოჩენილი იყო ადრეული ხანის ნამოსახლარები. ამათგან აღსანიშნავია მენგავითი, შრეშ-ბლური, ქულ-თაფა, მალაქლუ; ელარი. არმავირ-ბლური და სხვ. ამ მასალების შესწავლის შედეგად გაიჩკვა, რომ სამხრეთ და ცენტრალურ ამიერკავკასიაში ლითონის გაჩენის ადრეულ სტადიაზე არსებობდა სრულიად ერთგვაროვანი კულტურა, რომელიც მთელი რიგი თავისებური ნიშნებით ხასიათდება. აქვე უნდა აღვნიშნოთ მიუხედავად იმისა, რომ ამ კულტურისათვის დამახასიათებელი ძეგლები ამიერკავკასიაში თითქოს კარგადაა გამოვლენილი, იგი მაინც სადღეისოდ სათანადოდ შესწავლილი არ არის. ჯერჯერობით თითქმის არაფრის თქმა არ შეგვიძლება. ამ კულტურის განვითარების საფეხურების შესახებ. ამის ერთ-ერთი მთავარი მიზეზი ის არის, რომ ჯერ კიდევ არ მოგვეპოვება საამისოდ სათანადო სტრატиграფიული მონაცემები. ამიტომაცაა, რომ ენეოლითური კულტურა, რომელიც ჩვენ თვალწინ იშლება, უკვე იმდენად წინაა წასული, რომ თითქმის სრულიად ვერ ხერხდება მისი დაკავშირება წინა საფეხურთან, თუ მხედველობაში არ მივიღებთ ზოგიერთ ქვის იარაღს, რომელსაც ჯერ კიდევ შემოუნახავს ნეოლითური ტექნიკის ტრადიციები. რა თქმა უნდა, ამას ხელს უწყობს ისიც, რომ სათანადოდ არ არის შესწავლილი აგრეთვე ნეოლითური კულტურა. კერძოდ, მისი გვიანი საფეხური. განსაკუთრებით ნიშანდობლივია კერამიკა. ნეოლითური კერამიკა სადღეისოდ მეტად სუსტადაა წარმოდგენილი და ისიც რაც არის, მეტისმეტად დაღწილია და გარკვეული ფორმის წარმოდგენის საშუალებას თითქმის სრულიად არ იძლევა. ენეოლითური კულტურა: როგორც

ცნობილია, უკვე ხასიათდება სრულყოფილი, მრავალფეროვანი, ზოგჯერ შე-
სანიშნავად ორნამენტირებული, თავისებური კერამიკული კომპლექსით. რაღა-
თქმა უნდა, საქმის ამგვარი ვითარება უთუოდ ართულებს საკითხს ამ კულ-
ტურის წარმომავლობის შესახებ; მაგრამ, ვფიქრობთ, რომ ეს სირთულე.
დღეს ამ საკითხის შეუსწავლელობის მიზეზით უნდა იყოს ახსნილი.

იმის გამო, რომ არც საკუთრივ ენეოლითური კულტურაა სადღეისოდ
სათანადოდ შესწავლილი, რთულდება ზოგჯერ მეტად საყურადღებო საკითხე-
ბის სწორი განსაზღვრა. მაგალითად, ენეოლითური კულტურის ქრონოლო-
გიური სტადიების შეუსწავლელობის გამო ძნელდება ამ კულტურის თავისე-
ბური ლოკალური ვარიანტების დადგენა. ეს უპირატესად გამოწვეულია იმის
გამო, რომ ჯერ კიდევ ვერ ხერხდება სათანადოდ იმის დადგენა, თუ რითაა
გამოწვეული ესა თუ ის თავისებურება — კულტურის ლოკალურ ვარიანტთა-
ნა გვაქვს საქმე, თუ, ეგებ, ამის მიზეზი უფრო ისაა, რომ აქ განვითარების
სხვადასხვა საფეხური უნდა გვქონდეს. ჯერ კიდევ თითქმის არაფრის თქმა
არ შეგვიძლია ცალკეული ეტაპისათვის დამახასიათებელი ნიშნების შესახებ
(საწარმოო იარაღი, კერამიკა, საცხოვრებელი და სხვ.). უნდა აღინიშნოს,
რომ ე. წ. „მტკვარ-არაქსის“ ენეოლითურ კულტურაში შეინიშნება ცალკეულ
ძეგლთა თავისებურებანი. მაგალითისათვის შეიძლება დავასახელოთ შენგავი-
თი და შრეშ-ბლური. მიუხედავად იმისა, რომ მათ შორის დიდი სიახლოვე
ჩანს, მასალაში მაინც შეინიშნება გარკვეული სხვაობაც, განსაკუთრებით თვალ-
ში საცემია კერამიკის ორნამენტაცია. ბ. პიოტროვსკი სავსებით სამართლი-
ანად შენიშნავს, რომ ბუნებრივია ეს გარემოება აიხსნას იმით, რომ შრეშ-
ბლური რიგი ნიშნებით უფრო ადრეული უნდა იყოს შენგავითზე, თუმცა,
დასძენს იგი, დღევანდელი დონე ამ პერიოდის მასალის შესწავლილობისა
ამის დადგენის საშუალებას ძნელად იძლევა¹.

ამგვარი რამ საქართველოს მასალებშიც შეინიშნება, აქაც უპირატესად
კერამიკაში. მაგ., შიდა ქართლში გამოვლენილი ენეოლითური ძეგლები სა-
ერთოდ დიდ მსგავსებას პოულობენ თრიალეთის, კიკეთისა და სომხეთის ენეო-
ლითურ მასალებთან, ოღონდ შიდა ქართლის ენეოლითური კერამიკა უმეტე-
სად სადაა და მისთვის სადღეისოდ ნაკლებად დამახასიათებელი ჩანს ორნა-
მენტაციის მოტივები, რომლითაც ხასიათდება მტკვარ-არაქსის ენეოლითური
კერამიკა. შესაძლოა აქ ამ კულტურის რაიმე ლოკალურ თავისებურებასთან
გვქონდეს საქმე ან კიდევ, შრეშ-ბლურის და შენგავითის მსგავსად, ეგებ, აქაც,

¹ Пиотровский Б. Б., Поселения медного века в Армении. Советская археоло-
гия, XI. М.—Л., 1949. გვ. 175.

საფიქრებელია, რომ ერთი კულტურის სხვადასხვა საფეხურთან გვაქვს საქმე. გარკვევით რაიმეს თქმა ძნელია. სადღეისოდ ჩვენს ხელთ მყოფი მასალა ამ საკითხის ჯეროვნად გადაწყვეტის საშუალებას არ იძლევა და, ვფიქრობთ, რომ ჯერჯერობით უმჯობესია თავი შევიკავოთ, ვიდრე მეტნაკლებად დადგენილი არ გვექნება სათანადო სტრატეგიაფიული მონაცემებით შემაგრებული ენეოლითური კულტურის პერიოდიზაცია.

განსაკუთრებით საყურადღებოა საკითხი ენეოლითური ხანის ნასოფლარისა და საცხოვრებელი ნაგებობის შესახებ. სამწუხაროდ, სადღეისოდ ამ პერიოდის არც ერთი ნასოფლარი სათანადოდ შესწავლილი არ არის და ამიტომაც ძნელდება რაიმეს გარკვევით თქმა ენეოლითური ხანის საგვარეულო სოფლის შესახებ. როგორც ჩანს, ეს სოფლები განლაგებული იყო როგორც დაბლობ ადგილებში დიდი მდინარეების მახლობლად. ისე საკმაოდ მალეობ ადგილებზე, პლატოზე, ზოგჯერ პატარა მდინარეების პირზე. დასახლებიასათვის ადგილის შერჩევა დაკავშირებული უნდა ყოფილიყო მეურნეობის ხასიათთან; ირჩევდნენ ისეთ ადგილს, სადაც ხელსაყრელი პირობები იყო მიწათმოქმედებისათვის, მესაქონლეობისათვის, მონადირეობისათვის და სხვ. თუმცა არ არის გამორიცხული, რომ ზოგჯერ ხელმძღვანელობდნენ აგრეთვე სტრატეგიული მიზნითაც.

როგორც ჩანს, ზოგჯერ ეს საგვარეულო სოფლები არც თუ ისე დაშორებული იყო ერთმანეთისაგან. ამ მხრივ განსაკუთრებით ნიშანდობლივია შიდა ქართლში მიკვლეული ძეგლები. მაგალითად, ამ პერიოდის მასალა აღმოჩნდა სტალინირთან, მეორე ძეგლი მიკვლეული იყო სტალინირიდან დაახ. 7 კმ დაშორებით სოფ. ქვასათალში (სტალინირის რ.) და მესამეც სოფ. ტყვიავში. საყურადღებოა, რომ სტალინირის მიდამოებში ენეოლითური ხანის მასალა აღმოჩნდა სამ პუნქტში: ქულბაქები, ნაცარგორა და ზღუდლის გვერდა. შესაძლოა, ჩვენ აქ საქმე გვაქვს ერთ მოზრდილ საგვარეულო სოფელთან. გვარის წევრთა რიცხვის ზრდამ გამოიწვია სოფლის საზღვრების გაფართოება. თვით სოფლის შიგნით საგვარეულო კოლექტივები გამოიყოფიან ცალკეულ უბნებად, თავისი პატარა მეურნეობით. ეს პროცესი უნდა მომხდარიყო ენეოლითის გვიან საფეხურზე.

სამწუხაროდ, სადღეისოდ ბევრი არაფრის თქმა შეგვიძლია თვით ენეოლითური სოფლის შესახებ იმის გამო, რომ ჯერ კიდევ ჯეროვნად არ არის შესწავლილი არც ერთი ძველი ნამოსახლარი. გათხრისას თითქმის ყოველთვის გამოვლენილია ხოლმე მხოლოდ მისი უმნიშვნელო ნაწილი, რაც, რა თქმა უნდა, სათანადო წარმოდგენას ძველი სოფლის შესახებ ვერ მოგვ-

ცემა. ამ მხრივ შედარებით უკეთაა შესწავლილი ერთი ამ დროის ნამოსახლარი სოფ. შენგავითთან (სომხეთი). იგი მდებარეობს ერევნის ნახლობლად მდ. ზანგას მარცხენა ნაპირზე. ნამოსახლარა დაახლ. 6 ჰექტარი ფართობი უკავია. ჯერ კიდევ გათხრებამდე ზედაპირზე კარგად მოჩანდა ქვის მრგვალი წრეები დაახლ. 7 მ დიამეტრისა, რომლებიც ერთი მეორისაგან 20—30 ნაბიჯით იყო დაცილებული. 1936—1938 წ.წ. აქ გათხრები აწარმოა ე. ბაიბურთიანმა¹. სამწუხაროდ, მან ამ მოზრდილი ნამოსახლარის მხოლოდ ერთი ნაწილი გათხარა. ამ სამუშაომ მეტად საყურადღებო შედეგები მოგვცა. გაირკვა, რომ ქვის ეს მრგვალი წყობა წარმოადგენდა მრგვალი სახლის საფუძველს, რომელიც შესაძლოა ნაგებობის ცენტრალური ნაწილი იყო. მას მოდგმული ჰქონდა ოთხკუთხა ნაგებობა. შესწავლილი იყო რამდენიმე ამგვარი შენობა, შენობები სხვადასხვა ზომისა იყო. მაგ., ერთ-ერთი მათგანის მრგვალი ნაწილის დიამეტრი 6 მ უდრიდა. მის სამხრეთ-აღმოსავლეთ ნაწილში კარი იყო, რომელიც ოთხკუთხა ნაგებობასთან აკავშირებდა (3X3 მ). მრგვალ ოთახს სხვა მხრიდანაც ჰქონდა მიდგმული ასეთივე სწორკუთხა ნაგებობები². მრგვალი ოთახის ცენტრში აღმოჩნდა თიხის კერა. საცხოვრებელი № 3 შედარებით უფრო მოზრდილი იყო. მრგვალი ოთახის დიამეტრი უდრიდა 7.5 მ, ხოლო სწორკუთხა ნაგებობის ზომები იყო 14X7 მ. შენგავითის შენობების კედლები ამოყვანილი იყო ალიზით. ზოგან ახლაც კარგადაა შერჩენილი დაახლ. 1,0 მ სიმაღლის ალიზის წყობა. ე. ბაიბურთიანი ფიქრობს, რომ სწორკუთხა ნაგებობები გადახურული უნდა ყოფილიყო ბანურად. მრგვალს კი კონუსური სახურავი უნდა ჰქონოდა³. როგორც ჩანს, საცხოვრებლის სიდიდე დამოკიდებული იყო ოჯახის წევრთა რიცხვზე. ის გარემოება, რომ აქ უკვე გვხვდება შედარებით მოზრდილი საცხოვრებლის გვერდით უფრო პატარა ზომის სახლები, ვფიქრობთ, იმის მოწმობა უნდა იყოს, რომ ცალკეულ საგვარეულო კოლექტივების წევრთა რიცხვის ზრდამ თანდათანობით გამოიწვია ის, რომ მათ გამოეყო ცალკეული ოჯახები, რომლებიც უკვე აღარ საჭიროებენ დიდი ზომის საცხოვრებელს და თავიანთთვის აგებენ შედარებით პატარა სახლებს. ეს პროცესი ენეოლეთის განვითარების საკმაოდ გვიანდელ ეტაპზე უნდა მომხდარიყო და, ვფიქრობთ, რომ თუ ეს ასეა, მაშინ ესეც სხვა მონაცემებთან ერთად კიდევ ერთი საჭუთი უნდა იყოს იმისა, რომ შენგავითში მართლაც უკვე ენეოლითის საკმაოდ გვიანი საფეხური უნდა გვექონდეს.

¹ Байбуртян Е. Культурный очаг на раскопках Шингавитского поселения в 1936—1937 г. г. ВДИ 4(5). Москва. 1938, გვ. 255; Пиотровский Б. Б., დასახ. ნაშრ., გვ. 171.

² Пиотровский Б. Б. დასახ. ნაშრ., გვ. 172.

³ Пиотровский Б. Б. დასახ. ნაშრ., გვ. 172.

ამგვარი მრგვალი ნაგებობების კვალი ცნობილია აგრეთვე სხვა ადგილებიდანაც. მაგ., ეილარში აღმოჩნდა 4—5 მ დიამეტრის მრგვალი შენობის ნაშთები¹.

საქართველოში ენეოლითური ხანის საცხოვრებლის ნაშთი მიკვლეული იყო მხოლოდ თრიალეთში და ისიც იმდენად დაზიანებული, რომ ძნელდება რაიმეს გადაჭრით თქმა. ბეშთაშენის ენეოლითურმა ნამოსახლარმა საკმაოდ ძლიერი ენეოლითური ფენა მოგვცა. აქ მხოლოდ ერთ ოთხკუთხა ნაგებობის ქვის საფუძველი აღმოჩნდა². სოფ. ოზნიში ენეოლითური ხანის ფენაში ნაპოვნი იყო ნახევარწრიული წყობა დაახლ. 7,5 მ დიამეტრისა.³ ბ. კუფტინი ფიქრობს, რომ შესაძლოა ეს იყო მრგვალი ნაგებობის საფუძვლის ნაწილი. მას უფრო დასაშვებად მიაჩნდა, რომ აქ ვივარაუდოთ რაღაც ხის ნაგებობა ძველი მეგრული ფაცხის მსგავსი⁴. ქვის საფუძველის მიხედვით შესაძლოა დაახლოებით. ვიანგარიშით ამ ნაგებობის სიმაღლე—2,75 მ⁵. იმ მოსაზრებას, რომ აქ მართლაც შესაძლოა მრგვალი ნაგებობა იყოს, აძლიერებს თითქოს ისიც, რომ ქვის წყობის გვერდით, მის გარეთ აღმოჩნდა ისეთივე მრგვალი კერის ფრაგმენტები, როგორც დამოწმებულია შენგავითის მრგვალ შენობებში⁶. აქვე გვინდა აღვნიშნოთ, რომ საქართველოს ზომიერი ჰავის პირობებში ხის ნაგებობის აგება სავსებით მიზანშეწონილი უნდა ყოფილიყო და თანაც საამისო მასალაც საკმაო რაოდენობით იქნებოდა აქ. შესაძლოა ამგვარივე ხის შენობის ნაშთი იყოს იმავე ოზნაში გათხრილი თიხატკეპნილი იატაკი. ეს, ეგებ, ხის „ფაცხის“ იატაკის ნაშთი იყოს. ნაგებობის არაერთარი კვალი აქ არ აღმოჩენილა⁷.

საერთოდ უნდა შევნიშნოთ, რომ მრგვალი საცხოვრებელი კარგად იყო ცნობილი ადრეულ ხანაში მესოპოტამიაში და ხმელთაშუა ზღვის კულტურულ სამყაროში. არაპაჩაიას ბორცვის ადრეულ ფენებში აღმოჩენილი იყო მრგვალი შენობები, რომელთაც აგრეთვე სწორკუთხა ნაგებობები ჰქონდა მიდგმული⁸.

¹ Күфтин В. А. Урартский „Колумбарий“ у подошвы Арарата и Куро-Араксский энелеит, საქ. მუზ. მთაბმე, ტ. XIII-В, თბილისი, 1943, გვ. 101.

² Күфтин В. А. Археологические раскопки в Трпалетти, გვ. 108.

³ Күфтин В. А. Археологические раскопки 1947 года... გვ. 26.

⁴ იქვე, გვ. 27.

⁵ იქვე, გვ. 28.

⁶ იქვე.

⁷ Күфтин В. А. დაახ. ნაშრ., იქვე გვ. 35.

⁸ Пиотровский В. В. დაახ. ნაშრ., გვ. 173, Күфтин В. А. Урартский „Колумбарий“ у подошвы Арарата... გვ. 114.

დასასრულ, აღსანიშნავია, რომ, როგორც საგვარჯილეში წარმოებულმა უკანასკნელმა გათხრებმა დაგვანახა, ენეოლითში ზოგან ჯერ კიდევ გამოქვაბულსაც იყენებდნენ. აქ ენეოლითური ფენა აღმოჩნდა როგორც გამოქვაბულის გარეთ, ისე მის შიგნითაც. საფიქრებელია, რომ გამოქვაბულს საცხოვრებლად იყენებდნენ უპირატესად ზამთრობით, ზაფხულის თვეებს კი მის გარეთ ატარებდნენ.

რა თქმა უნდა, მეტად საინტერესოა საკითხი, თუ როგორ იყო განლაგებული საცხოვრებლები შიგ სოფელში და საერთოდ როგორი იყო თვით სოფლის გეგმა. სამწუხაროდ, სადღეისოდ ამის შესახებ თითქმის არაფრის თქმა შეგვიძლია.

ბევრის არაფრის თქმა არ შეგვიძლია აგრეთვე თვით საცხოვრებლის შესახებ. როგორც ჩანს, მრგვალი შენობის ცენტრში ჩვეულებრივ იდგა მრგვალი, დაახლ. 1,0 მ დიამეტრის თიხის კერა¹. შენგავითში ამგვარი კერები პირდაპირ იატაკზე იდგმებოდა და შესაძლებელი იყო მათი გადატანა. სოფ. ოზნაში ნაპოვნი ამგვარივე კერა შესაძლოა მართლაც მიწაში იყო ჩადგმული: მისი გარეთა პირი ხაოიანი და ტლანქი იყო². მართებული ჩანს ბ. კუფტინის მოსაზრება; რომელიც აღნიშნავდა, რომ არ უნდა იყოს სწორი ამ კერებში დავინახოთ მაინცდამაინც საკულტო დანიშნულების საგანი³. შენგავითში ერთ-ერთი საცხოვრებლის ოთხკუთხა ოთახის კუთხეში აღმოჩნდა ჩვეულებრივი კერა, შემდგარი რამდენიმე ქვისაგან⁴.

ბ. კუფტინმა ბეშთაშენის ნამოსახლარის გათხრისას მიაკვლია კერის ნაშთს. აქ აღმოჩნდა ნაცრისა და ნახშირის სქელი ფენა. აქვე ერთმანეთის მახლობლად იდო პირქვე სამი თიხის ჭურჭელი, ხელსაფეკვაის ქვა და სხვ⁵. დაახლ. ამგვარსავე სურათს ვხვდებით აგრეთვე სხვა ნამოსახლარებზედაც. მაგ., შენგავითში თითქმის ყველა კერის მახლობლად ეყარა ხელსაფეკვაის ქვები, როდინის ქვები, სანაყი, ჭურჭლის ფრაგმენტები და სხვ. საცხოვრებლის იატაკზე და მოზრდილ ჭურჭლებში აღმოჩნდა სხვადასხვა მარცვლეულის ნაშთი. გარდა ამისა, საცხოვრებლის შიგნით მრავლად ჩნდებოდა სხვადასხვა ცხოველების ძვლები⁶. როგორც ჩანს, საცხოვრებელი არა მარტო თავშესაფარი იყო, არამედ ადამიანი აქვე ინახავდა სანოვაგესაც. სამწუხაროდ, ჯერჯე-

¹ Байбуртян Е. დასახ. ნაშრ., გვ. 256.

² Куфтин Б. А. Археологические раскопки 1947 года..., გვ. 28 ა

³ Куфтин Б. А. Урартекский „Колумбарий“ у подошвы Арарата..., გვ. 115.

⁴ Байбуртян Е. დასახ. ნაშრ., გვ. 258.

⁵ Куфтин Б. А. Археологические раскопки в Триалети, გვ. 113.

⁶ Пиотровский Г. П. დასახ. ნაშრ., გვ. 173.

რობით ვერაფერს ვიტყვით, თუ როგორ იყო დაყოფილი საცხოვრებელი შიგნით. შესაძლოა მას ჯერ კიდევ არ ჰქონდა სათანადოდ სანოვაგის შესანახად ცალკე გამოყოფილი ადგილი საცხოვრებლის შიგნით. სანოვაგის შესანახი ჭურჭლის ფრაგმენტები მთელ იატაკზე იყო მოფანტული. ხელსაფეკავის ქვეები, სანაყი და სხვა კერის ირგვლივ ჩნდებოდა. ჩანს, რომ საკვებს იქვე ინახავდნენ. ამგვარსავე სურათს ვხვდებით დაახლ. ეილარშიაც. აქაც აღმოჩნდა ქვისაგან შენდგარი კერა, რომლის ნახლობლად იღო პირქვე ორი შავი ჭურჭელი, ბატკნის ჩონჩხი და ხელსაფეკავი. ამავე ფენაში აღმოჩნდა რამდენიმე მრგვალი ორმო, რომლებიც, როგორც ჩანს, ხორბლის შესანახი უნდა ყოფილიყო¹.

როგორც უკვე არა ერთ გზის აღენიშნავდით, ყველაზე ჭარბად ენეოლითურ სადგომებში წარმოდგენილია კერამიკული მასალა. აქ მოპოვებული ჭურჭელი ხასიათდება ძერწვის არქაული წესით. ნაკეთებია ხელით უმორგვოდ. ეს კერამიკული კომპლექსი გამოირჩევა მეტად მდიდარი, მრავალფეროვანი და თანაც თავისებური ფორმებით. თვით თიხის ჭურჭელი შემდეგი სახისაა: ჯამები, დერგები, ქილები, ქოთნები, ფიალები, ბადიები და სხვ. აქ გამოირჩევა მოშაო-მოვარდისფრო ფერის მაღალი და ფართო ყელიანი ჭურჭელი ჩვეულებრივად ორი ნახევარსფერული პატარა ყურებით ყელსა და მხრის საზღვარზე მოძერწილი. ზოგიერთი ხასიათდება კარგად მოპირკეთებული ზედაპირით. ზოგჯერ შავადმზრწყინავ, ვარდისფერი საჩაულით. აღსანიშნავია შედარებით თხელკედლიანი შავი ფერის ვიწრო და შედრეკილძირიანი ჭურჭელი, ხშირად გეომეტრული ორნამენტით შემკული. მეტად თავისებურია ენეოლითური კერამიკის ორნამენტაცია. გვხვდება რელიეფური ორნამენტი, უპირატესად სპირალით შემკული ჭურჭელი. ზოგჯერ კი რელიეფურად გამოყვანილი რალაც ფიგურებია, ხშირია სხვადასხვა გეომეტრული სახეები და სხვ.

უნდა აღინიშნოს, რომ ეს კერამიკა თავის გავრცელების ფართო ტერიტორიაზე თითქმის უცვლელად ინარჩუნებს მისთვის დამახასიათებელ თავისებურებას, თუმცა ~~მსრ~~ უნდა ითქვას, რომ ზოგიერთ ცალკეულ ჯგუფს ახასიათებს თავისებური სპეციფიკურობა. როგორც უკვე აღენიშნეთ, შიდა ქართლის ენეოლითურ ძეგლებში მოპოვებული კერამიკული კომპლექსი ხასიათდება თითქმის ყველა იმ თავისებურებით, რომელიც ჩვენი ენეოლითისათვისაა დადგენილი, ოღონდ მინც მისთვის ისაა დამახასიათებელი, რომ

¹ Куфтин Б. А. Урартский „Колумбарий“ у подошвы Арарата..., 33-102.

იგი სრულიად სადაა და ჯერჯერობით მისთვის სრულიად უცხო ჩანს ორნამენტაციის ის მოტივები, რომელიც ამ პერიოდის კერამიკას ახასიათებს. ზემოთ ნათქვამი იყო აგრეთვე შრეშ-ბლურის და შენგავითის კერამიკის შესახებაც.

კერამიკული ნაწარმის დეტალური შესწავლა უთუოდ ბევრ საყურადღებო რამეს მოგვცემს ენეოლითური კულტურის შესახებ; ადრეულ საფეხურზე ეს მასალა, სხვასთან შედარებით, უფრო მეტის მთქმელია. შეიძლება ითქვას, რომ იგი უკეთ ავლენს ამა თუ იმ კულტურას, თუ ცალკეულ 'კულტურათა' ლოკალური ვარიანტებისათვის დამახასიათებელ თავისებურებას. კერამიკული კომპლექსის სწორი ანალიზი მეტად მნიშვნელოვან მონაცემებს იძლევა ისეთი საკითხების გადასაჭრელად, როგორცაა კულტურის წარმომავლობის საკითხი, ურთიერთობის საკითხი, ლოკალური ჯგუფების დადგენა და გამოვლენა და სხვ. სამწუხაროდ, ჩვენი ენეოლითური კერამიკა სადღეისოდ ჯერ კიდევ ამგვარად შესწავლილი არ არის. მართალია, ახლა უკვე ზოგადად გამოვლენილია ამ კულტურისათვის დამახასიათებელი თიხის ნაწარმის თავისებური სახე, ზოგი რამ დამახასიათებელი ჩანს აგრეთვე ცალკეული ჯგუფებისთვისაც, ოღონდ ჯერჯერობით არ არის მოცემული ამ მასალის დეტალური ანალიზი, რის შედეგადაც შესაძლებელი იქნება უფრო დაბეჯითებით ვიმსჯელოთ ზემოაღნიშნულ საკითხზე.

ენეოლითურ ფენებში აღმოჩენილი არაკერამიკული მასალა შედარებით მცირედაა წარმოდგენილი. ამათგან პირველ რიგში აღსანიშნავია ქვის იარაღი. როგორც ჩანს, ქვას აქ ჯერ კიდევ დიდი როლი უკავია; უმთავრესად გვხვდება კაეის ქვის და ობსიდიანის იარაღი. იგი კარგადაა დამუშავებული და ჯერ კიდევ ატარებს ნეოლითური ტექნიკის კვალს. ხშირად გვხვდება კაეის ისრის პირები. ეს გარემოება იმის მოწმობა უნდა იყოს, რომ ნადირობას ჯერ კიდევ დიდი ადგილი უკავია სამეურნეო ყოფაში. უმთავრესად გვხვდება ყუნწიანი ისრის პირები. საყურადღებოა, რომ ეს ისრის პირები თავისი ფორმით ახლო დგანან ჩვენში ჯერ კიდევ ნეოლითურ ხანაში გავრცელებულ ისრის პირებთან, კერძოდ კი, თეთრამიწაზე მოპოვებულ ამგვარსავე იარაღთან¹. გვხვდება აგრეთვე უყუნწო ისრის პირები დაფნისფოთლისებრი მოყვანილობის. აღსანიშნავია, რომ დაბლაგომში აღმოჩენილი ერთი დაფნისფოთლისებრი ისრის პირი ახლო ანალოგიას პოულობს ამგვარსავე იარაღ-

¹ Куфтин Б. А. Археологические раскопки в Триалети, გვ. 110.

Куфтин Б. А. Материалы к археологии Колхиды, т. II. გვ. 130.

თან თეთრამიწიდან. ეს კი უთუოდ იმაზე მიუთითებს, რომ ენეოლითში ჯერ კიდევ ცოცხლობს ის ფორმები და დამუშავების ტექნიკა, რომელიც უკვე ნეოლითში შეინიშნება. აქვე უნდა აღვნიშნოთ, რომ ენეოლითურ მასალაში გვხვდება აგრეთვე ფუძემოლარული ასიმეტრიული ისრის პირები. ამგვარი ისრის პირი სადღეისოდ სულ სამია აღმოჩენილი: ერთი ოჩამჩირეში, მეორე ზღუდრის გვერდაზე და მესამეც ნაცარგორის ერთ-ერთ სამარხში. ამგვარი იარაღი კარგადაა ცნობილი ჩრდ. ქვეყნების კულტურებში საკმაოდ ადრეულ პერიოდში. ეს ფორმა ადრე ჩანს აგრეთვე ჩრდილო კავკასიაშიაც. მას ეხვდებით დოლანსკოეს ნამოსახლარზე, ნოვოსეობოდნაის ცოლანში და სხვ.² სამხრეთით ეს ფორმა დღემდე არ ჩანს. ამიტომაც, საფიქრებელია, რომ შესაძლოა ეს ისრის პირები ჩრდილოეთიდან შემოსული იყოს. უთუოდ საყურადღებოა, რომ სამიდან ორი ამ ტიპის ისრის პირი შიდა ქართლის ჩრდილო ზოლში აღმოჩნდა. როგორც ცნობილია, ბრინჯაოს ხანაში ეს რაიონი ახლო ურთიერთობაშია ქედს იჭითა რაიონებთან. ჩანს, რომ ეს კავშირი უკვე უფრო ადრეული საფეხურიდან შეინიშნება. გარდა კაჯისა გვხვდება აგრეთვე ობსიდიანის ისრის პირები, ოლონდ შედარებით იშვიათად. ერთი მოზრდილი ობსიდიანის ფოთლისებრი, სამკუთხა ისრის პირი აღმოჩნდა დიდუბის ნამოსახლარზე და სხვ.

კაჯის იარაღიდან აღსანიშნავია დაკბილული პირები. ამგვარი იარაღი ხშირად გვხვდება ენეოლითურ ფენებში: თრიალეთი, შენგავითი და სხვ. სავსებით მართებული უნდა იყოს ა. კრუგლოვის და გ. პოდგაეცკის მოსაზრება, რომ კაჯის დაკბილული პირები ყოველთვის ნამგლის პირი არ უნდა ყოფილიყო და ზოგი მათგანი კაჯის ბერხის პირს წარმოადგენდა. ენეოლითურ ნამოსახლარზე აღმოჩენილი დაკბილული პირების ერთი ნაწილი უთუოდ ნამგლის პირი უნდა იყოს. ამას მოწმობს სემენოვის მიერ ჩატარებული სპეციალური დაკვირვება შენგავითის დაკბილულ პირებზე³. ჩვენში კაჯის დაკბილული პირები უკვე ნეოლითიდანაა ცნობილი. ქუთაისის მუზეუმში დაცულია რამდენიმე კაჯის დაკბილული პირი აღმოჩენილი თეთრამიწის თუ სათაფ-

¹ Кухтин В. А. დასახ. ნაშრ., გვ. 130.

² Кухтин В. А. К проблеме энеолита Внутренней Карпачи..., გვ. 77. გობეჯიშვილი, გ. დასახ. ნაშრ., გვ. 244.

³ Круглов А. П. и Подгаецкий Г. В. Родовое общество степей восточной Европы, М.—Л., 1935, გვ. 77.

⁴ Пшотровский В. Б. დასახ. ნაშრ., გვ. 173.

ლიას ნეოლითური ხანის სადგომში¹. შეიძლება ვიფიქროთ, რომ კაეის ნამ-
გალს ჩვენში უკვე ნეოლითის მიწურულიდან იცნობდნენ.

ენეოლითურ ფენებში ცნობილია აგრეთვე კაეის სხვა იარაღიც: კარგად
ნაკეთები კაეის დანები თრიალეთიდან, დიდუბიდან, ტყვიავიდან, შენგავითი-
დან და სხვ. გვხვდება აგრეთვე სახერეტები, საქრისები, და სხვ.

ხშირია აგრეთვე ობსიდიანის იარაღიც. ზოგან ობსიდიანის იარაღი სქარ-
ბობდა კიდევ კაეისას². გვხვდება ობსიდიანის დანები, სახერეტები, საქრი-
სები, ისრის პირები და სხვ.

ამ პერიოდის ქვის იარაღიდან აღსანიშნავია ლახტისა და კვერის თა-
ვეები. ერთი კვერის თავი ნაპოვნია ნაცარგორას ერთ-ერთ სამარხში³. იგი
კარგადაა დამუშავებული, შუაში ნახერეტი აქვს. სადღეისოდ ამგვარი კვერი
ამიერკავკასიაში ნაპოვნია მხოლოდ შენგავითის ენეოლითური ნამოსახლარი-
დან. ამ ტიპის იარაღი ცნობილია წინა აზიაში საკმაოდ ადრეული ხანის ფე-
ნებში: ალაშარზე, თეფე-გავრაზე, ტროაში, სუზაში და სხვ⁴.

ლახტის თავი სადღეისოდ ცნობილია ჩვენში მხოლოდ ერთი ცალი ტყვი-
ავის II ყორღანიდან⁵. თავისი ფორმით ეს ლახტის თავი უახლოვდება თრია-
ლეთის ადრეულ ბრინჯაოს ხანის ერთ-ერთ ყორღანში აღმოჩენილ ჰემატი-
ტის ლახტის თავს⁶. ლახტისმაგვარი იარაღი აღმოჩნდა შენგავითში⁷.

აღსანიშნავია თრიალეთში აღმოჩენილი ტლანქად დამუშავებული ერთი
ქვის იარაღი — ე. წ. „კულპინის ტიპისა“, რომელსაც ტარის უკეთ დამაგრე-
ბის მიზნით ზედა ნაწილზე ლარი შემოუყუება⁸. ამ ტიპის იარაღი ამიერკავკა-
სიაში ენეოლითის ფენიდან ცნობილია შრეშ-ბლურიდან, ელარიდან⁹. მრავლად
აღმოაჩინა იგი ი. ჰუმელმა კილიგ-დაგში.¹⁰ ამგვარი იარაღი ცნობილია მცირე
აზიიდან, კერძოდ, ალაშარის ბორცვის პირველი ფენიდან.

¹ კილაძე ნ. ახალი ქვის ხანის ძეგლები თეთრამიწიდან, მასალები საქართველოს და
კავკასიის ისტორიიდან, ნაკ. 29, თბილისი, 1951. გვ. 257.

² Ишотропский Б. Б. დასახ. ნაშრ., გვ. 175.

³ გობეჯიშვილი გ. დასახ. ნაშრ., გვ. 244.

⁴ იქვე.

⁵ მაკალათია ს. დასახ. ნაშრ., გვ. 29.

⁶ Куфтин Б. А. Археологические раскопки в Триалети, გვ. 101.

⁷ Куфтин Б. А. Урартекский „Колумбарий“ у подошвы Арарата... გვ. 101

⁸ Куфтин Б. А. Археологические раскопки в Триалети: გვ. 112.

⁹ Куфтин Б. А. Урартекский „Колумбарий“ у подошвы Арарата... გვ. 103 და 116.

¹⁰ Гумель И. Археологические разведки на Килиг-даге, Изв. Аз. филиала АП
ССР, 2, Баку, 1938. გვ. 23.

თითქმის ყველა ენეოლითურ ნამოსახლარზე ნაპოვნი იყო ხელსაფეკვაის ქვები, უმთავრესად, „ნავისებრი“ ფორმის (ტაბ. VII3). გვხვდება აგრეთვე როდინის ქვები, სანაყები, გახვრეტილი ქვები, საწაფები და სხვ.

დასასრულ, უსათუოდ აღსანიშნავია ის გარემოება, რომ ე. წ. „მტკვარ-არაქსის“ ენეოლითურ სადგომების ფენაში დღემდე თითქმის სრულიად უცნობია ქვის ცულები, მიწის დასამუშავებელი ქვის თოხები, სატეხები, საკრეთელები და სხვ. როგორც ცნობილია, ამ ტიპის იარაღები კარგადაა წარმოდგენილი უკვე ნეოლითური ხანის კულტურულ ფენებში. რამ გამოიწვია ეს გარემოება; ჯერჯერობით ძნელი სათქმელია. რა თქმა უნდა, ამას ვერ მივაწერთ ლითონის შემოსვლას. ლითონი ჯერ კიდევ შედარებით უმნიშვნელო როლს ასრულებს. შესაძლოა, ამის მიზეზი უფრო საბებარი იყოს მეურნეობრივი ხასიათის ცვლილებაში. დასავლეთ საქართველოს ენეოლითურ მასალაში სხვაგვარი სურათი გვაქვს. მაგ., ოჩამჩირის ენეოლითურ ფენებში მრავლად აღმოჩნდა რიყის ქვის ცულები, თოხები და სხვ¹. როგორც ჩანს, აქ ძირითადად შემორჩა სამეურნეო ცხოვრებაში იგივე იარაღი, რომელიც ნეოლითში იყო ცნობილი.

ძვლის იარაღიდან ყველაზე ხშირად გვხვდება სახვრეტი და სადგისი. ეს იარაღი, ჩანს, ფართოდ იყო გავრცელებული. იგი ცნობილია დიდუბიდან, ტყვიავიდან, ოჩამჩირიდან, შენგავითიდან და სხვ. გვხვდება აგრეთვე ძვლის საკინძები². ოჩამჩირეში, შენგავითში და სხვ. აღმოჩნდა ძვლისაგან ნაკეთები ისრის პირები³. აღსანიშნავია აგრეთვე ძვლის კვირისტავი. შედარებით იშვითია რქის იარაღი. ამათგან უნდა აღინიშნოს რქის აოხები. ეს იარაღი სადღეისოდ ცნობილია მხოლოდ დასავლეთ საქართველოდან: ერთი ცალი ოჩამჩირედან⁴ და მრავლად საგვარჯილედან⁵.

დასასრულ, უნდა აღვნიშნოთ ენეოლითის ფენებში მოპოვებული ლითონის ნივთები. როგორც უკვე ზემოთ იყო ნათქვამი, ლითონის საგნები ამ პერიოდში ჯერ კიდევ მეტად იშვიათია. ლითონი სადღეისოდ მხოლოდ რამდენიმე ენეოლითურ ნამოსახლარზეა აღმოჩენილი და ისიც მეტად მცირე რაოდენობით. სხვაზე მეტად ლითონის ნივთები აღმოჩნდა შენგავათის ბორცვზე.

¹ Ситовьев П. И. დასახ. ნაშრ., გვ. 24.

² Кухтин Б. А. დასახ. ნაშრ., გვ. 115., Пшотროвский Б. Б. დასახ. ნაშრ., გვ. 174.

³ Пшотროвский Б. Б. იქვე.

⁴ Кухтин Б. А. Материалы к археолог. Колхиды, ტ. II, გვ. 269; ტაბ. 720.

⁵ კილაძე ნ. მრავალფენიანი არქეოლოგიური ძეგლი „საგვარჯილე“, საქართველოს სსრ მეცნიერებათა აკადემიის მოამბე; ტ. XIV, № 3, თბილისი, 1953; გვ. 561.

აქ ნაპოვნი იყო ორი ოთხწახნაგა სადგისი, სამი საკინძი და მპივი¹. ზორილეთ-ში ლითონის ნივთები აღმოჩნდა მხოლოდ 1947 წ. ექსპედიციის დროს სოფ. ოხნაში: ორი სადგისი და ერთიც დანისებრი ფირფიტა². ტყვიავის ყორღანებში ნაპოვნი იყო ოთხწახნაგა სადგისი, პატარა დანისებრი იარაღი და ერთიც რგოლი³. ნაცარგორის ენეოლითურ სამარხებში იღო ორი წვრილი მავთულის რგოლი-საყურე და ერთიც სპილენძის მანქვალი⁴. ოთხწახნაგა სადგისი დამოწმებული იყო აგრეთვე საგვარჯილეში⁵ და ურბნისში. განსაკუთრებით საყურადღებო ის არის, რომ უკანასკნელ ხანებში ამიერკავკასიაში ენეოლითურ ფენაში აღმოჩნდა აგრეთვე ლითონის სამეურნეო იარაღიც. გარნიში ანტიკური ხანის ტაძრის გათხრისას მიკვლეული იყო აგრეთვე ენეოლითური ფენა. აქ ტიპურ ენეოლითურ კერამიკასთან ერთად აღმოჩნდა ლითონის ბრტყელი ნამგლის პირი⁶, რაც გვაფიქრებინებს, რომ ლითონის იარაღი უკვე გარკვეულ როლს ასრულებს მეურნეობაშიც. (თავდაპირველად, რა თქმა უნდა, ლითონი ღაინც იშვიათი იყო, თანაც ძვირი და ძირითადად ისევე ქვას ხმარობდნენ. მაგრამ, საფიქრებელია, რომ პირველი ლითონის იარაღს მაინც გარკვეული მნიშვნელობა ექნებოდა და, ეგებ, სწორედ ეს არის ერთ-ერთი მიზეზი ენეოლითური კულტურის დაწინაურებისა. აქვე უნდა შევნიშნოთ შემდეგი: საესებით ბუნებრივია, რომ იქ, სადაც თვითნაბადი სპილენძი საკმაო რაოდენობით მოიპოვებოდა იმათითვე ლითონის სხვა ნივთებთან ერთად, იმავე ცივად ქედვის წესით, სხვა რაიმე დამატებითი მეტალურგიული პროცესის გარეშე უნდა დაემზადებინათ სამეურნეო იარაღიც, რაც უთუოდ გარკვეულ გავლენას მოახდენდა ეკონომიურ ცხოვრებაზე⁷. ჩვენში ამგვარი ლითონის ნაკლებობა სრულიადაც არ იქნებოდა და ამიტომაც საფიქრებელია, რომ აქაც ადრევე დაეწყოთ ლითონის სამეურნეო იარაღის დამზადება.

დღესდღეობით ცნობილ ლითონის ნივთთაგან შედარებით ხშირად გვხვდება ოთხწახნაგა სადგისი. იგი ისევე, როგორც სხვა ნივთები, ცივად ნაქელი. ამ ტიპის იარაღი საერთოდ კარგადაა ცნობილი ლითონის გაჩენის

¹ Куфтин Б. А. Урартский „Колумбарий“ у подошвы Арарата, гв. 116, Пиотровский И. Б., დასახ. ნაშრ., გვ. 174.

² Куфтин Б. А. Археологич. раскопки 1947 года..., გვ. 31, ტაბ. XII.

³ მაკალათია ს. დასახ. ნაშრ., გვ. 45.

⁴ გობეჯიშვილი გ. დასახ. ნაშრ., გვ. 242.

⁵ კილაძე ნ. დასახ. ნაშრ., გვ. 561.

⁶ Аракелиан Б. Гарни. 1, Ереван, 1951, გვ. 25, სურ. 12.

⁷ Кларк Г. Историческая Европа, Москва. 1935, гв. 186.

ადრეულ საფეხურზე. ეს ფორმა, თითქოს ოდნავ განვითარებული, შემდეგშიც ჩანს ჩვენში. თრიალეთში ამგვარივე სადგისი ცნობილია ადრეული ბრინჯაოს ხანის ერთ-ერთ ყორღანთან¹.

აქვე გვინდა აღვნიშნოთ, რომ შენგავითი ერთ-ერთი საცხოვრებლის ზედა ფენაში ნაპოვნი იყო ქვის ყალიბის ფრაგმენტი, ეგებ, ბრტყელი ცულის ჩამოსასხმელი². როგორც უკვე ნათქვამი გვექონდა, სპეციალურ ლიტერატურაში გამოთქმულია მოსაზრება, ვფიქრობთ, სამართლიანად, რომ შენგავითის ნამოსახლარი ენეოლითის მიწურულს მიეკუთვნება, ამიტომაც შეიძლება ვიფიქროთ, რომ ენეოლითის დასასრულს ჩვენში უკვე იწყება ლითონის ჩამოსახმა. აქედან იწყება მეტალურგიის თანდათანობითი განვითარება, რაც, რათქმა უნდა, გარკვეულ გავლენას ახდენს საზოგადოებაზე, რის შედეგადაც ჩვენში უკვე იწყება საკმაოდ მძლავრი და დაწინაურებული კულტურა—ადრეული ბრინჯაოს ხანა.

ჩვენს ხელთ არსებული მასალის მიხედვით ირკვევა, რომ ენეოლითურ ხანაში ჩვენში გარკვეულ განვითარებას აღწევს მიწათმოქმედება და შესაქონლეობა. როგორც ცნობილია, მიწათმოქმედება საქართველოში უკვე ნეოლითურ კულტურაში ჩანს. ამ პერიოდის ჩვენთვის ცნობილი თითქმის ყველა ძველი მეტად საყურადღებო მასალას გვაწვდის სწორედ მიწათმოქმედების შესახებ. ოდიშში³, თეთრამიწახე⁴, სათაფლიაში, საგვარჯილეში⁵ და სხვ. მოპოვებულია ქვისა და რქის მიწის დასამუშავებელი იარაღები: თოხები, ნამგლის პირები. ხელსაფქვავის ქვები და სხვ. მომდევნო საფეხურზე, ენეოლითში, მეურნეობის ეს დარგი კიდევ უფრო წინაურდება. მიწის დამუშავება ახლაც იბრითადად ხის, ქვის, რქისა და სხვ. იარაღით ხდებოდა. ეს იარაღი თითქმის სრულიად არ განსხვავდება ნეოლითურისაგან. საგვარჯილეში აღმოჩენილი ნეოლითური რქის თოხები თითქმის სავსებით ისეთივეა, როგორც ენეოლითურ ფენებში მოპოვებული. ოჩამჩირეში ენეოლითურ ნამოსახლარზე ნაპოვნი მიწის დასამუშავებელი ქვის იარაღი იგივეა თითქმის როგორც ნეოლითური. 1, 1

როგორც ჩანს, მიწათმოქმედება ამ პერიოდში მეურნეობის ძირითადი დარგი უნდა ყოფილიყო. ამას მოწმობს უთუოდ ენეოლითურ ნამოსახლარებზე აღმოჩენილი მასალა. აქ თითქმის ყოველთვის გვხვდება მიწის დასამუშა-

¹ Кудтин В. А. Археологические раскопки в Триалети, გვ. 101, 109.

² Шотровский В. Б. დასახ. ნაშრ., გვ. 174.

³ კალანდაძე აღ. მეზოლითური და ნეოლითური კულტურათა ნაშთები საქართველოში, ვინძის მოამბე, IV, თბილისი, 1939, გვ. 363—371.

⁴ კილაძე ნ. ახალი ქვის ხანის ძეგლები თეთრამიწიდან, გვ. 255.

⁵ კილაძე ნ. მრავალფენიანი არქეოლოგიური ძეგლი, „საგვარჯილე“, გვ. 561.

ვებელი იარაღი. ხელსაფქვავის ქვები, ნამგლის პირები, მარცვლეულის შეა-
ნახი ქურქელი, ორმოები, ზოგჯერ თვით მარცვლეულის ნაშთებიც და სხვ.

მიწას ჩანს, ძირითადად, ამუშავებდნენ ქვის, რქის და. ეგებ, უპირატე-
სად ხის იარაღით. როგორც უკვე აღნიშნული გვექონდა, ენეოლითურ მასა-
ლებში მიწის დასამუშავებელი იარაღი, ქვის თოხები მეტად იშვიათია. ამ პე-
რიოდის რქის იარაღი, თოხები, სადღეისოდ ჩვენთვის ცნობილია მხოლოდ
ორგან: ოჩამჩირესა და საგვარჯილეში. უკანასკნელ ადგილას ამ ტიპის იარაღი
მრავლად აღმოჩნდა. ე. წ. „მტკვარ-არაქსის“ ენეოლითისათვის სადღეისოდ
რქის თოხები სრულიად უცხო ჩანს. არც ქვის მიწის დასამუშავებელი იარა-
ღია მისთვის მაინცდამაინც დამახასიათებელი. ამიტომაც, ხომ არ შეიძლება
ვიფიქროთ. რომ აქ ამ პერიოდში მიწას ძირითადად ხის იარაღით ამუშავებ-
დნენ. ამ მოსაზრებას ერთგვარად ისიც ამართლებს, რომ მიწათმოქმედებას-
თან დაკავშირებული ქვის სხვა რიგის იარაღი ამ ნამოსახლარებში კარგადაა
ცნობილი და მხოლოდ უშუალოდ მიწის დასამუშავებელი ქვის და რქის იარა-
ღი ჩანს ნაკლებად.

მიწათმოქმედებასთან დაკავშირებული იარაღებიდან საყურადღებოა კა-
ყის დაკბილული ნამგლის პირები; მათ თითქმის ყველა ენეოლითური ნამოსახ-
ლარის მასალაში ვხვდებით. როგორც უკვე იყო ნათქვამი, სპეციალურად
ჩატარებულმა ცდებმა დაადასტურა, რომ ეს დაკბილული პირები ნამდვილად
კაყის ნამგლის ჩასართები უნდა ყოფილიყო¹. კაყის ნამგალი ჩვენში, ჩანს, უკ-
ვე ენეოლითური პერიოდიდან ვრცელდება და წინა აზიის სხვა ქვეყნების
მსგავსად, საკმაოდ დიდხანს შემორჩა². ლითონის ნამგალი ჩვენში ვრცელდება
მხოლოდ გვიანდ ბრინჯაოს ხანიდან. მართალია უკანასკნელ ხანებში გარნის
ენეოლითურ ფენაში აღმოჩნდა ლითონის ნამგლის ნატეხი, ოღონდ, როგორც
მასალებიდან ჩანს, ჩვენში იგი აღარ გავრცელებულა და გვიანდ ბრინჯაოს ხანამდე
ძირითადად კაყის ნამგალი იხმარებოდა. რა თქმა უნდა, მოსავლის აღების
სხვაგვარი წესიც არსებობდა. არ არის გამორიცხული თავთავის ხელით მოგ-
ლეჯა. ამ წესით, რასაკვირველია, მოზრდილი ფართობის დამუშავება ძნელი
იქნებოდა³. საყურადღებოა, რომ საქართველოში დღესაც ენდემური ჯიშების—
მახას და ზანდურის აღების თავისებური წესი არსებობს. პირველად იკრიფე-
ბა თავთავი „წნაკით“, რომელიც წარმოადგენს ორ ჯოხს, ერთ თავში მოძ-

¹ Пшотровский Б. В. დასახ. ნაშრომი., გვ. 173.

² ჯაფარიძე ო. მიწათმოქმედების იარაღი დასავლურ-ქართულ კულტურაში, თსუ შრო-
მები, № 49. თბილისი, 1953, გვ. 204.

³ Слободин О. М. К вопросу о развитии и смене систем земледелия, Материа-
лы по истории земледелия СССР, Москва, 1952, გვ. 29.

რავად შეკრულს; ღერო გარკვეული დროის მანძილზე მინდვრად რჩება. ნიშანდობლივია, რომ ეს წესი სადღეისოდ დამოწმებულია ასტურიაში (ესპანეთი), სადაც ადგილობრივ პურეულს „სპელტას“ მოსაკრებად შნაკვისმაგვარ იარაღს ხმარობენ¹.

რა წესით ხდებოდა ამ პერიოდში შეგროვილი მარცვლეულის გალენვა, ძნელი სათქმელია. შესაძლოა, პირდაპირ ხელით ფშვნეტდნენ მას, ან კიდევ ფეხებით ლეწდნენ. ამგვარად მიღებულ მეტნაკლებად გალენილ მარცვლეულს ფქვავდნენ ხელსაფქვავებით. როგორც აღნიშნული იყო, ხელსაფქვავებს ხშირად პოულობენ ხოლმე ნამოსახლარ ადგილებში უპირატესად კერის მახლობლად. საპირო იყო აგრეთვე მარცვლეულის შენახვა მომავალ მოსავლამდე². ჩანს, რომ მარცვლეულს ინახავდნენ მოზრდილ ქურქელში. ურბნისში თიხატყეპნილი იატაკის გაწმენდის შემდეგ აღმოჩნდა მოზრდილი ქურქლის ფრაგმენტები და მარცვლეულის ნარჩენები. შენგავითში საცხოვრებლის იატაკზე ნაპოვნი იყო მოზრდილი ქურქელი, რომელშიაც აღმოჩნდა მარცვლეული³. გარდა ამისა, მარცვლეულს ინახავდნენ აგრეთვე ორმოებშიც. ამგვარი ორმოები აღმოჩნდა ურბნისში, ელარში და სხვ. საყურადღებოა, რომ ენეოლითურ ფენებში მოპოვებული მარცვლეული ახლოდგას ამიერკავკასიაში ახლაც კარგად ცნობილ გარეულ ჯიშებთან⁴. ნიშანდობლივია, რომ საქართველოში დღესაც ცნობილია ერთ-ერთი უძველესი სახეობა მახა, რომელიც, როგორც ფიქრობენ, წარმოადგენს გარდამავალ ფორმას გარეულიდან კულტურული ტიპის ხორბალზე⁵. ეს ფორმა საქართველოს ენდემურ სახეობას მიეკუთვნება. იგი დღეს შემორჩენილია მხოლოდ ლეჩხუმში. საქართველოს სხვა ადგილებში და მის გარეთ იგი დღესდღეობით სრულიად უცნობია⁶. როგორც ჩანს, მახა ჩვენში უძველესი დროიდან ყოფილა გავრცელებული. მისი ნაშთები აღმოჩნდა დიხა გუძუბას უძველეს ფენაში⁷. საქართველოში დღეს ცნობილია აგრეთვე სხვა ენდემური სახეობაც, კერძოდ ზანდური. ეს ფორმაც ვიწრო ლოკალურია. იგი დღეს გავრცელებულია მხო-

¹ Флякебергер. Находки культурных растений доисторического периода. Архив истории техники, т. II, Ленинград, 1934. გვ. 169.

² Чий.დ. Прогресс и археология, გვ. 47.

³ Пнотровский Б. Б. დასახ. ნაშრ., გვ. 173.

⁴ Пнотровский Б. Б. დასახ. ნაშრ., გვ. 173.

⁵ Менабде В. Ботанико-систематические данные о хлебных злаках древней Колхиды. საქ. მეც. აკად. მოამბე. ტ. I, № 3, თბილისი, 1940. გვ. 684; Менабде В. Шеленки Грузии, Тбилиси. 1948. გვ. 15.

⁶ Менабде В. Ботанико-систематические данные..., გვ. 684.

⁷ Менабде В. დასახ. ნაშრ., გვ. 684.

ლოდ რაქა-ლეჩხუმში¹. ძველ აბორიგენულ კულტურას წარმოადგენს აგრეთვე დიკა, რომელიც ძირითადად აღმოსავლეთ საქართველოშია ცნობილი². გარდა ამისა. გამორჩევა აგრეთვე რამდენიმე უფრო წერილი სისტემატიკური ერთეული. სპეციალურ ლიტერატურაში გამოთქმულია მოსაზრება, რომ მსოფლიოს არც ერთ ქვეყანაში არ გვხვდება ხორბლის ისეთი ნაირსახეობა, როგორიც ეს საქართველოსა და სომხეთშია. ამიერკავკასია და, კერძოდ კი საქართველო უთუოდ შედის ხორბლის წარმოშობის ძირითად ოლქში³.

როგორც ჩანს, ენეოლითური ხანის მიწათმოქმედი ტომები დასახლები-სათვის ისეთ ადგილს ირჩევდნენ, სადაც მიწათმოქმედებისათვის ხელსაყრელი პირობები იყო. ამ პერიოდის ნასოფლარებს ძირითადად ვხვდებით ისეთ რაი-ონებში. სადაც მიწათმოქმედებისათვის ახლაც კარგი პირობები ჩანს. ქარ-თლის ველი დღესაც, ძირითადად, სამიწათმოქმედო რაიონს წარმოადგენს. წალკის პლატოზე, რომელიც ზღვის დონიდან დაახლ. 2000 მ სიმაღლეზე მდებარეობს, უთუოდ ხელსაყრელი პირობები იყო მიწათმოქმედებისათვის და, როგორც ცნობილია, აქ ძველთაგანვე თითქმის თანაბრად ვითარდებოდა რო-გორც მესაქონლეობა, ისე მიწათმოქმედება⁴.

მიუხედავად იმისა, რომ ენეოლითში მიწათმოქმედება უთუოდ გარკვე-ულ განვითარებას აღწევს, იგი მაინც ჯერ კიდევ მეტად პრიმიტიული იყო. მიწის დამუშავებას ჯერ ისევ ძირითადად ქალი აწარმოებდა. დასათესი ფარ-თობი უშუალოდ სოფლის მახლობლად მდებარეობდა. მაგ., დოლიანსკოეს ნა-მოსახლარის გათხრისას გაირკვა, რომ აქ საცხოვრებლები საკმაოდ დაშო-რებული იყო ერთმანეთს. ა. მილერმა იმთავითვე გამოთქვა მოსაზრება, რომ საცხოვრებლებს შორის მდებარე ფართობი გამოყენებული იყო მიწათმოქ-მედებისათვის⁵. რა თქმა უნდა, დამუშავების შედეგად მიწის ეს ფართობი თანდათანობით იფიტებოდა და სულ უფრო და უფრო ნაკლებად გამოსა-დები ხდებოდა. საფიქრებელია, რომ მიწათმოქმედმა ტომებმა უკვე იცოდ-ნენ მიწის დასვენების წესი და დასამუშავებელი ფართობის ერთ ნაწილს გარკვეულ დროს ასვენებდნენ. შესაძლოა აგრეთვე ისიც, რომ ამ პერიოდში

¹ Жукковский П. М. Культурные растения и их сородичи, Москва, 1950, გვ. 71.

² იქვე, გვ. 75.

³ დეკაბრილევიჩი ლ. შ. რუსთაველის ეპოქის უმთავრესი კულტურები; შ. რუსთაველის ეპოქის მატერიალური კულტურა, თბილისი, 1938, გვ. 5 და 35.

⁴ Ломоносов Ю. Пашущие вопросы горного земледелия, Заря Востока, № 26, იან-ვარი, 1954.

⁵ Круглов А. П. и Подгасенский Г. В. Долвинокое поселение у гор. Пальника, МПА, № 3. М.-Л., 1941, გვ. 170—192.

იციზობდნენ უკვე მიწის ხელოვნურად განაყოფიერებას. გ. ჩაილდს დასაშვებად მიაჩნია ის მოსაზრება, რომ დასავლეთ ევროპაში მცხოვრებმა ტომებმა მიწის განაყოფიერება ისწავლეს ჯერ კიდევ ნეოლითის პერიოდში¹. რა თქმა უნდა, თანდათანობით სოფლის ირგვლივ მდებარე ადგილები სულ უფრო და უფრო არასაკმარისი ხდება. თანდათანობით იწყება უფრო მოშორებით მდებარე ადგილების დამუშავება. ეს გარემოება, ალბათ, შემდეგში იწვევდა მოსახლეობის ერთი ნაწილის აყრას და ამ ადგილებში გადმოსახლებას. სათიქრებელია, რომ ეს პროცესი ენეოლითის უკვე საკმაოდ განვითარებულ საფეხურზე უნდა მომხდარიყო. საქმე იმაშია, რომ მეურნეობის მატრიარქალური ხასიათი უთუოდ ვერ აიტანდა მიწათმოქმედების ისეთ სახეს, რომელიც უშუალოდ შინამეურნეობას მოწყვეტილი იქნებოდა².

მიწათმოქმედებასთან ერთად ენეოლითურ ხანაში ვითარდებოდა აგრეთვე მესაქონლეობაც. ამ პერიოდის კულტურულ ფენებში ხშირად გვხვდება მოშინაურებული ცხოველების ძვლები: ზროხა (ძროხა და ხარი), ცხვარი, თხა, ღორი და სხვ. ჩვენს ხელთ მყოფი მასალების მიხედვით შეგვიძლია ვთქვათ, რომ ენეოლითური ნამოსახლარის ფენებში უმეტესად მსხვილფეხა საქონლის ძვლები გვხვდება. დიდუბის სადგომში, როგორც უკვე ზემოთ ითქვა, მოშინაურებულ ცხოველთა ძვლებიდან აღმოჩნდა მხოლოდ მსხვილფეხა საქონლის ნაშთები. წვრილფეხა საქონლის ძვლები აქ სრულიად არ აღმოჩენილა. დაბლაგომში და ოჩამჩირეში საქონლის ძვლებიდან ყველაზე კარბად წარმოდგენილია მსხვილფეხა საქონლის ძვლები. წვრილფეხა საქონლის ძვლები შედარებით მცირე რაოდენობითაა წარმოდგენილი და სხვ.³ სამწუხაროდ, ენეოლითურ ფენებში მოპოვებული ზოოლოგიური მასალები დღემდე სათანადოდ შესწავლილი არ არის და ამიტომ ძნელდება გარკვევით რაიმეს თქმა. ვფიქრობთ, რომ ამ პერიოდში ჩვენში ჯერ კიდევ უპირატესად მსხვილფეხა საქონლის მოშენებას მისდევენ. ამას, გარდა იმ ფაქტისა, რომ ნამოსახლარის ფენებში მსხვილფეხა საქონლის ძვლები კარბობს, გვათიქრებინებს აგრეთვე ისიც, რომ ჩვენში წვრილფეხა საქონლის მოშენებისათვის, კერძოდ მეცხვარეობის განვითარებისათვის ენეოლითურ ხანაში ჯერ კიდევ სათანადო პირობები არ უნდა ყოფილიყო. მეცხვარეობის დაწინაურებას, ვფიქრობთ, ხელს შეუშლიდა ის, რომ ამ პერიოდში ჩვენში უპირატესად ტყიანი ლანდშაფტი უნდა ყოფილიყო; ტყე კი მეცხვარეობის განვითარებისათვის ნაკლებ

¹ Чаплд Г. Прогресс и археологии, გვ. 45.

² Слободин В. М. დასახ. ნაშრ., გვ. 30.

³ Куфтин В. А. Материалы к археологии Колхиды, ტ. II, გვ. 127.

ზად ხელსაყრელი იყო¹. მეურნეობის მატრიარქალური ხასიათი კი ალპიური საძოვრების გამოყენების საშუალებას არ იძლეოდა. საძოვრები უშუალოდ ზოფლის მახლობლად იყო განლაგებული.

სამწუხაროდ, მასალის თითქმის სრულიად შეუსწავლელობის გამო არათრის თქმა არ შეგვიძლია ჩვენში ამ ადრეულ საფეხურზე გავრცელებული მსხვილფეხა საქონლის შესახებ. დასავლეთ საქართველოს ენეოლითურ ფენებში მოპოვებული ძვლების მიხედვით თითქოს შეიძლება ითქვას, რომ ამ პერიოდში აქ გავრცელებული იყო პატარა ზომის ძროხა, რომელიც ახლო დგას თანამედროვე იმერულ ჯიშთან². უთუოდ საყურადღებოა ის გარემოება, რომ ამ დროს, ჩანს, ჩვენში საქონელს მხოლოდ ხორცეულ საკვებად კი არ იყენებდნენ, არამედ უკვე იცნობდნენ მის უფრო ფართოდ და რაციონალურად გამოყენებას. დაბლაგომში მოპოვებული სადღეებლის ფრაგმენტები უთუოდ იმის მოწმობა უნდა იყოს, რომ ენეოლითში უკვე იცოდნენ რძის პროდუქტების მიღება³.

ხარი. რომელიც დიდი რაოდენობით ხორცეულს იძლეოდა, ხოლო ძროხა ამასთანავე რძის პროდუქტების მომწოდებელი იყო, ამ პერიოდიდან ჩანს, უკვე კულტის ობიექტი ხდება. ეს გარემოება უთუოდ იმაზე მიუთითებს, რომ ზროხას ამ დროს მეურნეობაში დიდი როლი ეკავა. ენეოლითური ხანის ნამოსახლარების ფენებში ხშირად ეხვდებოდით ხარის გამოსახულებებს. თრიალეთში ნაპოვნი იყო თავმომტვრეული თიხის ხარის ქანდაკება⁴. ქიულ-თაფაზე სხვა ქანდაკებებს შდრის აღმოჩნდა სამი ხარის გამოსახულება⁵. აღსანიშნავია შრემ-ბლურზე მოპოვებული მოზრდილი ხარის სტილიზებული ფიგურა⁶ და სხვ. ხარის კულტანაა დაკავშირებული აგრეთვე ამავე პერიოდის ფენებიდან კარგად ცნობილი „რქიანი“ სადგარები. ზენოაეკალის კოლექციაში ინახება ორი ბრტყელი სადგარი, რქისებრი შეერილით. ბ. კუფტინი, სავსებით მართებულად, მათ ხარის კულტს უკავშირებს⁷. ამრიგად, ირკვევა, რომ ხარის კულტი ჩვენში უკვე ჩანს ენეოლითის ხანიდან მოკიდებული.

¹ Кларк: Г. დასახ. ნაშრ., გვ. 127.

² Күфтин Б. А. დასახ. ნაშრ., გვ. 127. კუფტინი ბ., დასახ. ნაშრ., გვ. 5.

³ Хоштария Н. В. დასახ. ნაშრ., გვ. 192.

⁴ Күфтин Б. А. Археологические раскопки в Триялетп, გვ. 110.

⁵ Швотровский Б. С. დასახ. ნაშრ., გვ. 176.

⁶ Күфтин Б. А. Урартский „Колумбарий“ у подошвы Арарата... გვ. 104

⁷ Күфтин Б. А. К проблеме энеолита Внутренней Картли и Юго-Осетии, გვ. 69.

ხშირად გვხვდება ამ პერიოდის მასალებში აგრეთვე ღორის ძვლები. მესაქონლეობია ეს დარგი საკმაოდ დაწინაურებული უნდა ყოფილიყო. საამისოდ, ვფიქრობთ, ჩვენში საკმაოდ კარგი პირობები იყო. ტყე უთუოდ ხელს უწყობდა მელორეობის განვითარებას.

ენეოლითური ხანის ნამოსახლარის ფენებში პოულობენ აგრეთვე წვრილფეხა საქონლის ძვლებს, ოღონდ, როგორც უკვე ნათქვამი გვქონდა, მათი ნაშთები შედარებით მცირეა. სტალინირის ნაცარგორას ერთ-ერთ სამარხში აღმოჩნდა ბატყის ძვლები¹; ელარის ნამოსახლარზე ნაპოვნი იყო ცხვრის მთლიანი ჩონჩხი²; წვრილფეხა საქონლის ძვლები დამოწმებულია დაბლაგომისა და ოჩამჩირის მასალებში³; ქიულ-თაფაში ნაპოვნი იყო ცხვრის (?) ერთი თიხის ფიგურა⁴ და სხვ. არსებული მასალებიდან თითქოს ჩანს, რომ ენეოლითურ ხანაში ჩვენში მეცხვარეობა ჯერ კიდევ შედარებით შეზღუდულ როლს ასრულებს და სათანადო განვითარებას ვერ აღწევს. ამიტომაც სრულიად დაუსაბუთებელი გვეჩვენება ბ. პიოტროვსკის მოსაზრება, რომ თითქოს ამიერკავკასიაში ამ პერიოდში დიდ განვითარებას აღწევს მესაქონლეობა, განსაკუთრებით კი მეცხვარეობა⁵. ასევე უმართებულო ჩანს მ. რჩულიშვილის დასკვნა, რომელიც ბ. პიოტროვსკის მოსაზრებიდან გამომდინარეობს, თითქოს მესამე ათასწლეულის ბოლოს და მეორე ათასწლეულის პირველ ნახევარში ძვ. წ. მესაქონლეობის სხვა დარგებთან შედარებით მეცხვარეობა უფრო დაწინაურებული იყო⁶. ვფიქრობთ, რომ ამ ადრეულ საფეხურზე ჩვენში მეცხვარეობის სათანადო განვითარებისათვის ხელსაყრელი პირობები არ უნდა ყოფილიყო. ამ პერიოდში აქ ძირითადად მიწათმოქმედი ტომები ბინადრობდნენ. თუმცა აქვე უნდა აღვნიშნოთ, რომ აღმოსავლეთ საქართველოს მაღალმთიან რაიონებს, სადაც ისტორიულად თითქმის თანაბრად ვრცელდებოდა მიწათმოქმედება და მესაქონლეობა (წალკის და ახალქალაქის პლატოები), ადრევე იკავებენ მიწათმოქმედი — მესაქონლე ტომები. საფიქრებელია, რომ აქ უკვე ენეოლითის ხანაში, შეიძლება, უფრო მის მიწურულში გარკვეულ განვითარებას აღწევს მეცხვარეობა. სოფლის ირგვლივ მდებარე საძოვრები თანდათანობით არასაკმარისი ხდება და, საფიქრებელია, რომ აქ ადრევე იწყება მაღალმთი-

¹ გომეჯიშვილი გ. დასახ. ნაშრ., გვ. 243.

² Пшотровский В. В. დასახ. ნაშრ., გვ. 176.

³ Күфтин В. А. Материалы к археологии Колхиды, т. II, გვ. 127, 268. Соловьев Т. II. დასახ. ნაშრ., გვ. 52.

⁴ Пшотровский В. В. დასახ. ნაშრ., გვ. 176.

⁵ იქვე, გვ. 180.

⁶ Рчеулишвили М. Д. К истории оленеводства Грузии, Тбилиси. 1951, გვ. 8.

ანი საზაფხულო ალპიური საძოვრების გამოყენება. ტომის თუ გვარის წევრების ერთ ნაწილს საქონელი გადაყავს. საზაფხულო საძოვრებზე, მეორე ნაწილი კი სოფლად რჩება და ძირითადად მიწის დამუშავებას მისდევს. ამ საფეხურზე სოფლის მეურნეობის ეს ორივე ფორმა თანაარსებობს. ამრიგად, ამ ეტაპზე საფუძველი ეყრება მომთაბარე მესაქონლეობას, რომელიც მომდევნო საფეხურზე კიდევ უფრო ვითარდება. მიწათმოქმედ ტომებს თანდათანობით გამოეყოფა ერთი ნაწილი, რომელიც უკვე ძირითად საქმიანობად მესაქონლეობას ირჩევს. ესენი პირველად ჯერ კიდევ სავსებით არ წყვეტენ კავშირს თავის სამიწათმოქმედო ბაზასთან. მაგრამ შემდეგში ეს კავშირი სულ უფრო და უფრო სუსტდება და მესაქონლე ტომები თანდათანობით წინაურდებიან. ამას უთუოდ ხელს უწყობს ერთის მხრივ ის, რომ მალალმთიანი რაიონების ათვისებასთან ერთად მესაქონლეობა კიდევ უფრო მალალ დონეზე აღის და მეორეს მხრივ მეტალურგიის განვითარება. ამიტომაცაა, რომ ენეოლითის მომდევნო საფეხურზე მთის ზოლის მცხოვრები ტომები უფრო მეტად დაწინაურებულნი ჩანან. ამის ანარეკლია უთუოდ მალალმთიანი რაიონებში აღმოჩენილი მეტად მძლავრი ბრინჯაოს კულტურა. საფიქრებელია, რომ II ათასწლეულის შუა ხანებში ძვ. წ. ჩვენში მეცხვარეობა უკვე ძირითადად მესაქონლეობის წამყვანი დარგი ხდება. აქვე გვინდა აღვნიშნოთ, რომ მეცხვარეობის დაწინაურებას ხელს უწყობდა აგრეთვე მიწათმოქმედებაც. მიწათმოქმედების განვითარება მოითხოვდა სულ უფრო და უფრო მეტ მიწის ფართობს, რაც თავის მხრივ იწვევდა ტყის თანდათანობით შემცირებას და გაშლილი ადგილები კი მეცხვარეობის დაწინაურებისათვის ხელსაყრელი პირობა იყო.

მოშინაურებული ცხოველების ძვლებთან ერთად ენეოლითური ხანის ფენებში მრავლად ჩნდებოდა აგრეთვე სხვადასხვა გარეული ცხოველების ნაშთებიც. დიდუბის ნამოსახლარზე დიდი რაოდენობით აღმოჩნდა გარეული ცხოველების: თხის, ჯეირანის, შველის და სხვ. ძვლები. ოჩამჩირის ენეოლითური ხანის ნასოფლარის ფენებში ნაპოვნი იყო გარეული თხის, ირმის და სხვ¹. ძვლები. შენგავითში მრავლად აღმოჩნდა გარეული თხისა და ცხენის ძვლები და სხვ.² ჩანს, რომ მონადირეობას ამ პერიოდში ჯერ კიდევ მნიშვნელოვანი ადგილი ეკავა. ასევე განვითარებული უნდა ყოფილიყო მეთევზეობაც. არა ერთსა და ორ ნამოსახლარზე აღმოჩნდა თევზის ძვლები და აგრეთვე თევზის საკერი ბადის საწაფები. თუმცა მართალია შეგროვების არსე-

¹ Соловьев Л. Н. დასახ. ნაშრ., გვ. 52.

² Плотровский В. Б. დასახ. ნაშრ., გვ. 173.

ზობის შესახებ პირდაპირი საბუთი არაფერი გვაქვს, მაგრამ, საფიქრებელია, რომ შეგროვებაც ამ საფეხურზე ჯერ კიდევ მნიშვნელოვან როლს თამაშობდა.

მამაკაცის მნიშვნელობა ამ პერიოდში, როგორც ჩანს, საგრძნობლად გაძლიერდა, მაგრამ გვარში მეთავეობას ჯერ კიდევ დედაკაცი ინარჩუნებს. როგორც აღნიშნული იყო, წინა საფეხურთან შედარებით ახლა გაცილებით უფრო განვითარებული კულტურა ჩანს. საგრძნობლად წინაურდება მიწათმოქმედება, ძლიერდება მესაქონლეობა, ჩნდება პირველი ლითონის ნივთები და სხვ. მაგრამ, ვფიქრობთ, რომ გვარი აქ ჯერ კიდევ განვითარების მატრიარქალურ საფეხურზე იმყოფებოდა, რომლის შიგნითაც უკვე ჩნდება რიგი ისეთი ნიშნებისა, რომლებსაც შემდეგში ხელი უნდა შეეწყოს მისი განვითარების უფრო მაღალ საფეხურზე ასვლისათვის. რა თქმა უნდა, ეს გადასვლა უეცრად არ მომხდარა. მატრიარქალური გვარის შიგნით თანდათანობით თავს იჩენს მთელი რიგი ისეთი თავისებურებისა, რომლებიც არსებულ მდგომარეობას ვეღარ ეგუება. ამათგან განსაკუთრებით აღსანიშნავია მესაქონლეობა. როგორც ცნობილია, მესაქონლეობის დაწინაურებამ განსაკუთრებული როლი ითამაშა საზოგადოების განვითარებაზე. მეურნეობის ამ დარგის განვითარება თანდათანობით ხელს უწყობს მამაკაცის როლის გაძლიერებას. როგორც ზემოთ ითქვა. მესაქონლეობის მძლავრი წინსვლა ჩვენში განსაკუთრებით შეინიშნება უკვე ენეოლითის ბოლო საფეხურზე (მიწურულში). ამ პერიოდიდან მოკიდებული, საფიქრებელია, ქალი უკვე თანდათანობით კარგავს თავის უპირატეს მდგომარეობას და მამაკაცის როლის უფრო და უფრო იზრდება; საფუძველი ეყრება გვაროვნული საზოგადოების ახალ, უფრო განვითარებულ ორგანიზაციას — პატრიარქატს.

ენეოლითური ხანის მასალებიდან ჩანს, რომ ქალს აქ ჯერ კიდევ არ დაუკარგავს თავისი მდგომარეობა. ამ პერიოდის კულტურულ ფენებში გვხვდება ხოლმე ქალის თიხის ქანდაკებები. ქიულ-თაფაში აღმოჩნდა სამი ამგვარი ქანდაკება მკვეთრად გამოსახული სასქესო ორგანოებით¹. თიხის ქანდაკება მკვეთრად გამოსახული მკერდით ნაპოვნი იყო ურბნისში. შენგაეთის ნამოსახლარზე აღმოჩნდა ნალისებრი სადგარი, რომლის შუა ნაწილზე ქალია გამოსახული² და სხვ. ამრიგად, საფიქრებელია, რომ ლითონის გაჩენის ადრეულ საფეხურზე ქალს ჯერ კიდევ არ დაუკარგავს თავისი წამყვანი როლი

¹ Киселев С. В. Древняя история южной Сибири. МИА СССР, № 9, М.—Л., 1949. 83. 30.

² Плотровский В. Б. დასახ. ნაშრ., გვ. 176.

³ Куфтян В. А. Урартский «колумбарий». გვ. 119. კუფტინი ბ. დასახ. ნაშრ., გვ. 13.

მეურნეობაში; ენეოლითის ბოლოსათვის ჩვენში უკვე მატრიაჩკატს უჩნდება საგრძნობი ბზარი და საფუძველი ეკრება საზოგადოების განვითარების უფრო მაღალ საფეხურს — პატრიაჩკატს.

ამრიგად, ამიერკავკასიაში გამოვლენილი ენეოლითური კულტურა მეტად საყურადღებო მასალას გვაწვდის საზოგადოების განვითარების ადრეული ეტაპის შესახებ. ირკვევა, რომ ლითონის გამოჩენის ადრეულ ხანაში აქ გაბატონებული ყოფილა მძლავრი, მეტად თავისებური, მდიდარი კულტურა. აღსანიშნავია, რომ ამ კულტურის ელემენტები შეინიშნება აგრეთვე ჩრდილო კავკასიაში. 1939 წ. სამხრეთ დაღესტანში, სოფ. კაიაკენტის მახლობლად არქეოლოგმა ა. კრუგლოვმა აღმოაჩინა უძველესი ნამოსახლარი. აქ მოპოვებული მასალა უთუოდ ახლო დგას ამიერკავკასიის ენეოლითური ხანის კომპლექსთან¹. გარკვეულ მსგავსებას იჩენს ჩვენს ძეგლებთან აგრეთვე ჩრდილო ოსეთში, სოფ. ყობანთან მოპოვებული ენეოლითური ხანის მასალა². უთუოდ საყურადღებოა ის გარემოება, რომ ამიერკავკასიის ენეოლითური ხანის ძეგლები, ჩანს, საკმაოდ ახლო ურთიერთობაშია წინა აზიის ამავდროულ კულტურებთან³. შედარებით უფრო ახლო კავშირი ჩანს აღმოსავლეთ ხმელთაშუა ზღვის კულტურულ სამყაროსთან⁴. მაგრამ მიუხედავად ამ მსგავსებებისა, კავშირისა, ურთიერთობისა, უთუოდ აშკარაა, რომ ამიერკავკასიაში ლითონის გამოჩენის ადრეულ საფეხურზე გავრცელებული კულტურა მეტად თავისებურია, ორიგინალურია, რომელსაც თავისი ძველი ტრადიციები გააჩნია და მისი საწყისებიც ადგილობრივ ენეოლითურ კულტურაში უნდა ვეძებოთ⁵.

სამწუხაროდ, ჩვენში გავრცელებული ენეოლითური კულტურის თარიღის შესახებ სადღესოდ გარკვევით რაიმეს თქმა ძნელია. რა თქმა უნდა, ამას უთუოდ ართულებს ის, რომ ჩვენ ჯერ კიდევ არ მოგვეპოვება ჯეროვნად შემუშავებული ქრონოლოგია. ამიტომაცაა, რომ ენეოლითური კულტურის შესახებ დღემდე ერთი გარკვეული მოსაზრება არ მოგვეპოვება. ბ. კუფტინი ამ კულტურის მეტად ზოგად თარიღს იძლევა და მას III ათასწლეულით

¹ Пиотровский Б. В. დასახ. ნაშრ., გვ. 179. Күфтин Б. А. დასახ. ნაშრ., გვ. 126.

² Крупнов Е. И. Материалы по археологии Северной Осетии докобанского периода, МИА СССР, № 23, М. — Л., 1951, გვ. 22.

³ Пиотровский Б. В. დასახ. ნაშრ., გვ. 183.

⁴ Күфтин Б. А. დასახ. ნაშრ., გვ. 127. Күфтин Б. А. Археологические раскопки. 1947 года..., გვ. 44. კუფტინი ბ. დას. ნაშრ., გვ. 14.

⁵ Пиотровский Б. В. დასახ. ნაშრ., გვ. 180.

ათარილებს.¹ ბ. პიოტროვსკი ძველი ნამოსახლარების კულტურას მიაკუთ-
ვნებს III ათასწლეულის II ნახევარს და მის ბოლოს. ამ პერიოდის ცალკეულ
ძეგლთა თარიღის შესახებ სხვა ავტორებსაც აქვს მოსაზრებები გამოთქმული.
მაგრამ, აქ აღვნიშნავთ მხოლოდ მკვლევართა უმრავლესობის აზრს, რომლებიც
ამ პერიოდის ძეგლებს მიაკუთვნებენ III-ათასწლეულის II ნახევარს². აქვე გვინ-
და აღვნიშნოთ, რომ უკანასკნელ ხანებში, ა. იესენი თავის ერთ-ერთ ნაშრომში,
რომელიც სპეციალურად ყუბანის დიდი ყორღანების თარიღის საკითხები-
სადმი მიძღვნილი, აღნიშნავს, რომ მაიკოპის ქვეჯგუფი შეიძლება მოვაქციოთ
2300—1900 წ. წ. შორის ძვ. წ³. ამიტომაც ვფიქრობთ, რომ უფრო მართე-
ბული იქნება თუ განვითარებული ენეოლითის ხანას ჩვენში მესამე ათასწლე-
ულის პირველ ნახევარს მივაკუთვნებთ, ხოლო მის საწყის ეტაპს შეოთხე ათას-
წლეულში გადავიტანთ.⁴ შემდგომი კვლევა-ძიება კიდევ უფრო მეტ სინათლეს
მოჰტენს ამ საკითხს. აქვე გვინდა აღვნიშნოთ, რომ, როგორც ჩანს, ენეოლითური
კულტურა ამიერკავკასიაში შედარებით ხანმოკლე უნდა ყოფილიყო. ჩვენში
აღმოჩენილი ნამოსახლარები თითქოს ამის ფიქრია საწულებას იძლევა იმის
გამო, რომ არსად არ ჩანს აქ ხანგრძლივი დასახლების კვალი. ჩვენში მეტა-
ლურგის განვითარებისათვის ხელსაყრელი პირობები იყო. ამიტომ, საფიქ-
რებელია, რომ გარდამავალი საფეხური აქ შედარებით სწრაფად უნდა გასუ-
ლიყო და აღრევე დაიწყო ნამდვილი მეტალურგია.

¹ Куфтин Б. А. Урартский „колумбарий“., გვ. 125. Куфтин Б. А. Археологиче-
ские раскопки 1947 года..., გვ. 7. Куфтин Б. А. К вопросу о древнейших корнях
грузинской культуры на Кавказе по данным археологии, საქ. მუხ. მთაბზე, XIIВ, თბი-
ლისი, 1944, გვ. 292.

² Пиотровский Б. Б. დასახ. ნაშრომი, გვ. 183,

Пиотровский Б. Б. Археология Закавказья, Ленинград, 1949, გვ. 23.

³ Нессен А. А. К хронологии больших кубанских курганов. Советская архе-
ология, т. XII. М.—Л., 1950, გვ. 182—183.

⁴ მსგავსი მოსაზრება გამოთქმული აქვს დ. ქორიძეს თავის საკანდიდატო დისერტაციაში
(იხ. დასახ. ნაშრ.).



II. ადრეულ ბრინჯაოს ხანის კულტურა

ბრინჯაოს ხანაში ჩვეულებრივ სამ პერიოდს არჩევენ: ადრეულს, შუასა და გვიანს. ბრინჯაოს კულტურის ადრეული საფეხური უშუალოდ მოსდევს ენეოლითურ ხანას. ენეოლითური კულტურის ბოლოსათვის ჩვენში თითქოს უკვე იქმნება ყველა პირობა იმისა, რომ საზოგადოება თავისი განვითარების კიდევ უფრო მაღალ საფეხურზე ავიდეს. ამას უთუოდ ხელს უწყობდა ის, რომ მიწათმოქმედება და განსაკუთრებით კი მესაქონლეობა ამ პერიოდში საგრძნობლად წინაურდება. უთუოდ აღსანიშნავია, რომ ამავე დროს დიდ განვითარებას აღწევს აგრეთვე მეტალურგიაც. ენეოლითურ ხანაში ლითონს ძირითადად ცივად ქედვის წესით ამუშავებდნენ და კულტურის ეს საფეხური გრძელდება იქამდე, ვიდრე არ დაიწყო ლითონის ჩამოსხმა, ე. ი. ნამდვილი მეტალურგია. აქედან იწყებენ ხოლმე ჩვეულებრივად განვითარების ახალ სტადიას — ბრინჯაოს ხანას¹. ჩვენში მეტალურგიის განვითარებისათვის კარგი პირობები უნდა ყოფილიყო, რის გამოც ენეოლითური საფეხური შედარებით სწრაფად დამთავრდა. ბრინჯაოს კულტურის სწრაფ აღმავლობას ჩვენში ხელს უწყობდა საკმაოდ მკვიდრო ურთიერთობა წინა აზიის დაწინაურებულ ქვეყნებთან, რაც ადრიდანვე შეინიშნება. ამ კავშირზე მიუთითებს უთუოდ ბრინჯაოს კულტურის ადრინდელ საფეხურზე კავკასიაში გავრცელებული სპილენძის იარაღის ზოგიერთი ფორმა². სტილისტური თავისებურება მაიკოპის ნივთებისა და სხვ². მაგრამ, ცხადია, რომ ქრეტალურგიის განვითარებას თავის მხრივ განაპირობებდა აგრეთვე ისიც, რომ კავკასია მდიდარი იყო

¹ Чайлд Г. Прогресс и археология. Москва, 1949, стр. 70.

² Куфтин Б. А. К вопросу о древнейших корнях грузинской культуры в Кавказе по данным археологии, საქ. მუზ. მონაბე, ტ. XII—B, თბ., 1944.

ფერადი ლითონებით და ამან გამოიწვია, ალბათ, ადგილობრივი მეტალურგიის სწრაფი დაწინაურება¹. ბრინჯაოს ხანის ადრეულ საფეხურზე ჩვენში გავრცელებული ლითონის ნივთები, ჩანს, უპირატესად უკვე ჩამოსხმულია და ზოგჯერ საკმაოდ რთული წესითა².

სამწუხაროდ, უნდა აღვნიშნოთ, რომ ადრინდელი ბრინჯაოს ხანა ჩვენში ყველაზე ნაკლებადაა შესწავლილი. მასალა უმეტესად შემთხვევითი აღმოჩენების შედეგადაა დაგროვილი და ისიც შედარებით მცირეა. ჯერჯერობით ამ პერიოდის მხოლოდ რამდენიმე ძეგლია გათხრილი და, სამწუხაროდ, მათი შესწავლა ყოველთვის სათანადო სიმაღლეზე არ იდგა. ამიტომაცაა, რომ ადრეული ბრინჯაოს ხანის შესახებ ბევრის არაფრის თქმა შეგვიძლია. სხვა ძეგლებთან შედარებით უკეთაა შესწავლილი თრიალეთის ადრეული ჯგუფის ყორღანები.

ა) ადრეული ბრინჯაოს ხანის ძეგლები

თრიალეთი. თრიალეთის ადრეული ბრინჯაოს ხანის ძეგლებიდან შესწავლილია მხოლოდ რამდენიმე ყორღანული სამარხი. ინვენტარი აქ მეტისმეტად ლარბულადაა წარმოდგენილი. მიუხედავად ამისა, ეს სამარხები მაინც მეტად საყურადღებო მასალას გვაწვდის იმდროინდელი საზოგადოების შესახებ. ბ. კუფტინი თრიალეთის ადრეული ბრინჯაოს ხანის ყორღანებში ძირითადად ორ ჯგუფს გამოყოფს³.

პირველი ჯგუფის ყორღანებს თრიალეთის ექსპედიცია ძირითადად სწავლობდა თრიალეთის სამხრეთ რაიონში, მალღობ ნაწილში დაახლოებით 2200 მ სიმაღლეზე, ფარავნის ტბისაკენ გადასვალ უღელტეხილთან. ამ ყორღანების დიდი ნაწილი, სამწუხაროდ, წინა წელს გზის მშენებლების მიერ დანგრეული იყო და ექსპედიციას მოუხდა უკვე საკმაოდ დაზიანებული ძეგლების შესწავლა. მხოლოდ ერთ ყორღანში ყრილის ქვეშ პირდაპირ ნიადაგზე აღმოჩნდა მეტად საყურადღებო ხელუხლებელი სამარხი. სამარხში იყო: სპილენძის ბრტყელი, მოკლე და ფართო სატევრის პირი, პრიმიტიული ფორმის ბრტყელი სპილენძის შუბის თუ სატევრის პირი (ტაბ. IX, 2, 3), სპილენძის აბჯრის ნაწილები, ობსიდიანის ისრის პირი, ოქროს სამი ცილინდრული

¹ Крупинов Е. И. Древнейший период истории кабарды. Сборн. по истор. Кабарды. вып. I. Нальчик, 1951, стр. 40.

² Сакварелидзе Т. П. Бронзы древней Грузии. автореферат. Тбилиси, 1954, стр. 7.

³ Куфтин Б. А. Археологические раскопки в Трიაleti. Тбилиси, 1941, გვ. 101.

გადასაკრავი, ვეიქრობთ, ხის მშვილდისა და ჰემატიტის ლახტის თავი, ცი-
ლინდრული ნახერკით (ტაბ. IX, 5). სამარხში თიხის ჭურჭელი სრულიად არ
იყო. ამ გარემოებამ ბ. კუფტინს აფიქრებინა, რომ შესაძლოა ეს ყორღანები
მიეკუთვნებოდა მომთაბარე ხალხს, ანდა, ეგებ, ამ მიდამოებში მცხოვრებ
მოსახლეობას, რომელიც დროებით ამოსულა მაღალმთიან საძოვრებზე¹.

ადრეული ბრინჯაოს ხანის მეორე ჯგუფის ყორღანები თრიალეთიდან
შედარებით უკეთაა შესწავლილი მდ. ქციისა და მის შენაკადთა ხეობებში. გა-
რეგნულად ეს ყორღანები თითქმის სრულიად არ განსხვავდებიან მომდევნო
ხანის ცნობილი ყორღანებისაგან. მეორე ჯგუფის ყორღანები ორმოიანია,
ქვა-მიწაყრილიანი. ეს ყორღანები ჩვეულებრივად დიდი ზომისაა. ერთ შემ-
თხვევაში მარტო ყრილის სიმაღლე 5 მ აღწევდა, ხოლო დიამეტრი 45 მ.
სამარხი ორმო-ყრილის ქვეშ ზოგჯერ აქ მეტად დიდი ზომისა იყო. მაგ.,
ერთგან ორმო ნიადაგის ზედაპირიდან 7,5 მ სიღრმეზე აღმოჩნდა. უმეტესად
იგი მრგვალი ფორმისაა 3—4 მ დიამეტრისა².

აქაც, ისევე როგორც თრიალეთის უფრო მოგვიანო ხანის სამარხებშიც,
მიცვალებულის ძვლები ცუდადაა დაცული. მაგრამ ერთ ყორღანში მაინც
მოხერხდა მიცვალებულის პოზის დადგენა: იგი აღმოჩნდა გვერდზე მწო-
ლარე ფეხებმოკეცილი³.

ამ ჯგუფის ყორღანების სამარხეული ინვენტარი მეტად ლარიბულია.
გვხვდებოდა თითო-ოროლა თიხის ჭურჭელი, რომელიც ჩვეულებრივად მიც-
ვალებულის თავთან იდო. ლითონის ნივთი სულ ორგანაა ნაპოვნი: ძლიერ
დაშლილი სპილენძის ბრტყელი იარაღის პირი (XIX ყორღანი), და ოთხწახ-
ნაგა ბიპირამიდალური სადგისი თუ საქრეთელი (XXIV ყორღანი). აქვე აღმო-
ჩნდა მეტად დაშლილი კიდევ რაღაც ნივთი, ვეიქრობთ, შუბის პირის ნაწილი.
გარდა ამისა, უთუოდ აღსანიშნავია, რომ ერთ-ერთი ყორღანის (IV ყორღანი)
ყრილში ნაპოვნი იყო ვერცხლის მასიური ხვია, ეგებ, თავის დროზე მძარც-
ველების მიერ შემთხვევით დაკარგული. იგი ძალიან ახლოსა დგას ჩრდ. კავ-
კასიაში სტანიცა ლეტნიცკაიას ადრეული ბრინჯაოს ხანის დიდ ყორღანში
აღმოჩენილ ამგვარსავე ელექტრონის ხვიასთან⁴. მხოლოდ მეტად პირობით
შეიძლება მივაკუთვნოთ ამ პერიოდს ერთ-ერთ ყორღანში (XIX) ურარტული

¹ Күфтин Б. А. დასახ. ნაშრომი. გვ. 101.

² იქვე. გვ. 101.

³ Күфтин Б. А. К вопросу о ранних стадиях бронзової культуры на территории Грузии. Краткие сообщения ИИМК. вып. VIII. გვ. 24.

⁴ Күфтин Б. А. Археологические раскопки в Трпалети, გვ. 102.

ხანის ჩაწვებულ სამარხ-ორმოში ჩაყრილ მიწაში აღმოჩენილი ორი ნემსისებ-
რი ფორმის ობსიდიანის ისრია პირი¹.

ადრეული ბრინჯაოს ხანის ერთი მეტად საყურადღებო ყორღანი „კა-
ნამ-ტაბა“ („მწვანე ყორღანი“) შეიწავლა 1947 წ. თრიალეთის არქეოლო-
გიურმა ექსპედიციამ. ეს ყორღანი საკმაოდ დიდი იყო (სიმაღლე 2 მ
და დიამეტრი 35—38 მ). სამარხი ორმო ოთხკუთხა მოყვანილობისა ჰქონდა,
საკმაოდ მოზრდილი (6,6×4,5 მ)².

სამარხეული ინვენტარი აქაც მეტად ღარიბული აღმოჩნდა; შედგებოდა
მხოლოდ კერამიკული ნაწარმისაგან—4—5 ქურქელი. აქ მოპოვებული მა-
სალა და აგრეთვე თვით სამარხი ორმოს ხასიათიც ძალიან ახლოსა დგას
ბ. კუფტინის მიერ ჯერ კიდევ 1938 წ. გათხრილ XI ყორღანთან. „მწვანე ყორ-
ღანი“-ს ორმოს ძირზე აღმოჩნდა 1,75 მ დაშორებული პარალელურად გან-
ლაგებული ორი ჩაღრმავებული ზოლი. ამგვარი ღარები ჯერ კიდევ შემჩნეუ-
ლი იყო XI ყორღანში და ბ. კუფტინმა იმთავითვე აღნიშნა, რომ ეს ხის
ეტლის ნაკვალევი უნდა იყოსო. იგი ფიქრობს, რომ ორმო ზემოთ გადახურუ-
ლი უნდა ყოფილიყო. ხის დაღობის შემდეგ ყრილი ჩაწვა, რის შედეგადაც
დაზიანდა ორმოს ძირზე მოთავსებული თიხის ქურქელი³.

„მწვანე ყორღანში“ მოპოვებული მასალის შესწავლის შედეგად ირკვევა,
რომ აქ გვხვდება ერთი მხრივ კერამიკა, რომელიც უკვე მომდევნო ხანის
ყორღანებისათვისაა დამახასიათებელი⁴, მეორე მხრივ კი უფრო ტრანქი ფრაგ-
მენტები ქურქელისა, შემკული რელიეფური სპირალური ორნამენტით, შავ-
პრიალა ზედაპირით. როგორც ცნობილია, ეს მოტივი დამახასიათებელია
ენეოლითური კერამიკისათვის და ჩანს, რომ ეს ძველი ტრადიცია აქ მომ-
დევნო ხანაშიაც ცოცხლობს⁵. ამასვე მიუთითებს აგრეთვე ამავე ყორღანში
ნაპოვნი დისკოიდური ხუფი, რომელიც ენეოლითური ხანის ფენებიდანაა
ცნობილი.⁶ სათანადო მასალის სიმცირის გამო, რა თქმა უნდა, ჯერჯერო-
ბით ძნელია რაიმეს გარკვევით თქმა ამ ჯგუფის ყორღანთა შესახებ. მაგრამ
წინასწარ, ეგებ, მთლად უმართებულა არ იყოს თუ „მწვანე ყორღანს“ და

¹ იქვე.

² Куфтин Б. А. Археологические раскопки 1947 года в Цалкинском районе. Тбилиси, 1948, გვ. 22.

³ იქვე, გვ. 23.

⁴ იქვე, გვ. 25. Куфтин Б. А. Археологические раскопки в Триалети. გვ. 84.

⁵ Куфтин Б. А. Археологические раскопки 1947 года.... გვ. 26.

⁶ Куфтин Б. А. Урартский „колумбарий“ у подошвы Арарата в Куро-Араксекин-
аэолит, საქ. მეზ. მთაბმე, ტ. XIII B, თბილისი, 1944, გვ. 73.

აგრეთვე 1938 წ. გათხრილ XI ყორღანს ადრეული ბრინჯაოს ხანის დასასრულს მივაკუთვნებთ. ამას ერთი მხრივ გვაფიქრებინებს ის, რომ აქ არქაულ კერამიკასთან ერთად, გვხვდება აგრეთვე ფრაგმენტები ისეთი ქურქლისა, რომელიც უკვე შუა ბრინჯაოს ხანის ყორღანებისათვისაა დამახასიათებელი, მეორე მხრივ კი ის ფაქტი, რომ ორივე ყორღანში თითქოს დამოწმებულია მიცვალებულის ხის ეტლით დაკრძალვა. დაკრძალვის ეს წესი, როგორც ცნობილია, გავრცელებული იყო შუა ბრინჯაოს ხანაში თრიალეთში და ერთ შემთხვევაში კიდევ აღმოჩნდა ამ პერიოდის ყორღანში ხის ეტლი¹. სადღეისოდ ჩვენს ხელთ არსებული მასალების მიხედვით ხერხდება თრიალეთის ბრინჯაოს ხანის ყორღანებიდან ძირითადად ორი ქრონოლოგიური ჯგუფის გამოყოფა: ადრეული ბრინჯაოს და შუა ბრინჯაოს ხანისა². რა თქმა უნდა, თითოეული ეს ჯგუფი თავის მხრივ ცალკეულ ქრონოლოგიურ სტადიებად განიყოფება, რის შესახებაც, სამწუხაროდ, ჯერ კიდევ თითქმის არაფრის თქმა არ შეგვიძლია. ამიტომაც „მწვანე ყორღანი“ და XI ყორღანი განსაკუთრებით საინტერესო ჩანს. ეს ყორღანები თითქოს ერთგვარად გარდამავალი ხასიათისაა ადრეული ბრინჯაოს ხანიდან მომდევნო საფეხურზე.

დასასრულ, უნდა აღვნიშნოთ, რომ 1947 წ. აკად. ივ. ჯავახიშვილის სახელობის ისტორიის ინსტიტუტის თრიალეთის არქეოლოგიურმა ექსპედიციამ გ. გობეჯიშვილის ხელმძღვანელობით სხვა ძეგლებთან ერთად გათხარა და შეისწავლა ადრეული ბრინჯაოს ხანის ერთი ყორღანი სოფ. ხადიკიდან³. ეს ყორღანი 2 მ სიმაღლისაა და 25 მ-მდე დიამეტრისა. ყორღანში ორი სამარხი აღმოჩნდა, ერთი გვიანდელი ჩაშვებული, მეორე კი ძირითადი. ძირითადი სამარხი (სამარხი № 2) ყორღანის დასავლეთ ნაწილში აღმოჩნდა 2,1 მ სიღრმეზე ყრილის ქვეშ⁴. მიცვალებული მარჯვენა გვერდზე ესვენა ძლიერ მოკუნტული, თავით აღმოსავლეთით. მიცვალებულის ზურგის მალეზსა და ნეკნებს შორის აღმოჩნდა წითელი საღებავის (მუშია) ნაშთი. შესაძლოა, აქ მიცვალებულის ნეშტის „შეღებვის“ რიტუალთან გვეკონდეს საქმე⁵. უთუოდ სამარხს მიეკუთვნება სამარხის გარეთ, ყორღანის დასავლეთ თუ აღმოსავლეთ (?) ნაწილში ნაპოვნი სამი თიხის ქურქელი: ღია ვარდისფერი პატარა კოკობი იმიტირე-

¹ Кухтин Б. А. Археологические раскопки в Триалети. გვ. 31.

² იქვე, გვ. 79.

³ გძელიშვილი ი. ხადიკის ყორღანი, საქ. მეცნიერებათა აკადემიის შობამბე. ტ. XI, № 10, თბილისი, 1950, გვ. 697.

⁴ იქვე, გვ. 698.

⁵ იქვე, გვ. 701.

ბული უყრებით. ღია ვარდისფერი პატარა ცალყურიანი ქილა და წითლად შეღებილი პატარა ორყურა ქილა¹. ჭურჭლებთან აღმოჩნდა მსხვილფეხა რქოსანი საქონლის კბილები და მეტად დაშლილი სხვა ძვლები.

ხადიკის ყორღანის თავისი ხასიათით იმავე ტიპისაა, როგორც თრიალეთის ადრეული ბრინჯაოს ხანის სხვა ყორღანები. აქ მოპოვებული კერამიკა უთუოდ ახლო დგას ჩვენში ადრეულ ხანაში გავრცელებულ ჭურჭელთან. აქვე უნდა შევნიშნათ, რომ ხადიკის ყორღანის პირველი გამოძვეეცნებელი სრულიად უსაფუძვლოდ მას ადრეულ ენეოლითს მიაკუთვნებს.

ამრიგად, როგორც ჩანს, თრიალეთის ადრეული ხანის ყორღანები შედარებით მცირე მასალას იძლევა, მაგრამ ზოგი რამის თქმა მაინც ხერხდება. შესაძლებელი ხდება დაახლოებით მაინც მათი ასაკის დადგენა. ამ მხრივ განსაკუთრებით საყურადღებოა აქ მოპოვებული კერამიკა (ტაბ. IX 1,4,6). კერამიკული მასალის ანალიზიდან ჩანს, რომ იგი ჯერ კიდევ ახლოსა დგას წინამორბედ საფეხურზე გავრცელებულ თიხის ნაწარმთან. ყორღანულ კერამიკას ბევრი საერთო აქვს ენეოლითურ ჭურჭელთან: აქაც გვხვდება ხელით ნაძერწი, ოღონდ შესანიშნავად შესრულებული თიხის ჭურჭელი². ეს ჭურჭელი სქელკედლიანია, კარგად დამუშავებული და გაპრილებული ზედაპირით. დამახასიათებელია, რომ ჰონატებიდან ხშირად ჩანს, რომ გარეთა ნაწილი შავია, შიგნითა კი მოვარდისფრო³. სწორედ ძერწვის ხასიათითა და ზოგიერთი სხვა მომენტებით ყორღანული ჭურჭელი ენათესავება ენეოლითურ კერამიკას. აქაც გვხვდება ვიწროძირიანი, ფართოყელიანი ჭურჭელი, ნახევარსფეროსებრი მოყვანილობის უყრებით⁴. ამ უყრების მოყვანილობა, რა თქმა უნდა, აიხსნება მათი გენეტიკური კავშირით ენეოლითის კერამიკასთან. აქ სხვა თავისებურებების ჩამოთვლაც შეიძლება, რითაც ეს კერამიკა წინა საფეხურს უკავშირდება; აქედან აღვნიშნავთ კიდევ ერთს — სახელდობრ, თრიალეთის ადრეული ბრინჯაოს ხანის კერამიკის ორნამენტაცია ძლიერ ენათესავება ენეოლითური კერამიკის ერთი ჯგუფის შემკულობის მოტივს⁵. მიუხედავად ამგვარი მსგავსებისა, თრიალეთის ყორღანების ადრინდელი ჯგუფის კერამიკა

¹ იქვე: გვ. 702.

² Куфтин Б. А., დასახ. ნაშრ., გვ. 102.

³ იქვე: გვ. 102.

⁴ იქვე.

Куфтин Б. А. К вопросу о ранних стадиях бронзовой культуры на территории Грузии, გვ. 23.

⁵ Куфтин Б. А. დასახ. ნაშრ., გვ. 23. Куфтин Б. А. Археологические раскопки в Грнлаეთи, გვ. 114.

უფრო განვითარებული ჩანს, ვიდრე ენეოლითური. მართალია, იგი ჯერ კიდევ შორსაა შუა ბრინჯაოს ხანის ქურქელისაგან, მაგრამ მასში უკვე შეინიშნება რიგი ისეთი ნიშნები, რითაც იგი რამდენადმე მომდევნო ხანის კერამიკას უკავშირდება¹.

თრიალეთის ადრინდელი ხანის კერამიკა ძალიან ახლოს დგას ჩვენში, თანადროულ ძეგლებში, მოპოვებულ თიხის ნაწარმთან. ამ მხრივ განსაკუთრებით აღსანიშნავია საჩხერის სამარხებში აღმოჩენილი თიხის ქურქელი, რომელთანაც თრიალეთურს ბევრი საერთო აქვს². აღსანიშნავია, რომ სამგორის ყორღანის ერთი მოზრდილი თიხის ქურქელი სავსებით იხეთივება, როგორც თრიალეთის ერთ-ერთ ყორღანში ნაპოვნი ქურქელი და სხვ.

ვლითონის ნივთები თრიალეთის ადრინდელი ხანის ყორღანებში ჯერ კიდევ მეტად იშვიათია. ჩანს, ეს გარემოებაც მათ წინამორბედ საფეხურთან აახლოებს. ერთ-ერთ ყორღანში მოპოვებული ოთხწახნაგა სადგისი ახლოდგას ენეოლითურ ფენებში ნაპოვნი ამგვარსავე იარაღთან. ოთხწახნაგა სადგისი საერთოდ დამახასიათებელი ჩანს ლითონის გაჩენის ადრინდელი საფეხურისათვის. განსაკუთრებით აღსანიშნავია პირველი ჯგუფის ერთ-ერთ ყორღანში მოპოვებული ინვენტარი. როგორც აღნიშნული გვექონდა, აქ თიხის ქურქელი სრულიად არ აღმოჩნდა³. ლითონის ნივთებიდან სამარხში აღმოჩნდა პრიმიტიული ბრტყელი სატყვერის პირი, ფართო და მოკლე ყუნწით, რომელიც ნახვრეტით მთავრდება, ბრტყელი, მეტად პრიმიტიული ფორმის შუბის პირი და სპილენძის აბჯრის(?) ნაწილები. უთუოდ საყურადღებოა აქ მოპოვებული ოქროს ფირფიტის სამი გადასაკრავი. ამ პერიოდის, სხვა ძეგლებში, გარდა ერთი ოქროს ხვიისა ცარცის გორადან⁴ ჩვენში ოქროს ნივთი დღემდე სრულიად უცნობია. როგორც ცნობილია, მომდევნო საფეხურზე, ჩვენში ოქრომჭედლობა უკვე საკმაოდ მაღალ საფეხურზე დგას და, რა თქმა უნდა, საფიქრებელია, რომ ეს დარგი, ალბათ, წინა საფეხურზე განვითარების გარკვეულ ნაბიჯებს დგამდა. მაგრამ, სამწუხაროდ ჩვენში ამ პერიოდის ოქროს ნივთი, გარდა ზემოაღნიშნული სამი გადასაკრავისა და ხვიისა, უცნობია. თუმცა უნდა შევნიშნოთ, რომ კავკასიაში ამ დროისათვის უკვე კარგადაა ცნობილი ოქროს ნივთები. სხვა რომ არაფერი ვთქვათ, ყუბანის დიდი ყორ-

¹ Плигровский В. В. Поселение медного века в Армении, Сов.арх., XI. стр. 183.

² Куфтин Б. А. დასახ ნაშრ., გვ. 104. Куфтин Б. А. Археолог. маршрутная экспедиция 1945 года в Юго-Осетию и Имеретию, 1949, стр. 76.

³ Куфтин Б. А. Археологические раскопки в Триалети, стр. 101.

⁴ Куфтин Б. А. Археолог. Маршрутная экспедиция 1945 года в Юго-Осетию и Имеретию, გვ. 73. ტაბ. XV.

ღანების კულტურა გამოირჩევა ძვირფასი ლითონებისაგან ნაკეთი მაღალ-მხატვრული ნაწარმით. ჩვენთვის განსაკუთრებით საყურადღებოა თანამედროვე აზერბაიჯანის ტერიტორიაზე მოპოვებული მასალები. ჯერ კიდევ ე. რეს-ლერმა, გასული საუკუნის მიწურულში მთიან ყარაბაღში, მდ. ხაჩანაგეტის ნაპირზე გათხრილ ერთ-ერთ ყორღანში სხვა ნივთებთან ერთად აღმოაჩინა აგრეთვე ოქროს მავთულის სპირალი¹. მსგავსი ყორღანი შეინიშნა აგრეთვე ი. ჰუმელმა სტეპანაკერტში 1939 წ. აქაც მდიდარ სამარხეულ ინვენტარში აღმოჩნდა სამი ოქროს მძივი და ოქროს საყურე. ხაჩანაგეტის და სტეპანაკერტის ყორღანები მიეკუთვნებიან ბრინჯაოს ხანის ადრინდელ საფეხურს. აქ ჯერ კიდევ ბევრი რამ საერთო შეინიშნება ენეოლითურ კულტურასთან. გარკვეული მსგავსება ჩანს აგრეთვე თრიალეთის ადრინდელი ჯგუფის ყორღანებთანაც. აქაც გვხვდება ქვის ლახტის თავები, ბრტყელი პრიმიტიული შუბისა და სატევრის პირები და სხვ.²

გარდა ოქროსი, როგორც უკვე აღნიშნული გვექონდა, თრიალეთის ერთ-ერთ გაძარცულ ყორღანში აღმოჩნდა აგრეთვე ერთი ვერცხლის მსხვილი მავთულის ხვია. იგი, როგორც ბ. კუფტინი აღნიშნავს, სავსებით ისეთივეა როგორც ჩრდ. კავკასიაში სტანიცა ლეტნიცკაიას ყორღანში აღმოჩენილი ელექტრონის ხვია³. თრიალეთის ხვიას ენათესავება აგრეთვე საჩხერული ოქროს ხვიაც. საერთოდ უნდა შევნიშნოთ, რომ ამგვარი ხვიები სპილენძისა თუ სხვა ლითონისა, დამახასიათებელი ჩანს ბრინჯაოს კულტურის ადრინდელი საფეხურისათვის⁴. მათ უკვე ვხვდებით ტყვიავის ერთ-ერთ ყორღანში⁵. 1,5 სპირალიან მრგვალ ხვიებს ვხვდებით აგრეთვე მომდევნო საფეხურზედაც. მაგ., ამგვარი ხვია აღმოჩნდა სოფ. ქვასათალში შუა ბრინჯაოს ხანის ერთ-ერთ კოლექტიურ სამარხში.

ამრიგად ჩანს, რომ ჩვენში უკვე ადრეული ბრინჯაოს ხანიდან დაწყებული შეინიშნება ძვირფასი ლითონების დამუშავების ტრადიციები, და, როგორც ცნობილია, მომდევნო საფეხურზე მათი დამუშავება უკვე საკმაოდ მაღალ საფეხურზე აღის.

¹ ОАК за 1897 г., Пиотровский Б. В. дасახ. ნაშრ., გვ. 179.

² Пиотровский Б. В. дасახ. ნაშრ., გვ. 180.

³ Купфин Б. А. дасახ. ნაშრ., გვ. 102.

⁴ Лукин А. П. Материалы по археологии Ванской Абхазии. Тр. от. и истории первобытной культуры. Гос. издательств. т. I, 1941. стр. 27.

⁵ მაკალათია ს. ტყვიავის ყორღანული სამარხების არქეოლოგიური გათხრები, თბილისი, 1945. გვ. 46.

ადრინდელი ხანის ყორღანებში მოპოვებული ნივთებიდან განსაკუთრებით აღსანიშნავია ჰემატიტის ლახტის თავი¹. იგი მრგვალია, ბირთვისებრივ მოყვანილობის, შუაში ცილინდრული ნახვრეტით. ბ. კუფტინი ერთ-ერთ თავის ნაშრომში აღნიშნავს, რომ თრიალეთში სამი ამგვარი ლახტის თავი აღმოჩნდა². ცნობილია, რომ ლახტის თავი წარმოადგენდა როგორც ძალაუფლების სიმბოლოს, ისე საბრძოლო იარაღსაც. ჩვენში ქვის ლახტის თავები, სადღეისოდ არსებული მასალებიდან, უკვე ენეოლითის მიწურულიდან ჩანს. ერთი დიაბაზის ლახტის თავი აღმოჩნდა ტყვიავის ერთ-ერთ ყორღანში³. ბრინჯაოს ხანაში, განსაკუთრებით მის შუა საფეხურზე, ჩვენში ფართოდ ვრცელდება ქვის ლახტის თავები. მათ ხშირად ვხვდებით ამ პერიოდის სამარხებში. ბრინჯაოს კულტურის მოგვიანო საფეხურზე უკვე ქვის ლახტის თავის გვერდით ჩნდება აგრეთვე ლითონის ლახტის თავებიც. აქვე უნდა შევნიშნოთ, რომ ჰემატიტის ლახტის თავები, თრიალეთურის მსგავსი, აღმოჩენილია სირიაში, პალესტინაში, მცირე აზიაში და სხვ.⁴ ამიერკავკასიაში ჰემატიტის ლახტის თავები ცნობილია სტეპანაკერტიდან და ორიც ყიზილ-ვანქიდან შედარებით უფრო მოგვიანო კომპლექსში⁵.

რაც შეეხება ერთ-ერთ ყორღანის ყრილში აღმოჩენილ ორ ობსიდიანის ისრის პირს, მათ შესახებ ახლა სიტყვას აღარ გავაგრძელებთ იმის გამო, რომ მათი აღმოჩენის ვითარება მთლად ზუსტი არ არის⁶.

ამრიგად, როგორც ვნახეთ, თრიალეთის ადრინდელი ყორღანები მეტად მწირ მასალას გვაწვდის და, რა თქმა უნდა, ამიტომაც ძნელდება ამ პერიოდის შესახებ რაიმეს გარკვევით თქმა. მაგრამ, მიუხედავად ამისა, ეს ყორღანები ერთგვარ შუქს მაინც ფენენ ამ პერიოდის საზოგადოების სოციალურ სტრუქტურას⁷. რა თქმა უნდა, ის ფაქტი, რომ ეს ადრინდელი ყორღანები, რომელთა ასაგებადაც უთუოდ მეტად დიდი შრომა უნდა დახარჯულიყო, მეტად ღარი-

¹ Куптин Б. А. დასახ. ნაშრ., გვ. 101, სურ. 110.

² კუფტინი ბ. ქართული კულტურის უძველესი კრბა თრიალეთში, თბილისი, 1949, 18.

³ მაკალათია ს. დასახ. ნაშრ., გვ. 23, სურ. 28.

⁴ კუფტინი ბ. დასახ. ნაშრ., გვ. 18. გობეჯიშვილი გ. სტალინის ნაეარგორა, მიმნნილეელი, II, თბილისი, 1951, გვ. 266.

⁵ კუფტინი ბ. დასახ. ნაშრ., გვ. 18.

⁶ Куптин Б. А. Археологические раскопки в Триалети. გვ. 102.

⁷ Куптин Б. А. Археологические раскопки 1947 года..., გვ. 24; კუფტინი ბ. დასახ. ნაშრ., გვ. 18.

ბულ ინვენტარს იძლევა. დაკავშირებული უნდა იყოს ამ დროინდელი საზოგადოების სოციალურ ამბებთან.

ენეოლითურ ხანაში, როგორც ეს მასალებიდან ჩანს, ყორღანული ტიპის სამარხები ჯერ კიდევ კოლექტიური იყო. ტყვიავის ყორღანები, რომლებიც უშუალოდ წინ უსწრებს თრიალეთის ადრინდელი ჯგუფის ყორღანებს, საგვარეულო სასაფლაოს წარმოადგენდა, სადაც გვარის წევრები იმარხებოდა¹. ბრინჯაოს ხანის ადრეულ საფეხურზე კი უკვე დასაფლავების სრულიად სხვაგვარ წესს ვხვდებით. ახლა ყორღანული სამარხი, რომლის აგება უთუოდ დიდ შრომას მოითხოვდა და ალბათ მთელი გვარის მონაწილეობასაც, ძირითადად ერთი მიცვალებულისათვის იყო განკუთვნილი². რა თქმა უნდა, ძნელი წარმოსადგენია, რომ გვარის ყველა რიგითი წევრი ამგვარ სამარხებში იმარხებოდა. ამიტომაც, ეგებ, უფრო მართებული იყოს ვიფიქროთ, რომ ამგვარ ყორღანებში დაკრძალული იყო გვარის ბელადი თუ წინამძღოლი. მაგრამ აქვე უნდა შევნიშნოთ, რომ სამარხეული ინვენტარის სიღარიბე უთუოდ იმას უნდა მოწმობდეს, რომ გვარის დაწინაურებული წევრების და გვარის რიგითი წევრების ეკონომიურ მდგომარეობას შორის ჯერ კიდევ დიდი განსხვავება არ იყო.³

ამგვარი საგრძნობი ცვლილება დასაფლავების წესში უთუოდ გამოწვეული უნდა ყოფილიყო რაღაც მეტად მნიშვნელოვანი მდგომარეობით, რაც ამ პერიოდში ხდება გვაროვნულ საზოგადოებაში. ამ პერიოდში უკვე ჩანს, რომ საბოლოოდ ირღვევა მატრიარქალური წყობილება და გვარი უკვე განვითარების უფრო მაღალ—მატრიარქალურ საფეხურზე აღის.

აფხაზეთის დოღმენებში. განსაკუთრებით საყურადღებოა აფხაზეთის დოღმენებში მოპოვებული მასალა. როგორც ვაირკვა, დოღმენების ქვედა ფენა მიეკუთვნება ბრინჯაოს კულტურის ადრინდელ საფეხურს. კავკასიაში დოღმენური კულტურა კარგადაა ცნობილი, მეტნაკლებად შესწავლილიც⁴. თუმცა ისიც უნდა აღინიშნოს, რომ მათი შესწავლა სათანადო მეცნიერულ სიმაღლეზე არ იდგა⁵. დოღმენები საქართველოში სადღეისოდ ჩვენთვის ცნობილია

¹ მაკალათია ს. დასახ. ნაშრ., გვ. 33. კუფტინი ბ. დასახ. ნაშრ., გვ. 12.

² კუფტინი ბ. დას. ნაშრ., გვ. 17.

³ კუფტინი ბ. დასახ. ნაშრ., გვ. 18.

⁴ Феллици Е. Д. Западно-Кавказские дольмены. МАК. вып. IX. Москва, 1904.

⁵ Миллер А. Записки о дольменах. საქ. მუზეუმის მოამბე, ტ. III, თბილისი, 1925.

მხოლოდ აფხაზეთიდან¹. პირველად ცნობა აფხაზეთში აღმოჩენილი დოღმენია შესახებ არც თუ ისე დიდი ხნის წინათ გამოქვეყნდა². ამიტომაც იყო, რომ კარგა ხანს კავკასიაში დოღმენების გავრცელების სამხრეთ საზღვარს სადღაც სოკასთან მიიჩნევდნენ³. თუმცა უნდა ითქვას, რომ ზოგიერთი მკვლევარი ვარაუდით ადრევე გამოთქვამდა მოსაზრებას, რომ დოღმენები გაგრასთან და, ეგებ, მის სამხრეთითაცაა საქებარი⁴.

ახლა უკვე რამდენიმე ადგილასაა აფხაზეთში დამოწმებული დოღმენები; სამი დოღმენი ცნობილია სოფ. აზანტიდან; ერთი ჯგუფი დოღმენებისა, სამწუხაროდ, საგრძნობლად დაზიანებული, აღმოჩნდა სოფ. აქანდარაში; რამდენიმე დოღმენი აგრეთვე ძლიერ დაზიანებული ნაპოვნია სოფ. ოთხარაში; განსაკუთრებით აღსანიშნავია სოფ. ეშერში აღმოჩენილი შედარებით კარგად შენახული ერთი ჯგუფი დოღმენებისა. ეს დოღმენები იმითაცაა საყურადღებო, რომ სადღეისოდ მხოლოდ ისინია მეტნაკლებად შესწავლილი⁵.

პირველად ეშერის ჯგუფის დოღმენები ინახულა არქეოლოგმა მ. ივანჩენკომ 1930 წ. ზემო ეშერში ადგილ კიურ-დერეში მის მიერ დამოწმებული იყო 15 დოღმენი⁶. 1934 და 1937 წწ. ეშერის დოღმენები შეისწავლეს ბ. კუფტიჩინმა, ლ. სოლოვიოვმა და ა. ლუკინმა⁷. აქედან მეტნაკლებად უკეთ შემოინა-

¹ მ. ივანჩენკო თავის ნაშრომში „Исследование арханч. памятн. мат. культуры в Абхазии“, (გვ. 10) აღნიშნავს, რომ დოღმენები ცნობილია თითქოს აგრეთვე წალკის რაიონიდან. საიდან აიღო მან ეს ცნობა, ჩვენთვის უცნობია.

² Стражев В. П. К Азаптекому дольмену. Изв. Абх. Научного общ. вып. IV, Сухум. 1926, стр. 125—127.

³ Уварова П. С. Несколько дополнительных сведений по вопросу о Кавказск. дольменах, МАК. IX, Москва, 1904, стр. 175. Куфтин Б. А. Матер. к археолог. Колхиды, т. I, стр. 258.

⁴ Миллер А. А. Разведки на Черноморском побережье Кавказа в 1907 г., Изв. Арх. Ком., вып. 35, СПб. 1909, стр. 83.

⁵ როგორც ჩანს, ბ. კუფტიჩინმა 1946 წ. გათხარა აზანტის ორი დოღმენი (იხ. მისი Материалы к арх. Колхиды, ტ. I; გვ. 253, სქოლიო 2), ოღონდ, სამწუხაროდ, გათხრების შედეგები ჩვენთვის უცნობია.

⁶ Ивашенко М. М. Исследование арханческих памятников материальной культуры в Абхазии, Тбилиси, 1935, стр. 16.

⁷ Куфтин Б. А. К вопросу о рваных стадных бронзової культуры на территории Грузии, КСШМЖ. вып. VIII, стр. 8; Куфтин Б. А. К вопросу о древнейших культурах грузинской культуры на Кавказе по данным археологии, საქ. მუხ. შიამბე, ტ. XII—B, თბილისი, 1944, გვ. 306, სქოლიო. სამწუხაროდ, ბ. კუფტინის 1937 წ. მასალებიდან მხოლოდ თითო-ორთლად ნივთი აქვს გამოქვეყნებული სხვადასხვა შრომებში.

ზა მხოლოდ ოთხი თუ ხუთი დოლმენი¹. ყველა დოლმენი დაახლოებით ერთი ტიპისაა. ისევე, როგორც კავკასიის დოლმენთა უმრავლესობას, მათაც გეგმაში ტრაპეციის ფორმა აქვს². დოლმენი ჩვეულებრივად ხუთი ქვისაგან შედგება³. წინა მხარე უფრო ფართო აქვს, ვიდრე უკანა. უნდა აღინიშნოს, რომ აფხაზეთის დოლმენები საერთოდ უფრო მოზრდილებია, ვიდრე კავკასიის სხვა დოლმენები. ყველაზე უფრო მალალია აზანტის პირველი დოლმენი — დაახლოებით 2,40 მ: ყველაზე გრძელია ეშერის პირველი დოლმენი — 3,64 მ, სიგანით კი ეშერის მესამე დოლმენი⁴. ყველა დოლმენის წინა კედელს დაახლოებით შუაში ოვალური ნახვრეტი აქვს 0,40 მ დიამეტრისა. ჩვეულებრივად ეს ნახვრეტი ქვის საცობითაა დაცული⁵. თუმცა აფხაზეთის დოლმენებთან ამგვარი ქვის საცობები არ აღმოჩენილა, მხოლოდ კ. აკოპიანის სიტყვით, რომლის კარმიდამოზედაც აღმოჩნდა ეშერის დოლმენები, მის მიერ ნაპოვნი საცობი სოკოსებრი მოყვანილობისა იყო და 2—3 ფუტს იწონიდა⁶.

აფხაზეთის დოლმენების წინა მხარე ისევე, როგორც კავკასიის დოლმენთა უმრავლესობა, უპირატესად სამხრეთითა და სამხრეთ-აღმოსავლეთითაა მიქცეული⁷. აქვე უნდა აღვნიშნოთ, რომ აფხაზეთის დოლმენები ტიპობრივად სახსებით ისეთივეა, როგორც დასავლეთკავკასიის დოლმენები⁸.

როგორც უკვე ზემოთ იყო ნათქვამი, აფხაზეთის დოლმენებიდან, სამწუხაროდ, მხოლოდ ეშერის ჯგუფია უკეთ შესწავლილი და ძირითადად მათი განხილვის შედეგად შეიძლება მეტნაკლებად გარკვეული წარმოდგენა ვიქონიოთ დოლმენური კულტურის შესახებ.

ეშერის ჯგუფის დოლმენები ძირითადად ერთი ტიპისაა, თუმცა მიუხედავად ამისა, ზოგი რამ თავისებურება მაინც შეინიშნება როგორც ზომაში, ისე სამარხეულ ინვენტარში და სხვ. მაგ., არც დოლმენთა დამხრობა იყო ყოველთვის ერთნაირი. IV დოლმენს წინა მხარე მოქცეული ჰქონდა სამხრეთ-

¹ იქვე, გვ. 16.

² Кухтин Б. А. Матер. к арх. Колянды. т. I, Тбилиси, 1949, стр. 26.

³ Ивашенко М. М. დასახ. ნაშრ., გვ. 33.

⁴ Кухтин Б. А. დასახ. ნაშრ., გვ. 261.

⁵ Кухтин Б. А. იქვე.

⁶ ივაშენკო მ. დასახ. ნაშრ., გვ. 42.

⁷ Миллер А. А. Зписки о дольменах. стр. 25.

⁸ ივაშენკო მ. დასახ. ნაშრ., გვ. 36.

⁹ ივაშენკო მ. დასახ. ნაშრ., გვ. 33.

¹⁰ Кухтин Б. А. დასახ. ნაშრ., გვ. 262.

დასავლეთისაკენ, მაშინ როდესაც ყველა დანარჩენს სამხრეთ აღმოსავლეთით. ეგრეში ძირითადად შესწავლილი იყო ხუთი დოკუმენტი¹.

სამწუხაროდ, სადღეისოდ ჯერ კიდევ გარკვეული წარმოდგენა არა გვაქვს დოკუმენტებში დასაფლავების წესის შესახებ. ამის მიზეზი ერთი მხრივ ის უნდა იყოს, რომ ეშერის დოკუმენტების ერთი ნაწილი უკვე ადრევე ნაჩიქნი ჩანდა, მეორე მხრივ კი, როგორც უკვე ვთქვით, მათი შესწავლის მეთოდური სისუსტე. ამ მხრივ შედარებით უკეთეს მდგომარეობაშია II და IV დოკუმენტები².

II დოკუმენტი თითქმის მთლიანად მიწაში იყო. სამწუხაროდ, არც ეს დოკუმენტი აღმოჩნდა მთლად ხელუხლებელი. მისი ერთი კუთხე გაუთხრიათ და გადმოცემით ხუთიოდე თავის ქალა, ძვლები და თიხის ჭურჭლის ნატეხები ამოუღიათ აქედან. დოკუმენტის 2/3 მიწით იყო ამოვსებული. გათხრისას გაირკვა, რომ ადამიანის ძვლები სხვადასხვა დონეზე ჩნდებოდა. ამ დოკუმენტში, არც თუ მთლად ზუსტი გამოანგარიშებით, ნაპოვნი იყო დაახლოებით ოცდახუთამდე თავის ქალა³.

IV დოკუმენტში, სამწუხაროდ, ძვლის ნაშთები მეტად ცუდად იყო დაცული და ამიტომ აქაც მთლად ნათელი სურათი არ არის. მიცვალებულის ძვლები მეტად უწესრიგოდ იყო გაფანტული დოკუმენტის უკანა ნაწილში⁴. მ. ივაშჩენკო აღნიშნავს, რომ ამ დოკუმენტში შესაძლოა დასაფლავებული იყო მჯდომარე ან ნახევრად მწოლარე მდგომარეობაში ორი მიცვალებული. მესამე მიცვალებული თავით დოკუმენტის ცენტრისკენ იყო. მის გვერდით კიდევ, ჩანს, ბავშვის ჩონჩხი უნდა ყოფილიყო⁵.

დაახლოებით ამგვარსავე სურათს ვხვდებით, აგრეთვე, ეშერის სხვა დოკუმენტებშიაც. I დოკუმენტში დიდი რაოდენობით აღმოჩნდა უწესრიგოდ განლაგებული ადამიანის ძვლები; რაიმე წესის დადგენა აქ სრულიად შეუძლებელი იყო⁶. III დოკუმენტში, მიუხედავად იმისა, რომ იგი საკმაოდ დაზიანებული იყო, რამდენიმე თავის ქალა აღმოჩნდა. ნივთები და მიცვალებულის ძვლები

¹ აქვე გვინდა შევნიშნოთ, რომ 1951 წ. აფხაზეთის ისტორ. არქივლ. ექსპედიციაში მონაწილეობის დროს ვინაზულეთ ეშერის დოკუმენტების ერთი ჯგუფი. როგორც ჩანს, მათი შესწავლა სათანადო სიმაღლეზე არ უნდა მდგარიყო.

² Кудряков В. А. დასახ. ნაშრ., გვ. 273.

³ იქვე.

⁴ იქვე, გვ. 276.

⁵ ივაშჩენკო მ. დასახ. ნაშრ., გვ. 29 და 48.

⁶ ივაშჩენკო მ. დასახ. ნაშრ., გვ. 18, 48.

ძირითადად დოლმენის კუთხეებში ჩნდებოდა, რის გამოც მ. ივაშჩენკო ფიქრობს, რომ მიცვალებულებს ასაფლავებდნენ დოლმენის კუთხეებში¹.

ამრიგად, როგორც ჩანს, I ეშერის დოლმენები კოლექტიურ სამარხებს წარმოადგენენ. მხოლოდ ერთ შემთხვევაში, მეტად არაზუსტი ცნობით, გადმოცემის თანახმად, II დოლმენში თითქოს აღმოჩნდა ერთი მიცვალებულის ჩონჩხი². თუმცა ჩვენს ხელთ არსებული მასალის მიხედვით სადღეისოდ ჯერ კიდევ ძნელია თქმა, დოლმენს აგებდნენ ერთი მიცვალებულისათვის, თუ იმთავითვე იგი კოლექტიურ სამარხს წარმოადგენდა. შესაძლოა მართლაც, როგორც ფიქრობენ, თავდაპირველად ერთს თუ რამდენიმე მიცვალებულს დოლმენის კუთხეებში, ეგებ, მჯდომარე პოზით ასვენებდნენ³, შემდეგში ჩანს, რომ ამ პირვანდელი სამარხების განლაგება ირრევეა იმის გამო, რომ, როგორც ირკვევა, დოლმენები მერმინდელ ხანაშიაც ყოფილა გამოყენებული⁴. დოლმენებში მოპოვებული მასალის შესწავლის შედეგად გაირკვა, რომ აქ რამდენიმე სხვადასხვა პერიოდი გამოირჩევა. ქვედა, ძირითადი ფენა მიეკუთვნება ბრინჯაოს კულტურის ადრეულ ხანას; მეორე ფენა წინაყოფიანური დროისა უნდა იყოს, შუა ბრინჯაოს ხანის მიწურულისა⁵. ბ. კუფტინი აქ კიდევ მესამე ფენასაც არჩევს და აღნიშნავს, რომ ეს ფენა კარგად თარიღდება კოლხური მონეტებით⁶.

სამწუხაროდ, ჯერ კიდევ მთლად ნათელი არ არის საკითხი თუ როგორათავსებდნენ მიცვალებულს დოლმენში მოგვიანო ხანაში. რა თქმა უნდა, ძნელი წარმოსადგენია, საამისოდ სპეციალურად აებადად სახურავის ქვა. შე-

¹ იქვე, გვ. 25, 49; აქვე გვინდა შევნიშნოთ, რომ ბ. კუფტინის მიხედვით ეს V დოლმენია (იხ. კუფტინი ბ., დასახ. ნაშრ., გვ. 269).

² იქვე, გვ. 48, ბ. კუფტინის მიხედვით ეს № 3 დოლმენია (იხ. დასახ. ნაშრ., გვ. 272).

³ Куфтин Б. А. დასახ. ნაშრ., გვ. 275. Пиотровский Б. В. Поселение медного века в Армении, Советская археология, т. XI, М.—Л., 1949, стр. 181.

⁴ Куфтин Б. А. დასახ. ნაშრ., გვ. 275.

⁵ Куфтин Б. А. К вопросу о древнейших корнях грузинской культуры на Кавказе по данным археологии, стр. 305. Куфтин Б. А. Материалы к археологии Колхиды, т. 1, стр. 270. Куфтин Б. А. Археологические раскопки в Триалети, стр. 15. Куфтин Б. А. К вопросу о ранних стадиях бронзової культуры на территории Грузии, стр. 8.

⁶ Куфтин Б. А. Археологические раскопки в Триалети, стр. 15. Куфтин Б. А. К вопросу о ранних стадиях бронзової культуры на территории Грузии, стр. 12. აქვე გვინდა შევნიშნოთ, რომ არც მ. ივაშჩენკოს და არც თვით ბ. კუფტინის მიერ გამოქვეყნებულ დოლმენების ინვენტარში მესამე ფენის მასალა არ ჩანს. რა მასალას ეყრდნობა ბ. კუფტინი, ამ შემთხვევაში, ჩვენთვის უცნობია.

საძლოა, მართლაც დოღმენის ერთ-ერთ კედელს საგანგებოდ ამომტვრევ-
დნენ ამ მიზნისათვის¹. ბ. კუფტინი ამ საკითხის შესახებ აღნიშნავს აგრეთვე,
რომ შესაძლოა დოღმენებს უკვე როგორც ოსუარიებს, მეორადი დამარხვი-
სათვის იყენებდნენ და ძელები, ეგებ, დოღმენის წინა კედელში დატანილი
ხვრელიდან შეჰქონდათ².

დოღმენური ინვენტარის შესახებ, სამწუხაროდ, ყოველთვის ნათელი სუ-
რათი არა გვაქვს ხოლმე. ყოველთვის ვერ ხერხდება მთლიანი კომპლექსის
დადგენა იმის გამო, რომ, როგორც უკვე აღვნიშნავდით, ეშერის დოღმენუ-
რი ჯგუფი უკვე ადრევე ნაჩიქნი ჩანდა. მაგრამ ის, რაცა გვაქვს, უთუოდ
მეტად საყურადღებოა და თავისებურიც. I დოღმენის ინვენტარის დიდი ნა-
წილი მ. ივაშჩენკოს ადგილობრივმა მცხოვრებლებმა გადასცეს, მხოლოდ
მცირე ნაწილი აღმოჩნდა დოღმენის გაწმენდისას³. ამ დოღმენის ინვენტარი
თავისებურია. იგი თითქმის მთლიანად სამკაულებისაგან შედგება. იარაღი აქ
არ აღმოჩენილა. ნივთებიდან აღსანიშნავია თავისებური ფორმის საკინძები, სასა-
ფეთქლე რგოლები, სპილენძის მძივები კასრისებრი, ბიკონუსური და სხვ.
მოყვანილობის, ღილაკები და სხვ⁴.

II დოღმენის ინვენტარი მეტად ღარიბულია. ლითონის ნივთებიდან აქ
აღმოჩნდა კავი და დანის პირი. გარდა ამისა აქვე ნაპოვნი იყო რამდენიმე
თიხის ჭურჭელი (ტაბ. X, 2). ნივთები. იღო დოღმენის წინა ნაწილში სამხრ.
დასავლეთ კუთხეში⁵.

ეშერის დოღმენებიდან ყველაზე საყურადღებო მასალა მოგვცა IV დოღ-
მენმა. სამარხეული ინვენტარი ძირითადად იღო დოღმენის უკანა კედელთან.
აქ ნაპოვნი იყო ორი ვიწრო ყურადქანებული ცული, სამკაპა კავი, კავი ორ-
ნამენტირებული მასრით, სამი ბრტყელი, ფოთლისებრი მოყვანილობის შუბისა
თუ სატეერის პირი, კასრისებრი მძივი. გარდა ამისა აქვე აღმოჩნდა რამდე-
ნიმე თიხის ჭურჭელი⁶ (ტაბ. X, ბ).

¹ Купфин В. А. К вопросу о древнейших корнях грузинской культуры на Кавка-
зе..., стр. 305; его же. К вопросу о ранних стадиях бронзової культуры на территории
Грузии, стр. 12.

² Купфин В. А. Материалы к археологии Колхиды, т. I, стр. 275.

³ Купфин В. А. Материалы к археологии Колхиды, т. I, стр. 268. Ивашенко М.
М. დასახ. ნაშრ., გვ. 18.

⁴ Купфин В. А. დასახ. ნაშრ., გვ. 268. Ивашенко М. М. დასახ. ნაშრ., გვ. 18.

⁵ Купфин В. А. დასახ. ნაშრ., გვ. 275.

⁶ Купфин В. А. დასახ. ნაშრ., გვ. 277. Ивашенко М. М. დასახ. ნაშრ., გვ. 29.

V დოღმენში აღმოჩნდა საინტერესო მასალა (მ. ივაშჩენკოს III დოღმენი): მოგროო ფორმის, მასიური ცული, ორი ფოთლისებრი შუბისა და სატევრის პირი, კასრისებრი მოყვანილობის მძივები, სასაფეთქლე რგოლები, ფრინველისებრი საკიდი და სხვ. თიხის ჭურჭელი კი მეტად დაზიანებული იყო¹.

ეშერის დოღმენებში მოპოვებული ცულები არქაული ტიპისაა. IV დოღმენის ცულები კარგადაა ცნობილი კავკასიის ადრეული ხანის მასალებში. ეს ცულები ახლო დგას საჩხერის ცულებთან. ერთი ამგვარი ცული აღმოჩნდა აფხაზეთში სოფ. ოთხარაში, ალბათ, ერთ-ერთ დოღმენში. ა. ლუკინი აღნიშნავს, რომ ამავე ფორმის ცულები ცნობილია ერთი ჭუთაისის მუზეუმიდან, ერთიც ზუგდიდის მუზეუმიდან, სადაც იგი მოხვდა სვანეთიდან². ამ ცულებს რამდენადმე უახლოვდება აგრეთვე ერთი ცული სტანიცა აბაძეხსკაიას დოღმენიდან³. ჩრდ. კავკასიაში ცულის ეს ვარიანტი კარგადაა ცნობილი ჩრდილო-ოსეთის ცნობილი სამაროვნებიდან — ფასკაუ, კუმბულთა და სხვ.⁴ საერთოდ უნდა აღინიშნოს, რომ ამ ტიპის ცულებმა ძალიან ფართო გავრცელება ჰპოვეს. როგორც ჩანს, ეს ფორმა სამხრეთ-მესოპოტამიიდან შემოდის, სადაც იგი უკვე ადრეულ ხანაში ჩნდება⁵. ერთ-ერთი გზა გავრცელებისა, ჩანს, კავკასიაზედაც გადიოდა და ამიტომაცაა, რომ აქ იგი უკვე საკმაოდ ადრეულ ხანაში გვხვდება⁶.

რაც შეეხება V დოღმენში აღმოჩენილ ცულს, იგი განსხვავებული ტიპისაა. ბ. კუფტინი აღნიშნავს, რომ ეს ფორმა უფრო ჩრდილოეთისაკენ იწვეს.

უთუოდ საინტერესოა დოღმენებში მოპოვებული კავები: ორი კავი აღმოჩნდა IV დოღმენში (ტაბ. X, 1), ერთი — II დოღმენში (ტაბ. X, 2). რა დანიშნულებისა უნდა ყოფილიყო ეს ნივთი, ახლა ძნელი სათქმელია. ცალ ბოლოზე კავს მასრა აქვს, ალბათ, სახელურისათვის. შესაძლოა მათ ხორცის

¹ Куфтин Б. А. დასახ. ნაშრ., გვ. 269. Ивашенко М. М. დასახ. ნაშრ., გვ. 25.

² Лукин А. А. Материалы по археологии бызской Абхазии. Тр. Отдела истории первобытной культуры. Гос. эрмптаж. т. I, Ленинград, 1941, стр. 25.

³ Куфтин Б. А. დასახ. ნაშრ., გვ. 304. Ивашенко М. М. დასახ. ნაშრ., გვ. 45.

⁴ Куфтин Б. А. დასახ. ნაშრ., გვ. 279. ლუკინი ა. დასახ. ნაშრ., გვ. 26.

⁵ Куфтин Б. А. დასახ. ნაშრ., გვ. 284. Куфтин Б. А. К вопросу о древнейших корнях груз. культуры..., стр. 306.

⁶ Городнов В. А. Культура бронз. эпохи в средн. России, Отчёт Исторического Музея за 1914 г., Москва, 1916, стр. 148. ჯაფარიძე ო. დახვერვითი ექსპედიცია გურიაში, საქ. მუზ. მოამბე, ტ. XVI — B, თბილისი, 1950, გვ. 115.

ამოსაღებად ხმარობდნენ¹. ბ. კუფტინი სამართლიანად აღნიშნავს, რომ ფორ-
მით ისინი ახლო დგანან მთაში თანამედროვე ეთნოგრაფიულ სინამდვილეში-
გავრცელებულ კაეებთან². საქართველოში ამ პერიოდის მასალებში სხვა ჩვენ-
თვის უცნობია. უფრო მოგვიანო ხანაში კი ჩვენში გავრცელებული იყო რამ-
დენადღე უფრო განსხვავებული მოყვანილობის კაეები. ეშერის დოლმენებში
მოპოვებული კაეების მსგავსი ცნობილია ჩრდ. კავკასიის ამავე პერიოდის მასა-
ლებიდან. ამ მხრივ აღსანიშნავია სტანიცა აბაძეხსკაიას დოლმენში ნაპოვნი ერთი
კაეი, რომელიც თითქმის სავსებით ისეთივეა, როგორც II დოლმენის კაეი³.

განსაკუთრებით საყურადღებოა IV დოლმენში აღმოჩენილი სამკაპა კაეი
(ტაბ. X, ბ). სამკაპა კაეი, რამდენადღე განსხვავებული, ცნობილია ნოვოსეობოდ-
ნაიას ყორღანიდან, სადაც აგრეთვე უბრალო კაეიც აღმოჩნდა. ორკაპა კაეი
ნაპოვნი იყო სტანიცა პსებაისკაიას ყორღანში⁴ და მახოშვესკაიას ყორ-
ღანში⁵.

დასასრულ, უნდა აღვნიშნოთ, რომ IV დოლმენში აღმოჩენილ ცალკაპა
კაეს მასრა შემკული აქვს წნული რელიეფური ორნამენტით (ტაბ. X,
1). შესანიშნავადაა ორნამენტირებული ერთი კაეი ბ. კუფტინის მიერ 1937
წ. გათხრილი ერთ-ერთ დოლმენიდან (ტაბ. X, 5). ამავე წესითაა შემკული
აფხაზეთის დოლმენების ერთი ცული, რომელიც ბ. კუფტინმა საანალიზოდ
გადასცა ლითონის ინსტიტუტს⁶. ეს ცული მას⁷ როგორც ჩანს, უპოვნია
1937 წ. ექსპედიციის დროს⁸ (ტაბ. X, 4). სამწუხაროდ, ამ ექსპედიციის შედე-
გები, როგორც აღვნიშნეთ, მას არ გამოუქვეყნებია. ეს ორნამენტი ცულზე
იმდენად სრულყოფილადაა შესრულებული, რომ სპეციალისტებს აფიქრები-
ნებს, რომ იგი უკვე „მოდელის დაკარგვის წესითაა“ ჩამოსხმული⁹. უნდა შევ-
ნიშნოთ, რომ შემკობის ეს წესი, როგორც ჩანს, უკვე შეინიშნება ამ აღ-
რეულ საფეხურზე. დაახლოებით იმავე წესითაა შემკული ერთი სატევრის

¹ Нессен А. А. К вопросу о древнейшей металлургии меди на Кавказе, Изв. ГИИМК, вып. 120, М.—Л., 1935, стр. 83.

² Купфин Б. А. Материалы к археологии Колхиды, т. I, стр. 280.

³ იქვე, გვ. 282, 304.

⁴ იქვე, გვ. 281.

⁵ Нессен А. А. დასახ. ნაშრომი, გვ. 83, სურ. 4.

⁶ Сакварелидзе Т. Н. Бронзы древней Грузии, Автореферат. Тбилиси, 1954, стр. 7.

⁷ Купфин Б. А. К вопросу о древнейших корнях грузинской культуры на Кав-
казе по данным археологии, Табл. II, 3. 5.

⁸ Сакварелидзе Т. Н. დასახ. ნაშრ., გვ. 7.

პირის ტარი საჩხერიდან¹, სატევრის პირი სტანიცა კონსტანტინოვსკაიადან² და სხვ. მომდევნო საფეხურზე შემკობის ეს წესი კიდევ უფრო დამახასიათებელი ხდება.

აღსანიშნავია დოღმენებში ნაპოვნი ბრტყელი ფოთლისებრი შუბისა თუ სატევრის პირები. როგორც ჩანს, ეს პირები გამოქედილია³. მათ ტარის დასაგები ღერო აქვს. ზოგიერთს პირზე აქეთ-იქით არამკვეთრი ღარი დაუყვება სიგარტზე. ეს ნივთები ახლო ანალოგიას პოულობენ ჩრდილო ოსეთის ცნობილი სამაროვნების ფასკაუ, კუმბულთა და სხვა მასალებში. V დოღმენში ნაპოვნი სამივე პირი ენათესავენს სტანიცა ნოვოსეობოდნაიას მახლობლად მრავალწახნაგა დოღმენში ნაპოვნი პირებს⁴.

რაც შეეხება უფრო მომცრო ზომის იარაღებს, ისინი, როგორც ამას ბ. კუფტინი აღნიშნავს, შესაძლოა, მართლაც უფრო დანის პირები იყოს⁵.

აქვე უნდა შევნიშნოთ, რომ ეშერს დოღმენების ქვედა ფენის ნივთები ჩამოსხმულია კარგი ხარისხის ლითონისაგან, რომელშიაც (დაახლოებით 5%-მდე დარიშხანი შედიოდა. მაგ., ცულებში. აქ დარიშხანის შემადგენლობა 5%-მდე აღწევს⁶, შუბისა თუ სატევრის პირებში კი 4, 4¹/₁₀⁷. უკანასკნელ ხანებში ამ მხრივ ჩატარებულმა მუშაობამ დაგვანახა, რომ ჩვენში მოპოვებული ბრინჯაოს კულტურის ადრინდელი საფეხურის ლითონის ნაწარმი უკვე თვითნაბადი სპილენძისაგან კი არ არის დამზადებული, არამედ ხასიათდება ისეთი სპილენძით. რომელიც 2¹/₁₀-მდე და ზოგჯერ მეტ დარიშხანს შეიცავს⁸. რაც შეეხება სპეციალურ ლიტერატურაში გამოთქმულ მოსაზრებას, რომ თითქოს აფხაზეთის ძირა ფენის ლითონის ნივთები 10¹/₁₀-მდე ანთიმონს შეიცავენ, როგორც ახლა ირკვევა, მთლად მართებული არ არის.⁹

უთუოდ აღსანიშნავია, რომ ბ. კუფტინი ერთ თავის ნაშრომში აღნიშნავს, რომ ეშერის ერთ-ერთ დოღმენში 1937 წ. მან სპილენძ-ბრინჯაოს ინ-

¹ Куптин Б. А. Археологическая маршрутная экспедиция 1945 года в Юго-Осетию и Имеретию, стр. 72.

² Куптин Б. А. დასახ. ნაშრ., გვ. 72. Куптин Б. А. Материалы к археологии Колхиды, т. I, стр. 284.

³ Сакварелидзе Т. Н. დასახ. ნაშრ. გვ. 11.

⁴ Куптин Б. А. დასახ. ნაშრ., გვ. 273.

⁵ იქვე, გვ. 280.

⁶ საყვარელიძე თ. დასახ. ნაშრ., გვ. 7.

⁷ იქვე, გვ. 11.

⁸ იქვე, გვ. 19.

⁹ Куптин Б. А. Археологические раскопки в Триалети, стр. 16.

Куптин Б. А. К вопросу о древнейших корнях грузинской культуры..., стр. 304.

Куптин Б. А. Материалы к археологии Колхиды, т. I, стр. 314.

ვენტართან ერთად იპოვა კაეის ერთი ისრის პირიც (ტაბ. X, 3), რომლის ანალოგია ცნობილია ოჩამჩირის ქვედა ფენიდან¹.

დოლმენების ადრეული ფენისა უნდა იყოს II დოლმენში ნაპოვნი მძივები, თიხის მოყვითალო ფერის ცილინდრული ფორმის წვრილი მძივები; აგრეთვე ცისფერი პასტის წვრილი მძივები და სხვ.².

ამ პერიოდის დოლმენური კერამიკის შესახებ, სამწუხაროდ, ბევრის არაფერის თქმა შეგვიძლია იმის გამო, რომ იგი ცუდადაა შენახული. ეშერის დოლმენური კერამიკა მეტად ცუდად გამომწვარი იყო და ადვილად იშლებოდა. IV დოლმენში რამდენიმე თიხის ქურქელი აღმოჩნდა: პატარა ზომის მოწითალო ფერის კოქები; აგრეთვე, ფინჯნისმაგვარი მოწითალო პატარა თიხის ქურქელი. გარდა ამისა, აქ ნაპოვნი იყო ორი შედარებით დიდი ზომის ქურქელი. II დოლმენში ნაპოვნი იყო ოთხი მინიატურული ქურქელი³. ბ. კუფტინმა დოლმენური კერამიკის შესახებ ვარაუდით გამოთქვა მოსაზრება, რომ შესაძლოა ეს პატარა ზომის, მინიატურული თიხის ქურქელი უფრო მოზრდილი ქურქლის იმიტაციას წარმოადგენდა და განკუთვნილი იყო სპეციალურად მიცვალებულისათვის ჩასატანებლად. შესაძლოა, დასძენს იგი. რომ ეს დაკავშირებული იყო დოლმენებში მეორადი დასაფლავების წესთან⁴. ეს კერამიკა გარკვეულ მსგავსებას პოულობს ჩრდ. კავკასიის დოლმენურ კერამიკასთან⁵.

ამრიგად, როგორც ვნახეთ, ჩვენში დოლმენური კულტურის შესახებ სადღეისოდ მეტად ცოტა რამ ვიცით. ახლა თითქოს უკვე გარკვეულად ჩანს, რომ აქ რამდენიმე ფენა გამოირჩევა. მართალია, ეშერის დოლმენების ძირა ფენიდან მცირე მასალა გვაქვს, მაგრამ იმის მიხედვით, რაც ხელთა გვაქვს, თითქოს შესაძლო ხდება იმის აღნიშვნა, რომ დოლმენების აგების დრო ჩვენში ჯერ კიდევ ბრინჯაოს კულტურის ადრინდელ საფეხურს უნდა მიეკუთვნებოდეს. როგორც ჩანს, მეტალურგია ამ დროს კიდევ უფრო მაღალ საფეხურზე ადის. თუ თრიალეთის ადრინდელი ჯგუფის ყორღანებში ლითონის ნაწარმი ჯერ კიდევ შედარებით შეზღუდულია და ტიპობრივადაც მაინც ზოგი რამ საერთო აქვს წინამორბედ საფეხურთან, დოლმენების ძირა ფენაში ლითონის ნივთები შედარებით უფრო მეტი ჩანს და თანაც უკვე საკმაოდ განვითარებული ფორმის (ცულები, კავეები, სატევრის პირები და სხვ.). მეტალურგიის

¹ Куфтин Б. А. Материалы к археологии Колхиды, т. II, стр. 243.

² Куфтин Б. А. Материалы к археологии Колхиды, т. I, стр. 297.

³ იქვე, გვ. 292.

⁴ იქვე, გვ. 295.

⁵ იქვე, გვ. 300.

დაწინაურებას უთუოდ ისიც მოწმობს, რომ აქ უკვე ჩამოსხმის საკმაოდ რთული, მოდელის დაკარგვის წესისათვის, მიუღწევიათ.¹ საყურადღებოა აგრეთვე ისიც, რომ, როგორც უკვე აღვნიშნეთ, ნივთების ჩამოსასხმელად გამოყენებული იყო სპილენძი, რომელშიც 5%-მდე დარიშხანი შედიოდა.² ჯერ კიდევ გარკვევით ძნელია თქმა დარიშხანი აქ ხელოვნური თუ ბუნებრივი შენაერთია. შესაძლოა, წინასწარ ხდებოდა სპილენძის და დარიშხანის მადნების შერევა. ასეა თუ ისე, ჩანს, რომ უკვე ცოდნით დარიშხანიანი სპილენძის თავისებურება. გარკვეული პროცენტი დარიშხანის უთუოდ გავლენას ახდენს სპილენძზე.³

სათანადო მასალის სიმცირის გამო შესაძლოა მართლაც ცოტა ნაადრევი იყოს რაიმეს გარკვევით თქმა, მაგრამ ვფიქრობთ, რომ წინასწარ მაინც შეიძლება აღვნიშნოთ, რომ დოლმენური კულტურა ადრეულ ბრინჯაოს ხანის უკვე საკმაოდ განვითარებულ საფეხურს და, ეგებ, უფრო მის მიწურულს უნდა მიეკუთვნებოდეს. ამას ერთგვარად ისიც უნდა მოწმობდეს, რომ აქ უკვე საკმაოდ დაწინაურებულია მეტალურგია. როგორც უკვე აღვნიშნული გვქონდა, აფხაზეთის დოლმენების ქვედა ფენის მასალა ბევრ საერთოს პოულობს კავკასიის თანადროულ მასალებთან. კერძოდ, გარკვეული მსგავსება შეინიშნება ჩრდ. კავკასიის დოლმენურ კულტურასთან. ბ. კუფტინის აზრით კავკასიის დოლმენების აგების დრო განისაზღვრება ადრეულიდან შუა ბრინჯაოს ხანაზე გარდამავალი ეპოქით, ე. ი. III ათასწლეულის ბოლოთი და II ათასწლეულის დასაწყისით.⁴ როგორც უკვე არაერთგზის იყო აღვნიშნული, აფხაზეთის დოლმენების ქვედა ფენის მასალა უახლოვდება ნოვოსეობოდნიას ყორღანს. უკანასკნელ ხანებში ყუბანის დიდი ყორღანების კარგად შემუშავებული ქრონოლოგია მოგვცა ა. იესენმა. მისი აზრით ნოვოსეობოდნიას ქვეჯგუფი, რომელიც მაიკოპის ქვეჯგუფზე რამდენადმე უფრო ახალგაზრდა უნდა იყოს, შესაძლოა მოვაქციოთ 2100—1700 წწ. ძვ. წ. შორის.⁵ ამიტომაც:

¹ Куптин Б. А. *დასახ. ნაშრ.*, გვ. 283.

Куптин Б. А. К вопросу о древнейших корнях грузинской культуры на Кавказе по данным археологии, გვ. 304. Сакварелидзе Т. Н. *დასახ. ნაშრ.*, გვ. 7.

² Сакварелидзе Т. Н., *დასახ. ნაშრ.*, გვ. 7, 11, 17.

³ იქვე, გვ. 17.

⁴ Куптин Б. А. К вопросу о древнейших корнях грузинской культуры на Кавказе..., стр. 305.

⁵ Песев А. А. К хронологии „больших кубанских курганов“, Советская археология, т. XII, М.—Л., 1950, стр. 193.

ეგებ, ესეც ერთგვარად მხარს უჭერდეს ჩვენა მიერ ზემოთ გამოთქმულ მოსაზრებას, რომ დოლმენური კულტურა ჩვენში უკვე ბრინჯაოს კულტურის ადრეული საფეხურის უფრო ბოლო პერიოდისა უნდა იყოს და შესაძლოა, მთლად უმართებულო არ იყოს თუ ქრონოლოგიურად მას განვსაზღვრავთ მე-3 ათასწლეულის ბოლოთი და II ათასწლეულის პირველი საუკუნეებით ძვ. წ. სამწუნაროდ, აფხაზეთის დოლმენები თითქმის იმდენივე მასალას იმდროინდელი საზოგადოების ცხოვრების აღდგენისათვის.

არაფრის თქმა არ შეგვიძლია ამ პერიოდის ეკონომიური ცხოვრების შესახებ, არც საზოგადოების სოციალური სტრუქტურის შესახებ. მხოლოდ საფიქრებელია, რომ თითოეული დოლმენი წარმოადგენდა სავაჭარეულო სამარხს, რომელსაც აგებდა გვარის, ეგებ, უფრო დაწინაურებული ერთეული. რა თქმა უნდა, გვარი, ჩანს, ჯერ კიდევ საკმაოდ ძლიერ კოლექტივს წარმოადგენს და ალბათ ამ კოლექტივის ერთობლივი შრომის შედეგად იქნებოდა შესაძლებელი ამგვარი რთული სამარხ-ნაგებობის აგება¹.

რა თქმა უნდა, მეტად საყურადღებოა საკითხი ჩვენში დოლმენური ტიპის სამარხების გაჩენის თუ წარმოშობის შესახებ. როგორც უკვე აღნიშნული გვექონდა, კავკასიაში დოლმენები განსაზღვრულ ტერიტორიაზე ვრცელდება. საერთოდ უნდა აღვნიშნოთ, რომ დოლმენები ფართოდ იყო გავრცელებული აზიაში, აფრიკასა და ევროპაში. სამეცნიერო ლიტერატურაში არა ერთი და ორი მოსაზრებაა გამოთქმული მათი წარმოშობა-გავრცელების შესახებ. ზოგი მათ აფრიკული წარმოშობისად თვლის, საიდანაც უნდა გავრცელებულიყო დოლმენური კულტურა². ზოგი, პირიქით, ფიქრობს, რომ დოლმენები დასავლეთიდან აღმოსავლეთით ვრცელდებიან და სხვ. ეს საკითხი ჯერ კიდევ ღია რჩება. კავკასიის დოლმენებს, მართლაც, ზოგი რა2 საერთო აქვს ევროპისა და ხმელთაშუა ზღვის დოლმენებთან³. რით უნდა იქნეს ასწილი ეს მსგავსება, ჯერ კიდევ ძნელი სათქმელია. მაგრამ, ერთი კი ცხადი უნდა იყოს, როგორც ამას სამართლიანად აღნიშნავს ბ. პიოტროვსკი, რომ მოსაზრებას კავკასიაში დოლმენური კულტურის „მიგრაციის“ შესახებ თითქოს არავითარი საფუძველი არა აქვს⁴. როგორც ჩრდ. კავკასიის, ისე აფხაზეთის დოლმენებში მოპოვებული ინვენტარი, როგორც ვნახეთ, ბევრ საერთოს პოულობს კავკასიის ბრინჯაოს ხანის ადრეული საფეხურის მასალასთან. დოლ-

¹ Куфтин Б. А. Материалы к археологии Колхиды. т. I. გვ. 267.

² იქვე, გვ. 264.

³ Пиотровский Б. С. დასახ. 5ა შრომი, გვ. 182,

⁴ იქვე, გვ. 182.

ზენის, თითქოს სამარხის ტიპის, კავკასიაში გაჩენის შესახებ ჯერ კიდევ თითქოს ვერაფერს ვიტყვი. რამდენად სწორია მოსაზრება, რომ თითქოს იგი ნეზობელი კულტურების გავლენის შედეგი იყოს, ძნელი სათქმელია¹. ასეა თუ ისე. ერთი კი ცხადია, რომ კავკასიის და, კერძოდ აფხაზეთის, დოლმენში ქვედა ფენის მასალა უთუოდ ასახავს კავკასიის ბრინჯაოს ხანის კულტურას.

↙ საჩხერე. ბრინჯაოს ხანის მეტად საყურადღებო მასალა აღმოჩენილია ნდ. ყვირილას ზემო წელზე. საჩხერის რაიონში. აქედან უკვე კარგა ხანია ცნობილია მეტად მნიშვნელოვანი მასალა. ჯერ კიდევ 1909 წ. შიგ საჩხერეში შემთხვევით აღმოჩნდა სპილენძის ცული. შემდეგ წელს ეს ადგილი ინახულა ე. თაყაიშვილმა, რომელმაც აქ საცდელი გათხრა ჩაატარა². ყორღანი, სადაც ნივთები აღმოჩნდა, არც თუ ისე დიდი ზომისა იყო, ქვაყრილიანი. აქ ნაპოვნო იყო ცულები, სამაჯურები, სპტეერის პირები, ქინძისთავეები და სხვ³.

ე. თაყაიშვილმა თავის დროზე პატარა ცნობა გამოაქვეყნა ამ აღმოჩენის შესახებ. უთუოდ აღსანიშნავია, რომ ე. თაყაიშვილმა იმთავითვე სწორად გაიგო აგების ხასიათი და მართალია ვარაუდით, მაგრამ მაინც გამოთქვა მოსაზრება, რომ საჩხერის ყორღანი წინ უსწრებდა ყობანის კულტურას და იგი სპილენძის ხანას უნდა მიეკუთვნოს⁴. ე. თაყაიშვილს ეს, თუნდაც ვარაუდით, გამოთქმული მოსაზრება იმ დროისათვის, რა თქმა უნდა, მეტად გაბედული იყო იმის გამო. რომ, როგორც ცნობილია, სულ ბოლო დრომდე კავკასიის არქეოლოგიაში ბატონობდა რ. ვირხოვის, ვ. შანტრისა და სხვ. აზრი, თითქოს ჩვენში ლითონის ინდუსტრია მხოლოდ გვიანი ბრინჯაოს ხანიდან იწყება და ბრინჯაოს კულტურის უფრო ადრინდელი საფეხურები აქ თითქმის სრულიად არ ყოფილა განვლილი. ამიტომაც იყო, რომ კარგა ხნის მანძილზე აშკარად ყობანურ კულტურაზე უფრო ადრინდელი ხანის ძეგლებს ათარილებდნენ გაცი-

—¹ იქვე, გვ. 182.

² Такайшвили Е. С. О Сачхерском кургане Шорапанского уезда, Изв. Кавказского отделения Московского археологического общества, вып. 3, Тбилиси, 1913, стр. 167.

—³ იქვე, გვ. 163.

—⁴ იქვე, გვ. 171. აქვე გვინდა შევნიშნოთ, რომ ბ. კუფტინი თავის ადრე გამოქვეყნებულ ნაშრომებში აღნიშნავდა, რომ თითქოს საჩხერის კოლექციას შეცდომით გვიან პერიოდს მიაკუთვნებდნენ (იხ. მისი Археологические раскопки в Триплетии, გვ. 14 და მისივე К вопросу о ранних стадиях бронзової культуры на территории Грузии, გვ. 7). მხოლოდ ბოლო დროს გამოსულ თავის ერთ ნაშრომში იგი აღნიშნავს, რომ ე. თაყაიშვილი თავის დროზე საჩხერის კომპლექსს წინაყობანურ პერიოდს აკუთვნებდა (იხ. მისი Археологическая маршрутная экспедиция 1945 года в Юго-Осетию и Шверетию, გვ. 64).

ლებით გვიანი დროით¹. რალა თქმა უნდა, ე. თაყაიშვილის მიერ ასეთ ვითარებაში ზემოგამოთქმული მოსაზრება უთუოდ ახალი სიტყვა იყო.

1939 წ. საჩხერის რაიონი ინახულა ბ. კუფტინმა და აქ ადგილ „ნაჩერქევეზე“ ათიოდე სამარხი გათხარა². შემდეგ წლებში იგი დროდადრო თავის „სამარშრუტო ექსპედიციებს“ აწყობდა ამ რაიონში ისე, რომ სადღეისოდ ყვირილას ზემო წელზე უკვე ბრინჯაოს კულტურის ადრეული საფეხურის რამდენიმე მეტად საყურადღებო ძეგლია გამოვლენილი. ნაწილი მასალია ბ. კუფტინმა გამოაქვეყნა კიდეც³, მაგრამ უკანასკნელ ხანებში მოპოვებული მასალის დამუშავება და გამოცემა, სამწუხაროდ, მას აღარ დასცალდა. აქვე გვინდა შევნიშნოთ, რომ მიუხედავად იმისა, რომ სადღეისოდ საჩხერის რაიონიდან ადრეული ხანის საკმაოდ მნიშვნელოვანი მასალა დაგროვდა, მაინც აქ გამოვლენილი ძეგლების შესახებ გარკვეული წარმოდგენა ჯერაც არა გვაქვს. საქმე იმაშია, რომ საქართველოს სახელმწიფო მუზეუმში 1910 და 1929 წწ. შემოსული კოლექციები საჩხერიდან არეულია, კომპლექსები, ჩანს, დარღვეულია და ამიტომაც ყოველთვის ვერ ხერხდება ადრეული მასალის განორჩევა შედარებით უფრო მოგვიანო კომპლექსიდან⁴. ამ მხრივ ბ. კუფტინის მიერ აქ ჩატარებულმა სამუშაოებმა უნდა შეიტანოს გარკვეული წესრიგი. მაგრამ, სამწუხაროდ, მის მიერ გამოქვეყნებული მასალა საჩხერის რაიონიდან ამის დადგენის საშუალებას არ იძლევა იმის გამო, რომ ბ. კუფტინი ცალკეული ძეგლის აღწერა, დახასიათებას კი არ გვაძლევს, არამედ, როგორც საერთოდ სჩვევია სოლმე, მოცემული აქვს ამ რაიონის ადრეული ხანის ძეგლების საერთო, ზოგადი დახასიათება. იგი ძირითადად განიხილავს აქ მოპოვებულ ცალკეულ ნივთებს და მათი ანალიზის გზითაა გამოტანილი დასკვნები. რა თქმა უნდა. ამგვარი ვითარება ართულებს ბრინჯაოს კულტურის ადრინდელი ხანის ერთერთი ამ მეტად საყურადღებო რაიონის სწორ შესწავლას.

საჩხერის რაიონში სადღეისოდ რამდენიმე ადგილასაა დამოწმებული ლითონის ინდუსტრიის ადრეული ხანის ძეგლები⁵. შიგ საჩხერეში გარდა იმ

¹ Куфтин Б. А. Археологические раскопки в Триплетии, стр. 3. Куфтин Б. А. К вопросу о ранних стадиях бронзовой культуры на территории Грузии, стр. 6.

² Куфтин Б. А. დასახ. ნაშრ., გვ. 8.

³ Куфтин Б. А. Археологическая маршрутная экспедиция 1945 г... стр. 65.

⁴ Куфтин Б. А. დასახ. ნაშრ., გვ. 64.

Деген Б. Е. Курганы в Кабардинском парке г. Пальчика, МИА, 3, М.—Л., 1941, стр. 254.

⁵ Куфтин Б. А. Археологическая маршрутная экспедиция 1945 г. в Юго-Осетию и Имеретию, стр. 66.

ყორღანისა. რომელიც ჯერ კიდევ ე. თაყაიშვილმა შეისწავლა, ბ. კუფტინმა 1939 წ. საჩხერის დასავლეთ მხარეში აღვილ „ნაჩერქეხევი“-ზე მიაკვლია ბრინჯაოს ხანის სამაროვანს, სადაც 10 სამარხი გათხარა¹. 1951 წ. სამარშრუტო ექსპედიციის დროს იგი კვლავ სწავლობს ამ სამაროვანს. ამ წელს აქ ბ. კუფტინმა კიდევ 16 სამარხი გამოავლინა. მიცვალებული, ჩანს, პირდაპირ მიწაში იდო, როგორც ირკვევა, დედაკაცები უპირატესად მარჯვენა გვერდზე იწვნენ თავით დასავლეთით, მამაკაცები კი—მარცხენა გვერდზე თავით აღმოსავლეთით. აღმოჩნდა აგრეთვე ერთი წყვილადი სამარხი მამაკაცისა და ქალისა თავით ჩრდილოეთით. განსაკუთრებით აღსანიშნავია სამარხი № 10, სადაც თიხის ქურქლის გარდა აღმოჩნდა ორი სპილენძის სატევარი, რამდენიმე პატარა ზომის სამკუთხა ისოის პირები ტარზე დასაგები ღეროთი, მოწითალო ფერის კაყის შუბის პირი, რომელთანაც აღმოჩნდა კაყის ანატკეცები. ამის გამო ბ. კუფტინი ფიქრობს, რომ ეს იარაღი სპეციალურად დაამზადეს მიცვალებულის დასაფლავების დროს².

ქალის სამარხებში ძირითადად გვხვდება სპირალური საკიდები, ორი ტიპის ქინძისთავები და სხვ³. სამწუხაროდ, ბ. კუფტინს არც 1951 წ. ანგარიშში აქვს მოცემული „ნაჩერქეხევის“ სამაროვნის სათანადო აღწერილობა. ამიტომაცაა, რომ მთლად გარკვეული წარმოდგენა ამ სამაროვნის ინვენტარის შესახებ ჯერაც არა გვაქვს. როგორც ჩანს, ამ სამაროვანში მოპოვებული ინვენტარი ახლო უნდა იდგეს ე. თაყაიშვილის მიერ საჩხერის ყორღანში აღმოჩენილ მასალასთან.

საჩხერეში ბ. კუფტინმა შეისწავლა ამ პერიოდის კიდევ მეორე ძეგლი ცარცის გორა. აქ ჯერ კიდევ აღრევე, შემთხვევით ნაპოვნი იყო არქაული ფორმის ღეროიანი შუბის პირი⁴. ყრილი, როგორც ჩანს, ხელოვნური უნდა ყოფილიყო, შემდგარი რიყის ქვისაგან დაახლოებით 1,0 მ სიმაღლისა. გათხრების შედეგად გაირკვა, რომ აქ აღრეული ხანის სამაროვანი უნდა იყოს. სამწუხაროდ, მიცვალებულის ძვლები ცუდადაა დაცული და ამიტომაც

¹ Куптин Б. А. *დასახ. ნაშრ.*, გვ. 65. Куптин Б. А. К вопросу о равнинных стоянках, бронзової культуры на территории Грузии, стр. 81. სამწუხაროდ, ბ. კუფტინს არაფერი არა აქვს ნათქვამი ამ სამარხების შესახებ. ამიტომაც თითქმის ვერაფერს ვიტყვით დასაფლავების წესის შესახებ, სამარხული კომპლექსების შესახებ და სხვ.

² Куптин Б. А. Результаты работ маршрутной археологической экспедиции в бассейны рек Лиахви, Проне, Квирылы и Среднего Риона в 1951 году (ხელნაწერი).

³ Куптин Б. А. *Заря Востока*, 1946, 28. IX.

⁴ Куптин Б. А. Археологическая маршрутная экспедиция 1954 г. в Юго-Осетию и Имеретию, стр. 67.

ყოველთვის ვერ ხერხდება დასაფლავების წესის დადგენა. როგორც ჩანს, მიცვალებულს პირდაპირ მიწაში ათავსებდნენ, გვერდზე, მოკუნტულად მწოლარეს. სამარხები უმეტესად ყრილის ქვეშ იყო, ზოგჯერ შიგ ყრილში. მხოლოდ ერთ შემთხვევაში სამარხი მოთავსებული იყო ბორცვის საფუძველში სპეციალურად ამოკრილ სამარხ-ორმოში. ჩანს, რომ ეს ბორცვი საგვარეულო სასაფლაო უნდა ყოფილიყო¹. საფიქრებელია, რომ აქ ერთი გვარის წევრები გარკვეული დროის მანძილზე ასაფლავებდნენ თავის მიცვალებულებს. ამიტომაცაა, ალბათ, რომ დაახლოებით ერთი დროის სამარხები აქ სხვადასხვა დონეზეა აღმოჩენილი. აღსანიშნავია, რომ ზოგ შემთხვევაში ნივთები აქ პირდაპირ ყრილში აღმოჩნდა. მაგ., ხელსაფეკავი, ლითონის იარაღი და სამკაული და სხვ. როგორც ბ. კუფტინი აღნიშნავს, აქ თითქოს ისეთი შთაბეჭდილება იქმნება, რომ ეს ნივთები ახალი სამარხების გაკრისას იყოს ამოყრილი, ან კიდევ შეწირული და პირდაპირ უწესრიგოდ ჩადებული².

სამწუხაროდ, ამ მეტად საყურადღებო სამაროვანის ხნოვანების შესახებ ჯერ გარკვევით ვერაფერს ვიტყვით. ბ. კუფტინი აღნიშნავს, რომ ცარცის გორაზე აღმოჩენილი სამაროვანი ადრე და შუა ბრინჯაოს ხანისა უნდა იყოს³. აქაც უყოყინაოდ მის სიტყვას უნდა ვენდოთ იმის გამო, რომ ამ შემთხვევაშიც მას სრულიად არა აქვს მოცემული ცალკეული სამარხეული კომპლექსები და იგი ჩვეულებისამებრ, კმაყოფილდება მხოლოდ ზოგიერთი ცალკეული ნივთების განხილვით. ამიტომაც ძნელდება ამ სამაროვანზე რაიმე ქრონოლოგიური თანამიმდევრობის დადგენა.

✓ ცარცის გორაზე აღმოჩნდა რამდენიმე ყუამილიანი ცული⁴. აღსანიშნავია ერთი შედარებით არქაული ფორმის ცული, რომელიც აღმოჩნდა ოთხწახნაგა ნოკლე სადგისთან და ფოთლისებრი, გრძელღეროიან დანის პირთან ერთად⁵. ამდაგვარი სხვა სამარხებიც იქნა ნაპოვნი. სამარხებში იდო აგრეთვე ბრტყელი და თხელი სატევრის პირები ცივად ქედვის შედეგად მიღებული⁶. განსაკუთრებით საყურადღებოა აქ ნაპოვნი ერთი სატევრის პირი, რომელსაც სპილენძისავე სახელური აქვს რელიეფური ორნამენტით შემკული⁷.

¹ იქვე, გვ. 70.

² იქვე, გვ. 70.

³ იქვე, გვ. 70.

⁴ იქვე, გვ. 71, ტაბ. LVII.

⁵ იქვე, გვ. 71, ტაბ. LVII.

⁶ იქვე, გვ. 72.

⁷ იქვე, გვ. 72, ტაბ. LX, 1.

უთუოდ საინტერესოა აქ აღმოჩენილი არქაული ფორმის ორი იარაღი: ერთი, როგორც უკვე აღვნიშნეთ, შემთხვევით ნაპოვნი ლეროიანი შუბის პირი¹ (ტაბ. XI, 5) და მეორე კი ოთხწახნაგა ხიშტისმაგვარი იარაღი² (ტაბ. XII, 3). ორივე ეს ნივთი ახლო ანალოგიას პოულობს წინააზიურ მასალებში. გარდა ამისა აქ ნაპოვნი იყო სპირალური სამაჯურები, ქინძისთავი, დიდი რაოდენობით აღმოჩნდა მრგვალი, 1,5 ხვიის სასაფეთქლე საკიდები. აღსანიშნავია, რომ ერთ-ერთ სამარხში ნაპოვნი იყო სავსებით ამგვარივე ოქროს საკიდი³. საყურადღებოა აგრეთვე ქვის ნივთები: ქვის რბილი ჯიშის სამაჯურის ფრაგმენტები⁴ და ერთი ნატეხი გახვრეტილი ქვის ცულისა. ეს უკანასკნელი იმითაცაა საინტერესო, რომ ამიერკავკასიაში, წინა აზიის მაგავესად, გახვრეტილი ქვის ცულები შედარებით იშვიათია, ვიდრე, ვთქვათ, ჩრდ. კავკასიაში⁵. მეტად საყურადღებოა ცარცის გორაზე აღმოჩენილი კერამიკა. ახლა უკვე შეიძლება გარკვეული წარმოდგენა ვიქონიოთ ამ პერიოდის საჩხერულ კერამიკაზე. იგი ძირითადად შავი ფერისაა, ვარდისფერი სარჩულით, უახლოვდება თრიალეთის აღრეულ ბრინჯაოს ხანის ჭურჭელს და აშკარად ენათესავება ენეოლითურ კერამიკას⁶. იგი მართლაც დიდ მსგავსებას იჩენს წინა ხანის კერამიკასთან და ამდენად ამ ძეგლების თარიღის დადგენის საქმეში იგი ერთ-ერთი ძირითადი ფაქტორთაგანია.

ამრიგად, როგორც ვნახეთ, შიგ საჩხერეში სადღეისოდ მიკვლეულია აღრეული ხანის სამი ძეგლი: ერთი ჯერ კიდევ ე. თაყაიშვილის მიერ შესწავლილი ყორღანი, „ნაჩერქეზევი“ და ცარცის გორა. საჩხერის მახლობლად უკანასკნელ ხანებში კიდევ აღმოჩნდა ამ პერიოდის მეტად საყურადღებო ძეგლები. განსაკუთრებით აღსანიშნავია სოფ. ქორეთში ნაპოვნი მასალები. ბ. კუფტინმა აქ ერთი ყორღანი გათხარა. ყორღანის ცენტრალურ ნაწილს გარს უვლიდა ნაგლეჯი ქვებისაგან ნაგები კედელი. ამ კედლის ხნოვანება კარგად ირკვევა მის საფუძველთან ყრილის ქვეშ ნაპოვნი ნივთებით. აქ აღმოჩენილი იყო აღრეული ბრინჯაოს ხანის ინვენტარი — ყუამილიანი ცული, საკიდი, გრძელყულფიანი ქინძისთავი და სხვ.⁷ როგორც ჩანს, 1945 წლის სა-

¹ იქვე, გვ. 67, ტაბ. LIX, 1

² იქვე, გვ. 74, ტაბ. LX. 2.

³ იქვე, გვ. 79, ტაბ. LXV.

⁴ იქვე, გვ. 78.

⁵ იქვე, გვ. 71, ტაბ. LV.

⁶ იქვე, გვ. 76.

⁷ იქვე, გვ. 79.

მარშრუტო ექსპედიციის დროს ბ. კუფტინს ამ ძეგლის გათხრა არ დაუსრულებია. შესაძლოა ეს სამუშაო შემდეგი წლების ექსპედიციების დროს დაასრულა. სამწუხაროდ, ამის შესახებ ჯერჯერობით არაფერი ვიცით.

საქართველოს სახელმწიფო მუზეუმში ახლახან მეტად საინტერესო კოლექცია შემოვიდა სოფ. ქორეთიდან¹. აქ მიწის სამუშაოების დროს სრულიად შემთხვევით აღმოჩნდა სხვადასხვა ნივთები. ეს ადგილი ბ. კუფტინის მიერ გათხრილი ყორღანიდან დაახლოებით ნახევარი კილომეტრითაა დაცილებული. ეს ყორღანიც დაახლ. 1,70 მ. სიმაღლისა და 20-მდე დიამეტრისაა. როგორც ჩანს, აქ სამარხი აღმოჩნდა. ნივთები განლაგებული იყო დაახლოებით 2 მ-ზე. ნაპოვნი იყო ყუადაქანებული ცული, ბრტყელღეროიანი სატევრის პირი, ორი T-ბრი გრძელი ქინძისთავი. განსაკუთრებით აღსანიშნავია აქ ნაპოვნი სპილენძისტარიანი სატევრის პირი, რომლის ტარიც შემკულია შესანიშნავად შესრულებული წნული ორნამენტით, ვადასთან კი — სპირალურით. აქვე აღმოჩნდა რამდენიმე ფრაგმენტი თიხის ქურკლისა, შავი ფერის, ვარდისფერი სარჩულით. ეს ქურკელი სავსებით ისეთივეა, როგორც საჩხერული კერამიკა.

როგორც ჩანს, ამავე პერიოდისა უნდა იყოს ბორცვი სოფ. ბეინევიდან. აქ ჩატარებული მცირე სამუშაოების შედეგად 1945 და 1951 წწ. მნიშვნელოვანი არაფერი აღმოჩენილა².

ამრიგად, საჩხერის რაიონში დღესდღეობით უკვე რამდენიმე ადგილასაა დამოწმებული ადრეული ხანის ძეგლები. უთუოდ საყურადღებოა, რომ ეს ძეგლები თავისი ინვენტარით მეტად ახლოს დგას ერთმანეთთან და თითქოს ამკარა უნდა იყოს, რომ ისინი დაახლ. ერთი დროისანი არიან. საფიქრებელია, რომ აქ ერთ საწარმოო რაიონთან უნდა გვეკონდეს საქმე. ჩვენს ხელთ არსებული მასალიდან ჩანს, რომ მეტალურგია აქ უკვე საკმაოდ მაღალ საფეხურზე მდგარა: ამის ერთ-ერთი მოწმობა უთუოდ ისიცაა, რომ ჩვენში სადღეისოდ ცნობილ ადრეული ბრინჯაოს ხანის ძეგლებში ლითონის ნაწარმი ასე ჭარბად არსად არ არის წარმოდგენილი. გარდა შედარებით სიუხვისა, აქ მოპოვებული ლითონის იარაღ-საქურველი თუ სამკაული გამოირჩევა აგრეთვე თავისი მრავალფეროვნებით.

¹ აღმოჩენის ადგილი ინახულა საქ. მუზ. არქეოლოგიის განყოფილების თანამშრომელმა დ. ქორიძემ. მანვე მოგვაროდა ცნობები ამ ძეგლის შესახებ, რისთვისაც მადლობას მოვასხენებთ.

² Куфтин Б. А. დაახლ. ნაშრ., გვ. 67. Куфтин Б. А. Результаты работ маршрутной археол. экспед. в бассейны рек Ллахви, Пирсе, Кырли и Сред. Фюფи в 1951 г. 6. თ. ჯაფარიძე.

განსაკუთრებით აღსანიშნავია ამ სამაროვნებზე აღმოჩენილი ცულები (ტაბ. XII, 2). აქ გვხვდება ძირითადად არქაული ფორმის ყუამილიანი—ყუადაქანებული ცულები. ამ ცულებში რამდენიმე ვარიანტი გამოირჩევა. გვხვდება ცულები ნამგლისებური მოყვანილობის პირით და შედარებით მოგრძო მილით. როგორც ჩანს, ეს ცულები უფრო სარიტუალო ხასიათისა უნდა ყოფილიყო¹. ერთი საესებით ასეთივე ცული ინახება ქუთაისის მუზეუმში (№ 220ა). ცნობილია აგრეთვე მოგრძო და ვიწროტანიანი ყუამილიანი ცულები. აქვე ნაპოვნი იყო სწორშუბლიანი ჩვეულებრივი ზომის ყუამილიანი ცულები. გარდა ამისა, საჩხერულ ცულებში გვხვდება ყუადაქანებული ცულები². უნდა აღინიშნოს, რომ ყუადაქანებული-ყუამილიანი ცულები კავკასიაში და, კერძოდ კი საქართველოში, კარგადაა ცნობილი. ჩვენში ეს ტიპი, ჩანს, გავრცელებული იყო ბრინჯაოს კულტურის ადრეულ და შუა საფეხურზე. ყუამილიანი ცულები საქართველოში აღმოჩენილია სვანეთში, ივანწმინდაში, ერთი ცული ინახება ქუთაისის მუზეუმშიც და ერთიც ცაგერის მუზეუმში. ერთი ცალი ცნობილია, შემთხვევით ნაპოვნი, ქიათურაში³. გ. გობეჯიშვილმა ამ ტიპის ცულები აღმოაჩინა ზემო რაქაში ბრილის სამაროვანზე, სადაც ისინი ნაპოვნი იყო შუა ბრინჯაოს ხანის სამარხებში⁴. საჩხერულ ყუამილიან ცულებთან ძალიან ახლოსა დგას ერთი ცული ყარსის მხარიდან და აგრეთვე სამხრეთში აღმოჩენილი ორი ცული — ერთი ე. ლალიანცის მიერ ნაპოვნი სევანის ტბასთან და მეორე კი — ლენინაკანიდან⁵. ერთი ამგვარი ცული ცნობილია ყოფილ სურმალინის მხარეიდან⁶.

ყუამილიანი ცულები კარგადაა ცნობილი აგრეთვე ჩრდ. კავკასიაში. როგორც ჩანს, აქ, ამ ტიპის ცულები ძირითადად გავრცელებული იყო შუა

¹ Күфтин В. А. Археолог. маршруты. экспедиция 1945 г. в Юго-Осетию и Имеретию, გვ. 71.

² Күфтин В. А. Археологические раскопки в Триалети, გვ. 15.

³ Джапаридзе О. М. Краткий отчет об археологических разведках в Грузии в 1948 г., КСНИМК, вып. XXXIX, Москва, 1951, გვ. 92.

⁴ გობეჯიშვილი გ. არქეოლოგიური გათხრები საბჭოთა საქართველოში, თბილისი, 1952, გვ. 58.

⁵ Күфтин В. А. დასახ. ნაშრ., გვ. 15, სურ. 14,1.

პიოტროვსკი ბ. დასახ. ნაშრ., გვ. 182. Лалаян Е. Раскопки курганов Советской Армении, Ереван, 1935, рис. 135.

Байбуртян Е. Орудия труда в древн. Армении, Вестн. Инст. истор. и литер., Ар. ССР, Ереван, 1938, кн. I, стр. 22, рис. III, II2.

⁶ Күфтин В. А. К вопросу о древнейших корнях грузинск. культ. на Кавказе по данным археологии, табл. II, 5.

ბრინჯაოს ხანაში. უფრო ადრეულ ხანაში აქ ცნობილია არქაული ფორმა, და ყუამილიანი ცული თითქოს ჯერ კიდევ არ ჩანს. განსაკუთრებით აღსანიშნავია ჩრდილო ოსეთში „ფასკაუს“ სამაროვანზე მოპოვებული რამდენიმე ვარიანტის ყუამილიანი-ყუადაქანებული ცულები. ზოგი მათგანი ძალიან ახლო დგას საჩხერულ ცულთან¹.

უნდა აღვნიშნოთ, რომ ამ ტიპის ცულმა საერთოდ ფართო გავრცელება მიიღო². ადრეული ფორმები ამ ცულებისა ცნობილია წინა აზიაში, მესოპოტამიაში, ელმში უკვე IV—III ათასწლეულის მიჯნაზე³. მესოპოტამიაში, კერძოდ ურში ვულეიმ რამდენიმე ყუამილიანი ცული აღმოაჩინა ადრეული ხანის სამარხებში⁴. ამ ტიპის ცულები აქ ხშირად გვხვდება ხოლმე აგრეთვე ადრეული ხანის გამოსახულებებზე. მაგ., ცნობილი „ძერათა სტელაზე“ და სხვ⁵. ცულის სუმერული ფორმები ცნობილია ლურისტანშიც⁶.

აღსანიშნავია, რომ ამ ტიპის ცულის სხვადასხვა ვარიანტები დამახასიათებელია აღმოსავლეთ ევროპისათვის⁷. აქ იგი ცნობილია ფატინოვის, სენინო-ტურბინის და სხვ. კულტურებში⁸. გავრცელებული იყო ამ ტიპის ცულები დუნაის ქვეყნებში⁹. აქვე უნდა შევნიშნოთ, რომ ცულების ეს ვარიანტი სადღეისოდ სრულიად უცნობი ჩანს მცირე აზიაში და ბალკანეთის ნახევარკუნძულზე¹⁰. ამიტომაცაა, რომ ზოგიერთი მკვლევარი ფიქრობს, რომ ძი-

¹ Крунцов Е. И. Материалы по археологии Северной Осетии докобанского периода, МИА, № 23, М—Л., 1951, стр. 38. МАК, VIII, табл. СХУ.

² Куфтин Б. А. Материалы к археологии Колхиды, стр. 288, т. I.

³ Куфтин Б. А. К вопросу о древнейших корнях грузинской культуры на Кавказе..., стр. 237.

Куфтин Б. А. Археологическая маршрутная экспедиция 1945 г....., стр. 71,

Городцов В. А. Культура бронзовой эпохи в Средней России. Отчет Историч. музея 1914 г. Москва, 1916, стр. 149.

Пиотровский Б. Б. დასახ. ნაშრ., გვ. 182.

⁴ Woolley C. Ur Excavations.

⁵ Godard A. Les Bronzes du Luristan, Paris, 1931, გვ. 46.

⁶ Godard A. დასახ. ნაშრ., გვ. 46.

⁷ Tallgren A. Die Kupfer—und Bronzezeit in Nord—und Ostrussland; გვ. 56.

⁸ Городцов В. А. დასახ. ნაშრ., გვ. 145, 197.

⁹ იქვე, გვ. 148.

Куфтин Б. А. К вопросу о древн. корнях груз. культуры на Кавказе..., стр. 299.

¹⁰ Городцов В. А. დასახ. ნაშრ., გვ. 148.

Куфтин Б. А. დასახ. ნაშრ., გვ. 299.

რითადი გზა ამ ცულების გავრცელებისა კავკასიაზე მიდიოდა¹. როგორც ჩანს, ეს მოსაზრება მთლად უსაფუძვლო არ უნდა იყოს და, ალბათ, ეს ერთ-ერთი მიზეზია იმისა, რომ კავკასიაში და, კერძოდ, კი საქართველოში ცულების ეს ტიპი უკვე საკმაოდ ადრეული ხანიდან ჩანს. ყოველ შემთხვევაში, ჩვენში იგი ბრინჯაოს კულტურის ადრინდელ საფეხურზე უკვე რამდენიმე ვარიანტითაა წარმოდგენილი. უთუოდ საყურადღებოა, რომ აქ ეს ცულები, რომლებიც უდავოდ გენეტიკურად ძველ შუმერულ ფორმებს უკავშირდებიან, უკვე ერთგვარად თავისებურ ელფერს იღებენ, რაც, ალბათ, მათი შემდგომი განვითარების შედეგი უნდა იყოს² და თითქოს უკვე წარმოგვიდგება, როგორც კავკასიური ვარიანტი ამ ტიპის ცულებისა. სადღეისოდ ჩვენს ხელთ არსებული მასალებით თითქოს უნდა ჩანდეს, რომ ცულის ეს ვარიანტი ჩრდილო კავკასიაში რამდენადმე უფრო გვიან გვხვდება³. აქვე გვინდა აღვნიშნოთ—ახლა თითქოს შეინიშნება, რომ ზოგიერთი წინააზიური ფორმები, ჩრდილო კავკასიაში რამდენადმე უფრო მოგვიანო ხანაში ჩანს, ვიდრე ამიერკავკასიაში, კერძოდ კი, საქართველოში. ზემოაღნიშნულ ცულებს გარდა, მაგალითისათვის შეიძლება მოვიყვანოთ შუმერული ტიპის სასაფეთქლე რგოლები, რომლებიც საქართველოში შუა ბრინჯაოს ხანის სამარხებში გვხვდებიან⁴. ჩრდილო კავკასიაში კი ისინი ცნობილია გვიანი ბრინჯაოს ხანაში კაიაკენტ-ხარაჩოვეის კულტურაში⁵. ეს თითქოს გასაგებიც უნდა იყოს იმის გამო, რომ ეს ფორმები აქ ამიერკავკასიის გზით უნდა შესულიყო და ჩანს, რომ ზოგი მათგანი ჩრდილოეთით მაინც შედარებით უფრო გვიან გვხვდება.

რაც შეეხება საჩხერის სამაროვნებში მოპოვებულ ვიწრო ყუადაქანებულ ცულებს, ისინიც წინააზიური წარმოშობის უნდა იყოს. ეს ტიპი ფართო გავრცელებას პოულობს კავკასიაში⁶. მათ ვხვდებით აფხაზეთის დოლმენებში⁷,

¹ Городцов В. А. დასახ. ნაშრ., გვ. 148.

² Кухтин Б. А. Археологическая маршрутная экспедиция 1945 г., стр. 71.

³ გოროდცოვი ვ. დასახ. ნაშრ., გვ. 149.

⁴ Кухтин Б. А. დასახ. ნაშრ., გვ. 34,

Джапаридзе О. М. Кваспальский могильник эпохи бронзы в Юго-Осетии, печатается КСШМК, вып. 60,

გობეჯიშვილი გ. სტალინის ნატარგორა, მიმოშხილველი, II, თბილისი, 1951, გვ. 267-

⁵ Кухтин Б. А. დასახ. ნაშრ., გვ. 33,

Круглов А. П. Предекифские памятники северо—восточного Кавказа, Учёные записки ЦГУ, секция исторических наук, вып. 13, Ленинград, 1943 стр. 120.

⁶ Нессен А. А. დასახ. ნაშრ., გვ. 95.

⁷ Кухтин Б. А. Материалы к археологии колхиды, т. I, стр. 269, табл. V.

Кухтин Б. А. К вопросу о древнейших корнях грузинской культуры на Кавказе...; табл. II.

ჩრდილო ოსეთში „ფასკაუსი“ სამაროვანზე, პრივოლნოეს განძიდან¹. ერთი ამგვარი ცული ცნობილია ყოზანიდან, რომელიც დღეს ვენის მუზეუმშია დაცული². ფ. ჰანჩარი, რომელმაც ვენის მუზეუმში დაცული ყოზანის ცულები გამოაქვეყნა, ამ ტიპს რატომღაც ყოზანურ ცულად მიიჩნევს და თავისი ტიპოლოგიის მესამე ტიპში აერთიანებს³.

დასასრულ, უნდა აღვნიშნოთ ერთი ბრტყელი ცული, აღმოჩენილი საჩხერეში 1929 წ.⁴ (ტაბ. XIII, 1). ცულის ზედა ნაწილი შედარებით ვიწროა და პირისაკენ თანდათანობით ფართოვდება. ამიერკავკასიაში ამგვარი ცული, საჩხერულის გარდა, სადღეისოდ სრულიად უცნობია⁵. საერთოდ კი უნდა შევნიშნოთ, რომ ამ ტიპის ცულმა ფართო გავრცელება მიიღო⁶. ჩრდილო კავკასიაში ეს ბრტყელი ცული კარგადაა ცნობილი იესენისეული მეორე ეტაპის დროს, თუმცა მათ უფრო ადრეცა ვხვდებით აქ⁷.

უთუოდ საყურადღებოა ცარცის გორაზე მოპოვებული ერთი შუბის მაგვარი იარაღი⁸ (ტაბ. XI, 5). მას ტარის დასაგებად, ნაცვლად მასრისა, მოგრძო ყუნწი აქვს. ამ ტიპის იარაღი ჩვენში სადღეისოდ სულ არამდენიმე ცალია ცნობილი. ერთი ამგვარი იარაღი, რომელიც დღეს ხანლარის მუზეუმშია დაცული, 1928 წ. აღმოჩნდა ზაპესში მეტად არქაული ფორმის ცულთან ერთად (ტაბ. XIV, 8)⁹. ამ ტიპის იარაღი ნაპოვნია ბაგინეთში ანტიკური ხანის ფენის ქვეშ¹⁰. გარდა ამისა საქართველოს სახელმწიფო მუზეუმში დაცულია ერთი შუბისმაგვარი იარაღი, რომლის აღმოჩენის ადგილი, სამწუხაროდ, უც-

¹ Крупнов Е. И. დასახ. ნაშრ., გვ. 38.

² Нессен А. А. დასახ. ნაშრ., გვ. 96, ნახ. 5, 1.

³ Hancar F. Die Beile aus Koban in Wiener Sammlung kaukasischer Altertümer, Wiener Praehistorische Zeitschrift. XXI, Wien. 1934, გვ. 34.

Крупнов Е. И. დასახ. ნაშრ., გვ. 38.

⁴ Hancar F. დასახ. ნაშრ., გვ. 12 და 38.

⁵ ჯაფარიძე ო. კოლხური ცული, საქართველოს მუზეუმის მოამბე, ტ. XVI—B, 1950, გვ. 40.

⁶ Куфтин Б. А.: Археологические раскопки в Триалети, გვ. 15, სურ. 10.

⁷ Джапаридзе О. М. Бронзовые топоры Западной Грузии, Советская археология, XVIII, Москва, 1953, стр. 292, рис. 4.

⁸ Tallgren A. M. La Pontide prescythique. ESA, II, Helsinki, 1926. გვ. 174.

⁹ Нессен А. А. К вопросу о древнейшей металлургии меди на Кавказе, Изв. ГАИМК, вып. 120, М.—Л., 1935, стр. 95 и 83.

¹⁰ Куфтин Б. А. Археологическая маршрутная экспедиция 1945 г., стр. 72, табл.

LIX.

¹⁰ Куфтин Б. А. Археологические раскопки в Триалети, стр. 10, рис. 7, а.

¹¹ ჯაფარიძე ო. მცხეთის არქეოლოგიური ექსპედიციის ბაგინეთის რაზმის ანგარიში 1946 წ.

ნობია¹ (ტაბ. XIV, 6). მოსკოვის ისტორიულ მუზეუმში ინახება ამ ტიპის იარაღი, რომელიც, როგორც კატალოგიდან ირკვევა, თბილისში ყოფილა შექმნილი² (ტაბ. X, 7). საფიქრებელია, რომ ეს იარაღი, ეგებ, მართლაც საქართველოს ტერიტორიაზეა (ან ამიერკავკასიის) ნაპოვნი, მითუმეტეს, რომ ტიპობრივად ისინი ახლო დგანან ჩვენში ნაპოვნი ამგვარსავე იარაღთან. უნდა აღვნიშნოთ, რომ ჩვენში გავრცელებულია ამ იარაღის ორი ვარიანტი — ერთს ღერო მოკაული აქვს, მეორეს კი სწორი. ზაჰესის, თბილისის, ბაგინეთისა და მოსკოვის მუზეუმების ცალეები ბოლომოკაულებულია, ცარცის გორასი კი სწორი.

შუბისმაგვარი იარაღი სადღეისოდ ცნობილია აგრეთვე ჩრდილო კავკასიიდანაც. აქ მათ ვხვდებით იესენისეულ 1 ეტაპზე. კერძოდ, ამ ტიპის იარაღი ცნობილია ნოვოსვობოდნიას ყორღანიდან, ვოზდეიჟენსკოედან და სხვ.³ ეს იარაღი აქ, ალბათ, ისევ ამიერკავკასიის გზით მოხვდა.

ამ ტიპის შუბისმაგვარი იარაღი საეროდ კარგადაა ცნობილი წინა აზიაში. არქაული ფორმები ამ იარაღისა ნაპოვნია ურში⁴. ამგვარი იარაღი აღმოჩენილია ტეპე-ჰისარში⁵; რამდენიმე ცალი ცნობილია ტიურანგ-ტეპეს სამარხებიდან⁶. ამ ფორმის, ოლონდ რამდენადმე მაინც განსხვავებული, იარაღი ცნობილია კუნძულ კიპრიდან⁷, თუმც ერთი აქ მოპოვებული ამგვარი იარაღი თითქმის სავსებით ისეთივეა, როგორც ჩვენი ზაჰესური ეგზემპლარი⁸. აღმოჩენილია აგრეთვე ამ ტიპის შუბისმაგვარი იარაღი ღუნაის მხრიდან⁹. აქვე გვინდა შევნიშნოთ, რომ ჩვენში აღმოჩენილი ეს შუბისმაგვარი იარაღი განსაკუთრებით უახლოვდება ადრეულ შუმერულ ფორმებს¹⁰. აქ ეს იარაღი,

¹ Куптин Б. А. დასახ. ნაშრომი, გვ. 10.

² Куптин Б. А. დასახ. ნაშრომ., გვ. 11. Нессен А. А. დასახ. ნაშრომ., გვ. 85.

³ Куптин Б. А. დასახ. ნაშრომ., გვ. 12.

⁴ Куптин Б. А. К вопросу о древнейших корнях грузинской культуры на Кавкасе..., стр. 299.

⁵ Schmidt E. E. Tepe Hissar excavations 1931, XXIII, № 4, Philadelphia, 1933, გვ. 399, ტაბ. CXLV.

⁶ Wulfsin R. F. Excavations at Turang Tepe, near Asterabad, Supplement to the Bulletin of the American Institute for Persian art archaeology, vol 2, № 1, 1932, გვ. 12, ტაბ. XX.

⁷ Pope A. A survey of Persian Art, v. I, London—New—York, 1938, გვ. 166, ტაბ. 24.

⁸ Куптин Б. А. დასახ. ნაშრომ., გვ. 229.

⁹ Куптин Б. А. Археологические раскопки в Триалети, стр. 11.

¹⁰ Куптин Б. А. К вопросу о древнейших корнях Грузинской культуры на Кавкасе..., стр. 299.

¹¹ Куптин Б. А. დასახ. ნაშრომ., გვ. 299.

Куптин Б. А. Археология. маршрут. ежегодника 1945 года..., стр. 74.

ჩანს, უკვე IV ათასწლეულის მიწურულიდან მოკიდებული.¹ საფიქრებელია, იარაღის ეს ტიპი წინააზიურ სხვა ფორმებთან ერთად, საკმაოდ ადრეულ პერიოდიდან შემოდის ჩვენში, ყოველ შემთხვევაში, III ათასწლეულის მეორე ნახევრიდან იგი უკვე ჩანს აქ.

უთუოდ მეტად საყურადღებოა ცარცის გორაზე მოპოვებული ოთხწახნაგა ხიშტი² (ტაბ. XII, 3). ამ ტიპის იარაღი საერთოდ იშვიათია. ეს ფორმაც წინააზიურია და ცნობილია საკმაოდ ადრეული პერიოდიდან. განსაკუთრებით აღსანიშნავია, რომ წინა აზიაში ცნობილ ამ ტიპის იარაღთაგან ორზე აღმოჩნდა აკადური ეპოქის მეფეთა სახელები: ერთი ხიშტი აღმოჩნდა ასურში, რომელზედაც მოცემულია სარგონ აკადელის შვილის სახელი—მანიშტუსუ, რომელიც ცხოვრობდა XXV საუკ. ძვ. წ. მეორე ხიშტზე ვკითხულობთ: ელამის მმართველის პუზურ შუშინაჰის სახელს, რომელიც ცხოვრობდა XXII საუკ. ძვ. წ. ამრიგად ჩანს, რომ წინა აზიაში იარაღის ეს ფორმა, ყოველ შემთხვევაში, მესამე ათასწლეულის შუა ხანებიდან უკვე გავრცელებული იყო. ჩვენში ამ ტიპის იარაღი სადღეისოდ მხოლოდ ერთი ცალია ცნობილი³. როგორც ჩანს, იგი აქ შემოდის წინა აზიიდან, ალბათ, III ათასწლეულის მეორე ნახევარში⁴. რა თქმა უნდა, ამ იარაღის აღმოჩენას განსაკუთრებული მნიშვნელობა ენიჭება იმის გამო, რომ იგი დახმარებას გვიწევს საჩხერის სამაროვანის დათარიღების საქმეში, ეს კი თავის მხრივ უთუოდ გარკვეულ როლს ასრულებს ჩვენში ადრეული ბრინჯაოს კულტურის ხნოვნების დადგენაში.

საჩხერის სამაროვანებზე ნაპოვნი სატევრის პირები ჯერ კიდევ მეტად პრიმიტიულია (ტაბ. XII, 1). ისინი ბრტყელია, სამკუთხა მოყვანილობის, ტარის დასაგები ღეროთი. შუა ქედი მათ ჯერ თითქმის სრულიად არ ეტყობა.⁵ ეს სატევრის პირები ცივად ქედის წესითაა მიღებული⁶. ამგვარი სატევრის პირები საერთოდ დამახასიათებელია კავკასიის ბრინჯაოს კულტურის ადრეული საფეხურისათვის.

განსაკუთრებით აღსანიშნავია აქ აღმოჩენილი ორი ლითონისტარიანი სატევრის პირი. ერთი ნაპოვნი იყო ცარცის გორაზე ერთ-ერთ სამარხში,⁷

¹ Куфтин Б. А. Археологические раскопки в Трпалети, стр. 12.

² Куфтин Б. А. Археологич. маршрутная экспедиц. 1945 г..., стр. 74.

³ Куфтин Б. А. Древнейшие корни грузинской культуры на Кавказе, Заря Востока, 1946 г. 28 сентября.

⁴ Куфтин Б. А. დასახ. ნაშრ., გვ. 74.

⁵ იქვე, გვ. 75. საყვარელიძე თ. დასახ. ნაშრ. გვ. 11.

⁶ იქვე, გვ. 13. Песен А. А. დასახ. ნაშრ., გვ. 90. Куфтин Б. А. დასახ. ნაშრ., გვ. 71.

⁷ იქვე, გვ. 72.

მეორე კი ახლახან აღმოჩნდა ქორეთში. პირი ამ სატევრებისა აგრეთვე გამოკვდილია. ქორეთის ცალს პირზე სიგრძივ ოთხი არამკვეთრი ღარი გაუკვება. პირი ჩასმულია ლითონის სახელურში. ორივე სატევრის სახელური შემკულია წნული რელიეფური ორნამენტით. ქორეთის სატევარს ვადასთან სპირალური ორნამენტი ამკობს. ეს სახელურები უთუოდ მოდელის დაკარგვის წესითაა ჩამოსხმული. ამრიგად, ამ სატევრებს, ჩანს, პირი ნაქედი აქვს, სახელური კი ჩამოსხმული¹. ჩამოსხმის ეს წესი, როგორც ჩანს, ჩვენში უკვე აღრეული ბრინჯაოს ხანიდან შეინიშნება. ზემოთ უკვე აღვნიშნეთ, რომ ამავე წესითაა ნაკეთები მასრაშემკული კავი და ერთი ცული აფხაზეთის დოღმენებიდან. მსგავსი სატევარი, შემკული ტარით, ცნობილია ჩრდ. კავკასიიდან, სტანიცა კონსტანტინოვსკაიადან.² ქორეთის სატევრის პირი ტარის მოყვანილობით უახლოვდება ერთ სატევრის პირს ნოვოსეობოდნიას მეორე დოღმენიდან.³ უსათუოდ საყურადღებოა, რომ ეს ტრადიცია ჩვენში შემდეგაც ჩანს. აქ აღმოჩენილია გვიანი ბრინჯაოს ხანის რამდენიმე ბრინჯაოსტარიანი სატევარი, რომლებსაც ტარი აგრეთვე შემკული აქვს წნული ორნამენტით⁴.

გარდა იარაღისა, საჩხერის სამაროვნებზე აღმოჩნდა აგრეთვე ლითონის სამკაულიც. ამათგან უთუოდ პირველ რიგში აღსანიშნავია ქინძისთავეები. საჩხერის აღრეული ხანის ქინძისთავეებიდან ძირითადად ორი ტიპი გამოირჩევა: დიდი ზომის ქინძისთავეები, ე. წ. T—მაგვარი თავით (ტაბ. XIV, 4) და აგრეთვე მოზრდილი ქინძისთავეები მარყუტისებრი თავით⁵ (ტაბ. XIV, 1,2). ქინძისთავეები T-მაგვარი თავით ჩვენში სადღეისოდ ცნობილია მხოლოდ საჩხერის რაიონიდან. რამდენიმე ცალი ნაპოვნი იყო საჩხერის სამაროვნებზე და ერთი აღმოჩნდა ქორეთში ახლახან ნაპოვნ მასალაში. განსაკუთრებით აღსანიშნავია საჩხერეში აღრეული ბრინჯაოს ხანის სამარხში ნაპოვნი ერთი მოზრდილი T-მაგვარი ქინძისთავი, რომელსაც თავის შუა ნაწილზე ხარის რქისებრი შეერილი აქვს

¹ იქვე, გვ. 72. საყვარელიძე თ. დასახ. ნაშრ., გვ. 13.

² Куфтин В. А., დასახ. ნაშრ., გვ. 72.

Tallgren A. M. Zu der nordkaukasische frühen Bronzezeit, ESA, VI, Helsinki 1931, სურ. 50.

³ Tallgren A. M. Sur les monuments megalithiques du Caucase Occidental, ESA, IX, Helsinki, 1934. გვ. 20, სურ. 23.

Tallgren A. M. La Pontide prescythique, ESA, II, Helsinki, 1926, სურ. 24. 55.

⁴ Куфтин В. А. დასახ. ნაშრ., გვ. 72.

ქორიძე დ. გვიან ბრინჯაოს პერიოდის არქეოლოგიური ძეგლი თბილისიდან, საქ. მუხ. მოამბე, XVII-В, თბილისი, 1953, გვ. 44.

⁵ Куфтин В. А. Археологические раскопки в Триалети, стр. 14.

(ტაბ. XI, 1, ტაბ. XIV, 3). ბ. კუფტინი სავსებით მართებულად ფიქრობს, რომ აქ პირობითაა გამოსახული ორთავა ეტლი, შიგ შებმული ხარით.¹

უნდა აღენიშნოთ, რომ ამ ტიპის ქინძისთავი ჩვენში შემდეგ ხანებში უკვე სრულიად არ ჩანს. სამაგიეროდ, ჩრდილო კავკასიაში, სადაც იგი საფიქრებელია ამიერკავკასიიდან შედის, ეს ვარიანტი გავრცელებას პოულობს იესენისეულ II ეტაპის დროს². აქ ზოგჯერ ამ ტიპის შესანიშნავად ორნამენტირებული ცალები გვხვდება³. იმის გამო, რომ T-მაგვარი ქინძისთავები უპირატესად დიდი ზომისაა, მათი დანიშნულების შესახებ სხვადასხვა მოსაზრება იყო გამოთქმული. ყველაზე მართებული, ფიქრობთ, ის უნდა იყოს, რომ ამ ქინძისთავებს უხეში შალის ტანსაცმლის შესაბნევად იყენებდნენ⁴. ბ. კუფტინი ფიქრობს, რომ შესაძლოა მათ ტანსაცმლის შესაბნევად ბეჭების გასწვრივ ხმარობდნენ⁵. ეთნოგრაფიული მონაცემებით ეს მოსაზრება უსაფუძვლო არ უნდა იყოს⁶.

კავკასიის გარეთ საჩხერული ტიპის T-მაგვარი ქინძისთავები განსაკუთრებით უახლოვდება იტალიაში რემედელოს ენეოლითური ხანის სამაროვანზე აღმოჩენილ ერთ ვერცხლის ქინძისთავს⁷.

მეორე ტიპის საჩხერული ქინძისთავები მარყუჟისებრი თავით ზოგჯერ მეტად დიდი ზომისაა. საფიქრებელია, რომ ესეც იგივე დანიშნულებისა უნდა ყოფილიყო, რაც T-მაგვარი. საჩხერის სამაროვნების გარდა, ეს ქინძისთავები ნაპოვნი იყო აგრეთვე ქორეთის ყორღანში⁸. ჩვენში საჩხერის გარდა ამ ტიპის ქინძისთავი სადღეისოდ ცნობილია მხოლოდ ერთადერთი ცალი, შედარებით პატარა ზომის, აღმოჩენილი ალინის სამაროვნის ერთ-ერთ სამარბ-

¹ Куфтин Б. А. Результаты работ маршрутной археологич. экспед. в бассейнах рек Лиахви, Проне, Квирилы и Сред. Рioni в 1951 году.

² Деген Б. Е. დასახ. ნაშრ., გვ. 249.

Крупнов Е. И. Древнейший период истории Кабарды, стр. 60.

³ Деген. Б. Е. დასახ. ნაშრ., გვ. 253.

⁴ Крупнов Е. И. Материалы по археологии Сев. Осетии докобанского периода, стр. 56.

⁵ Куфтин Б. А. Древнейшие корни груз. культуры на Кавказе. „Заря Востока“ 28 сентября, 1946 г.

⁶ Крупнов Е. И. დასახ. ნაშრ., გვ. 56.

⁷ Куфтин Б. А. Археологические раскопки в Триалети, стр. 14. Куфтин Б. А. Материалы к археологии Колхиды, т. I, стр. 290. Куфтин Б. А. Археологическая Маршрутная экспедиция 1945 года..., стр. 65.

⁸ Куфтин Б. А. დასახ. ნაშრ., გვ. 80.

ში მეტად არქაულ კერამიკასთან ერთად¹ (ტაბ. XI. 1). კავკასიის სხვა ადგილებში ქინძისთავი მარყუჟისებრი თავით ჯერჯერობით არ აღმოჩენილა. არ გვხვდება იგი აგრეთვე მესოპოტამიაში.² სადღეისოდ ამ ტიპის ქინძისთავების ერთეული ეგზემპლარები ცნობილია ეგვიპტიდან, — ტროა II, კუნძულ კიპრზე. გავრცელებულია იგი აგრეთვე ხმელთაშუა ზღვის აუზის აღმოსავლეთ ნაწილში, დუნაის ქვეყნებში და სხვ.³ უთუოდ საყურადღებოა ის გარემოება, როგორც ამას ბ. კუფტინი აღნიშნავს, რომ სადღეისოდ ყველაზე მეტი ამ ტიპის ქინძისთავი ცნობილია საქართველოდან.⁴ ერთ-ერთ თავის საგაზეთო წერილში ბ. კუფტინი აღნიშნავს, რომ შესაძლოა ტროაში და ეგვიპტეში ეს ქინძისთავები შედიან ჩრდილოეთიდან, სამხრეთ კავკასიის რაიონებიდან.⁵ რა თქმა უნდა, ჯერ კიდევ ძნელია გარკვევით რაიმეს თქმა მათი წარმომადგენლობის შესახებ, მაგრამ ერთი კი ცხადია, რომ კიდევ ზედმეტად ჩანს შვიდრო ურთიერთობა ძველ დაწინაურებულ ქვეყნებთან.

საჩხერის სამაროვნებზე მრავლად აღმოჩნდა ე. წ. სასაფეთქლე რგოლები 1,5 ხეისა. აღსანიშნავია, რომ ეს სამკაული ჩვენში საკმაოდ დიდხანს იყო გავრცელებული. ადრეულ პერიოდში ეს საკიდები, ძირითადად, მრგვალია⁶, შემდეგში კი ისინი უფრო ოვალურ მოხაზულობას იღებენ. ამ ტიპის სამკაულს უკვე ვხვდებით ტყვიავის ერთ-ერთ ყორღანში⁷. უთუოდ საყურადღებოა, რომ ბრინჯაოს კულტურის უკვე ადრინდელ საფეხურზე გარდა სპილენძისა, ამგვარი ნივთები გვხვდება უკვე ძვირფასი ლითონისაც. ერთი ვერცხლის ხვია, როგორც აღვნიშნეთ, ნაპოვნი იყო თრიალეთის ადრინდელი ბრინჯაოს ხანის ერთ-ერთ ყორღანში⁸. განსაკუთრებით აღსანიშნავია ცარცის გორას ერთ-ერთ სამარხში ცულთან, სატევრის პირთან და ერთ სერდოლიკის მძივთან ერთად ნაპოვნი ოქროს ხვია⁹. ეს ოქროს ხვია, თრიალეთის ადრეული ჯგუფის ყორღანებში აღმოჩენილი ოქროს გადასაკრავებთან ერთად, როგორც

¹ Куфтин Б. А. Результаты работ маршрута археолог. экспедиц. в бассейны рек Индхви, Прове, Квирилы, и Ср. Риони в 1951 году.

² Куфтин Б. А. Маршрут археолог. экспедиция 1945 года..., стр. 80.

³ Куфтин Б. А. Археологические раскопки в Триалети, стр. 14, Куфтин Б. А., Маршрут археол. экспедиц., 1945 года..., стр. 80.

⁴ Куфтин Б. А. დასახ. ნაშრ., გვ. 80.

⁵ Куфтин Б. А. Заря Востока, 1946, 28 сентября.

⁶ Куфтин Б. А. Маршрутная археологическая экспедиция 1945 года..., გვ. 79.

⁷ მაკალათია ს. დასახ. ნაშრ., გვ. 46.

⁸ Куфтин Б. А. Археологические раскопки в Триалети, стр. 102.

⁹ Куфтин Б. А. Маршрут археолог. экспедиц. 1945...., стр. 79.

ზემოთ უკვე აღვნიშნეთ, ჩვენში ოქროს ნივთებიდან ყველაზე ^{არქაულია.} რამდენადმე მსგავსი ოქროს ხეია, ოლონდ, როგორც ბ. კუფტინი ფიქრობს, ი. ჰუმელის უფრო გვიანი, ნაპოვნი იყო სტეპანოკერტის ყორღანში 1940 წ. ^{ი. ჰუმელის} მიერ¹. ამგვარი მრგვალი საკიდები 1,5 ხეისა კარგად იყო ცნობილი აგრეთვე ჩრდ. კავკასიაშიც².

აღსანიშნავია საჩხერის სამარხებში ნაპოვნი სპილენძის მავთულის სპირალური სამაჯურები³. თავსებით ამგვარივე სამაჯური ნაპოვნი იქო ძალინის სამაროვანის ერთ-ერთ სამარხში⁴ (ტაბ. XV, 7). ამგვარი სპირალური სამაჯურები ცნობილია ჩრდ. კავკასიაში, უფრო მოგვიანო ხანაში. აქ ისინი უფრო მასიურია, თანაც სამკუთხა განივკვეთისა⁵. დამახასიათებელი ამ ტიპის სამაჯური ყობანის სამაროვნისათვის⁶. როგორც ჩანს, ჩრდ. კავკასიაში ამ ტიპმა კარგახანს შემოინახა თავი, ჩვენში კი ბრინჯაოს ხანის ადრეული პერიოდის შემდეგ ჯერჯერობით არ ჩანს.

გარდა ამისა, საჩხერის სამარხებში ნაპოვნი იყო ქვის რბილი ჯიშისაგან ნაკეთები სამაჯურები⁷. ქვის სამაჯურები ჩვენში საკმაოდ ადრეული ხანიდანაა ცნობილი, კერძოდ, თეთრამიწის ნეოლითურ ფენებში ნაპოვნი იყო ამგვარი ქვის სამაჯურები, თუმცა უკანასკნელ ხანებში გამოითქვა მოსაზრება, რომ საექვეოა ეს სამაჯურები ნამდვილად ნეოლითურ ხანას მიეკუთვნოთ⁸. ანალოგიური ქვის სამაჯურები ცნობილია ნალჩიკის ყორღანიდან⁹.

უთოდ მეტად საინტერესოა საჩხერის სამაროვნებზე ნაპოვნი ქვის იარაღები. ამათგან პირველ რიგში აღსანიშნავია კაჟის ქვისაგან ნაკეთები სხვადასხვა ზომის ისრის პირები (ტაბ. XIII, 5,6). ცნობილია აგრეთვე კაჟის ქვის დანისმაგვარი იარაღი, ერთი გახვრეტილი ქვის ცული (ტაბ. XIII, 4) და სხვ.

¹ Куптин Б. А. დასახ. ნაშრ., გვ. 75.

² Дегев Б. Е. დასახ. ნაშრ., გვ. 258.

³ Куптин Б. А. დასახ. ნაშრ., გვ. 78.

⁴ Куптин Б. А. Результаты работ маршрутной археологической экспедиции в бассейны рек Твахви, Провс, Квирылы и Среднего Рioni в 1951 г.

⁵ Дегев Б. Е. დასახ. ნაშრ., გვ. 263.

⁶ МАК, VIII, გვ. 58, Такайшвили Е. С., დასახ. ნაშრ., გვ. 170.

⁷ Куптин Б. А. Маршрутная археолог. экспедиц. 1945 г., стр. 78.

⁸ კილაძე ნ. ახალი ქვის ხანის ძეგლები თეთრამიწიდან, მასალები საქართველოსა და კავკასიის ისტორიისათვის, ნაკვ. 29, თბილისი, 1951, გვ. 260.

⁹ Круглов А. П. Пяотовский Б. Б. и Подгаецкий Г. В. Могильник в Налчыке, МИА, № 3, М.—Л., 1941, стр. 114, 127.

განსაკუთრებით აღსანიშნავია ამ სამარხებში ნაპოვნი კერამიკა (ტაბ. XVI.—XVII). იგი უპირატესად შავი ფერისაა, ვარდისფერი სარჩულით, ხელით ნაძერწი. ამათგან საყურადღებოა ორი ორნამენტირებული მოზრდილი ჭურჭელი (ტაბ. XVIII, 4; ტაბ. XIX). რიგი ნიშნებით ეს კერამიკა ჯერ კიდევ ახლო დგას ენეოლითურ კერამიკასთან¹ და საგრძნობლად განსხვავდება ჩვენში 'შუა და გვიან ბრინჯაოს ხანაში გავრცელებულ თიხის ჭურჭლისაგან'. როგორც უკვე ზემოთ აღვნიშნავდით, საჩხერული კერამიკა განსაკუთრებით ენათესავენა თრიალეთის ადრეული ბრინჯაოს ხანის ყორღანულ კერამიკას. ორივე ეს ჯგუფი როგორც საერთო მოყვანილობით, ისე რიგი სხვა ნიშნებით ჯერ კიდევ შორს არ არის წასული წინა საფეხურზე გავრცელებულ კერამიკისაგან. აქაც გვხვდება დაახლოებით ისეთივე „ნახევარსფეროსებრი“ მოყვანილობის ყურები, რომლებიც ესოდენ დამახასიათებელია ე. წ. მტკვარ-არაქსის ენეოლითისათვის². ჭურჭლის ფორმა თითქოს მაინც რამდენადმე განვითარებულია, მაგრამ ჯერ კიდევ აშკარაა, რომ იგი გენეტიკურად დაკავშირებულია ენეოლითურ კერამიკასთან. გარდა ამისა, უნდა აღინიშნოს, რომ აქაც ისევე როგორც თრიალეთის ადრეული ჯგუფის ყორღანულ კერამიკაშიც, მსგავსება შეინიშნება ენეოლითურ ჭურჭელთან, შემკულობის წესშიაც³. თუმცა აქვე უნდა აღინიშნოს, რომ ამასთანავე საჩხერული კერამიკა გვიანდელი ხანის ნიშანსაც ატარებს⁴. კერძოდ, ჭურჭელი აქ უკვე შედარებით ძირფართოა. ამრიგად, საჩხერის კერამიკა ჯერ კიდევ ძლიერ ენათესავენა ენეოლითურ კერამიკას. იგი მეტად ახლო დგას ჩვენში ადრეულ ბრინჯაოს ხანაში გავრცელებულ ჭურჭელთან: თრიალეთის⁵, სამგორის, ძალინის და სხვ. ეს კერამიკაც, როგორც ჩანს, ენეოლითურის მსგავსად, ჯერ კიდევ ინარჩუნებს გავრცელების საკმაოდ დიდ ტერიტორიას და მიუხედავად ამ პერიოდში მომხდარი მთელი რიგი ძვრებისა მან მაინც შეძლო შემოენახა ძირითადად ძველი ტრადიციები.

ამრიგად, საჩხერის რაიონში მიკვლეული ბრინჯაოს კულტურის ადრეული საფეხურის ძეგლები უთუოდ მეტად საყურადღებო მასალას გვაწვდიან. გარკვეულ შუქს ფენს ეს ძეგლები იმდროინდელი საზოგადოების სოციალურ სტრუქტურას. საფიქრებელია, რომ საჩხერის სამივე სამაროვანი წარმოადგენ-

¹ Кухтин Б. А., Материалы к археологии Колхиды, т. II, стр. 115.

² Кухтин Б. А., Маршрутн. археологич. экспед. 1945 г., стр. 75.

³ Кухтин Б. А., დასახ. ნაშრ., გვ. 77.

⁴ Кухтия Б. А., დასახ. ნაშრ., გვ. 77.

⁵ Кухтин Б. А., Археологические раскопки в Триалети, стр. 105.

⁶ Кухтин Б. А., დასახ. ნაშრ., გვ. 109.

და საგვარეულო სასაფლაოს, სადაც გვარის წევრები გარკვეული დროის მანძილზე ასაფლავებდნენ მიცვალებულებს. სამარხეული ინვენტარიდან თითქოს ჩანს, რომ აქ ჯერ კიდევ არ შეინიშნება გვარის წევრებს შორის ეკონომიური სხვაობა. ამ მხრივ უთუოდ საყურადღებოა ქორეთის ყორღანებში¹ ამ ორივე ყორღანში, ჩანს, თითო მიცვალებული იყო დასაფლავებული. ძნელი საფიქრებელია, რა თქმა უნდა, რომ ეს სამარხები გვარის რიგითი წევრებისათვის ყოფილიყო აგებული და, ეგებ, უფრო მართებული იყოს, თრიალეთის მსგავსად, ამ ყორღანებში დაენახოთ გვარის დაწინაურებული წევრის ბელადის თუ გვარის წინამძღოლის სამარხი. აღსანიშნავია, რომ ყორღანული ინვენტარი თითქმის სრულიად არ განსხვავდება საჩხერის სამაროვნების სამარხეული ინვენტარისაგან. ეს გარემოება უთუოდ იმას გვაფიქრებინებს, რომ გვარის დაწინაურებული პირი რიგით წევრთაგან ეკონომიურად ჯერ კიდევ შორს წასული არ არის. განსხვავება მხოლოდ დასაფლავების წესშია. მისთვის გაცილებით უფრო რთული სამარხია აგებული, რომლისთვისაც, ალბათ, მთელი გვარი შრომობდა. ჩვენს ხელთ არსებული მასალების მიხედვით თითქოს შეიძლება უკვე ითქვას, რომ ბრინჯაოს კულტურის ადრეულ საფეხურზე ჩვენში გვაროვნული საზოგადოების შიგნით ქონებრივი უთანასწორობა ჯერ კიდევ არ შეინიშნება.

სამწუხაროდ, მასალის სიმცირის გამო ბევრის არაფრის თქმა შეგვიძლია ეკონომიური ცხოვრების შესახებ. აქ მიწათმოქმედებაზე უნდა მიუთითებდეს ცარცისგორაზე ნაპოვნი ხელსაფეკვავის ქვები² და აგრეთვე ბენიევში შემთხვევით აღმოჩენილი ერთი არქაული კაჟის ნამგლის პირი³. საფიქრებელია, რომ ამ სამაროვანზე აღმოჩენილი დიდი ზომის თიხის ქურქელი, ეგებ, მარცვლეულის შესანახად იყო განკუთვნილი.

არც მესაქონლეობის შესახებ მოგვეპოვება რაიმე პირდაპირი ცნობა. საჩხერის ერთ-ერთ სამარხში, როგორც აღნიშნული გვექონდა, აღმოჩნდა ერთი მოზრდილი ქინძისთავი, რომელზედაც მოცემულია ეტლში შემხული ხარის სტილიზებული გამოსახულება⁴. ეს გარემოება უთუოდ იმას უნდა მოწმობდეს, რომ მესაქონლეობა აქ უკვე საკმაოდ მაღალ დონეზე მდგარა და ხარი გამოყენებული ყოფილა გამწვევ ძალად. საფიქრებელია, როგორც ამას ბ.

¹ Куфтин Б. А. Археолог. маршрути. экспедиция 1945 г., გვ. 70. ტაბ. LV.

² იქვე, გვ. 67.

³ Куфтин Б. А. Результаты работ маршрутной археол. экспед. в бассейны рек Тлахин, Проне, Квирилы и Ср. Риони в 1951 г.

კუფტინი აღნიშნავს, ხარი აქ უკვე მიწათმოქმედებაშიცაა გამოყენებული, როგორც გამწვევი ძალა¹.

ასევე, არაპირდაპირ ცნობას მესაქონლეობის განვითარების შესახებ, უპირატესად, მეცხვარეობის შესახებ, საფიქრებელია, უნდა გვაწვდიდეს ის დიდი ზომის ქინძისთავეები, რომლებიც ასე კარბადაა წარმოდგენილი საჩხერის საწაროვნებზე. ვფიქრობთ, მართებული უნდა იყოს სამეცნიერო ლიტერატურაში გამოთქმული მოსაზრება, რომ ამ დიდი ზომის ქინძისთავეებს, უპირატესად, უხეში შალის ტანსაცმლის შესაბნეველ ხმარობდნენ².

ამრიგად, როგორც ვნახეთ, საჩხერის რაიონში აღმოჩენილი მასალები მეტად მცირე ცნობას გვაწვდის იმდროინდელი მეურნეობის დახასიათებისათვის. მაგრამ, ვფიქრობთ, ის, რაც გვაქვს, იმას უნდა მოწმობდეს, რომ მეურნეობის ისეთი დარგები, როგორიცაა მესაქონლეობა და მიწათმოქმედება. უთუოდ დაწინაურებული უნდა ყოფილიყო. საფიქრებელია, რომ მიწათმოქმედებაში ამ პერიოდში უკვე გამოყენებულია სახენელი იარაღი, რომელშიც ხარია შებმული. მესაქონლეობიდან, ჩანს, მეცხვარეობა ვითარდება. საერთოდ ბრინჯაოს ხანის ადრეული საფეხურიდან მოკიდებული ჩვენში მესაქონლეობის ეს დარგი წინაურდება.

განსაკუთრებით საყურადღებო მასალას საჩხერული ძეგლები გვაწვდიან ადრეული ბრინჯაოს ხანის მეტალურგიის შესახებ. აშკარად ჩანს, რომ აქ მეტალურგიას უკვე განვითარების საკმაოდ მაღალ დონემდე მიუღწევია. როგორც აღნიშნული გვქონდა, გვხვდება უკვე საკმაოდ რთული ფორმის ლითონის იარაღ-სამკაული. ლითონის დამუშავების ტექნიკა, ჩანს, მაღალ საფეხურზეა ასული. ვფიქრობთ, ჩვენს ხელთ მყოფი მასალიდან თითქოს ჩანს, რომ ბრინჯაოს კულტურის ამ საფეხურზე ყვირილას ზემო წელზე უნდა არსებულებოდა იმ დროისათვის მეტალურგიული წარმოების საკმაოდ მძლავრი კერა. ამგვარ ვარაუდს ერთგვარად ისიც აძლიერებს, რომ ჩვენში დღემდე ცნობილ ადრეულ ბრინჯაოს ხანის მასალაში არსად არ შეინიშნება მეტალურგიის ასეთი აღმავლობა. თრიალეთი რომ ავიღოთ, როგორც უკვე აღნიშნული გვქონდა, აქ ამ საფეხურზე მეტალურგია, ჩანს, მაინცა და მაინც ბევრად წინ არ წასულა. თრიალეთისა და ყვირილას ზემო წელის რაიონს შორის ბრინჯაოს კულტურის ამ ადრეულ ეტაპზე უთუოდ ახლო ურთიერთობა შეინიშნება. განსაკუთრებით ეს კარგად ჩანს კერამიკაში. ორივე აღ-

¹ იქვე.

² Крупнов Е. И. Материалы по археологии Сев. Осетии докибанского периода,

გილას მეტად მსგავსი თიხის ნაწარმი გვხვდება, რომელიც გენეტიკურად უკავშირდება უთუოდ ე. წ. მტკვარ-არაქსის ენეოლითურ კერამიკას¹.

როგორც ცნობილია, კერამიკა ჩვეულებრივ ასახავს ხოლმე ადგილობრივი კულტურის ტრადიციებს. იმდენად დიდი მსგავსება ჩანს თრიალეთურსა და საჩხერულ კერამიკას შორის, დეტალებშიაც კი, რომ ბ. კუფტინს დასაშვებად მიაჩნია აქ მოსახლეობის ეთნიკური ერთიანობა დაეინახოთ². ასეთ თუ ისე, ერთი კი ცხადი უნდა იყოს, რომ უთუოდ მეტად მჭიდრო ურთიერთობა ჩანს ამ ორ რაიონს შორის. უკანასკნელ ხანებში სამხრეთ ოსეთის ტერიტორიაზე ჩატარებული გათხრების შედეგად კარგად გამოვლინდა აგრეთვე კავშირი შიდა ქართლისა და ყვირილას აუზს ზემო წელს შორის ბრინჯაოს კულტურის ადრინდელ საფეხურზე³. თითქოს ისე ჩანს, რომ საჩხერის რაიონში დამოწმებული ეს კულტურაც იმავე ტრადიციებზეა აღმოცენებული. აქვე უნდა აღინიშნოს, რომ, როგორც ზემოთ უკვე ნათქვამი გვექონდა, ყვირილას აუზის ზემო წელის კულტურაში მეტალურგია უკვე საკმაოდ დაწინაურებული ჩანს. რა თქმა უნდა, ჯერ კიდევ სათანადო მასალის უქონლობის გამო ძნელია გარკვევით თქმა თუ რამ შეუწყო ხელი აქ მეტალურგიის დაწინაურებას. შეიძლება ვიფიქროთ, რომ ადგილობრივი მეტალურგიის განვითარებას აქ ბიძგი მისცა ასლო ურთიერთობამ საწინაშეთის დაწინაურებულ ქვეყნებთან. როგორც უკვე არაერთგზის აღვნიშნავდით, კავშირი ძველ წინააზიურ სამყაროსთან ამ პერიოდში უკვე მძლავრად ჩანს. ამგვარი ურთიერთობა, იმის გამო რომ ჩვენში საამისოდ კარგი პირობა იყო, უთუოდ ხელს უწყობდა ადგილობრივი მეტალურგიის სწრაფ აღმავლობას. აქვე უნდა აღვნიშნოთ, რომ დაახლოებით ამგვარსავე სურათს ვხვდებით ჩრდ. კავკასიაშიც. როგორც ცნობილია, „ყუბანის დიდი ყორღანების“ კულტურაში ძირითადად ორ ქვეჯგუფს გამოყოფენ — მაიკოპისა და ნოვოსეობოდნაისს. თუ მაიკოპის ქვეჯგუფში, რომელიც რამდენადმე წინ უსწრებს, ჯერ კიდევ მეტად ჭირს ლაპარაკი ადგილობრივ მეტალურგიაზე, ნოვოსეობოდნაისს ქვეჯგუფში უკვე აშკარად შეინიშნება ადგილობრივი მეტალურგიის განვითარება⁴. აქაც, რო-

¹ Кухтин Б. А. Археол. маршрутн. экспедиц. 1945 г.... стр. 77.

² იქვე, 83. 75.

³ Кухтин Б. А. Результаты работ маршрутной археологической экспедиции в бассейне рек Шахдн. Проне, Квирылы и Средн. Рюны в 1951 году (рукопись).

⁴ Исесен А. А. К вопросу о древнейшей металлургии меди на Кавказе. стр. 87.

გორც ჩანს, წინააზიის გავლენით სწრაფად ხდება უკვე ადგილობრივი მეტალურგიის დაწინაურება. აქ გვინდა აღვნიშნოთ, რომ ამგვარი რამ აქ მარტო მეტალურგიაში კი არ შეინიშნება. ძველ ცივილიზებულ ქვეყნებთან ურთიერთობამ ბიძგი მისცა აგრეთვე თვით ადგილობრივი საზოგადოების განვითარებასაც.¹ შემდეგში, როდესაც რალაც მიზეზების გამო, რომლის ახსნაც შესაძლებელი იქნება, ა. იესენის სიტყვით, ამიერკავკასიის III და II ათასწლეულის ძველი კულტურების შესწავლის შედეგად ეს კავშირი წინააზიასთან სუსტდება, ძველ საზოგადოების განვითარებაში თითქოს უკვე ერთგვარი რეგრესი ჩანს.²

ჩვენს ხელთ მყოფი მასალებიდან თითქოს უნდა ჩანდეს, რომ ბრინჯაოს კულტურის ადრინდელ საფეხურზე კავშირი წინა აზიასთან შეინიშნება უპირატესად საქართველოს დასავლეთ ნაწილში. ამიტომაცაა, ვფიქრობთ, რომ ამ დროს აქ ჩანს სწორედ მეტალურგიის ერთგვარი დაწინაურება (საჩხერე, დოღმენები). აღმოსავლეთით ეს კავშირი თითქოს უფრო სუსტი უნდა ყოფილიყო. აქ არსებული ამ პერიოდის კულტურა აღმოცენებულია ადგილობრივი მიწავე და თავისებური ენოლოგიური კულტურის ტრადიციებზე და, როგორც უკვე აღნიშნული გქონდა, იგი მაინცდამაინც შორს წასული არ უნდა იყოს წინა საფეხურთან შედარებით. მეტალურგია ამ პერიოდში, აქ ჯერ კიდევ, ჩანს, თავის პირველ ნაბიჯებს დგამს. მხოლოდ შუა ბრინჯაოს ხანიდან ჩანს აქ ახლო ურთიერთობა წინა აზიურ სამყაროსთან (თრიალეთი, ქვასათალი, ნული და სხვ.).

ამრიგად საფიქრებელია, რომ ბრინჯაოს კულტურის ადრინდელ საფეხურზე ყვირილას ზემო წელში უნდა ყოფილიყო მეტალურგიული წარმოების ერთ-ერთი მნიშვნელოვანი რაიონი.

ძალიანა. უკანასკნელ ხანებში ადრეული, ბრინჯაოს ხანის მასალა მოპოვებული იყო შიდა ქართლში, თანამედროვე სამხრეთ ოსეთის ტერიტორიაზე. აქ სადღეისოდ ორგანაა აღმოჩენილი ამ პერიოდის ძეგლი: ერთი სოფელ ძალიანსთან, მეორე კი სოფ. ნულში. ამათგან განსაკუთრებით აღსანიშნავია პირველი. აქ მიკვლეული იყო ბრინჯაოს კულტურის ადრინდელი პერიოდის სამაროვანი. განსაკუთრებით საყურადღებოა, რომ, როგორც ჩანს, ამ სამაროვანზე მოპოვებული ადრეული ბრინჯაოს ხანის სამარხების ერთი ნაწილი ამ პერიოდის უფრო ადრინდელი საფეხურისა უნდა იყოს, მეორე ნაწილი

¹ Нессен А. А. Е хронологии „больших кубанских курганов“, стр. 196.

² Нессен А. А. იქვე, გვ. 196.

Нессен А. А. Греческая колонизация Северного Причерноморья, Ленинград, 1947, стр. 21.

კი — რამდენადმე უფრო მოგვიანო¹. ნიცვალებული პირდაპირ მიწაში იდო; სამარხებს ზემოდან უპირატესად პატარა ქვაყრილი ჰქონდა. სამარხში თითო ნიცვალებული იდო. უფრო ადრინდელ სამარხებში ნიცვალებული შედარებით უფრო ღრმად იდო, ძლიერ მოკუნტული. ჩვეულებრივად ნიცვალებულს თან ახლდა თითო თიხის ჭურჭელი. ლითონის ნივთი აღმოჩნდა მხოლოდ ერთ სამარხში, დაზიანებული ყულფიანი, ქინძისთავი (ტაბ. XV, 1). აქ მოპოვებული კერამიკა ახლო დგას საჩხერულ კერამიკასთან და გენეტიკურად უკავშირდება ე. წ. მტკვარ-არაქისის ენეოლითურ კერამიკას (ტაბ. XV, 3, 4, 6, 8). განსაკუთრებით აღსანიშნავია აქ მოპოვებული ქინძისთავი. იგი სავსებით ისეთივეა, როგორც საჩხერისა და ქორეთის სამარხებში მოპოვებული ყულფიანი ქინძისთავები. ეს გარემოება კიდევ უფრო ნათლად გვიჩვენებს იმ ურთიერთობას, რომელიც არსებობდა ბრინჯაოს კულტურის ადრინდელ საფეხურზე შიდა ქართლისა და ყვირილას აუზის ზემო წელს შორის².

მოგვიანო ხანის სამარხებიც იმგვარივე იყო. აქაც სამარხს ზემოდან ქვაყრილი ჰქონდა. სამარხში თითო ნიცვალებული იდო. უპირატესად მარჯვენა გვერდზე, თავით დასავლეთით. ნიცვალებულს თან ახლდა რამდენიმე თიხის ჭურჭელი, 1,5 ხვიის მრგვალი სასაფეთქლე რგოლები (ტაბ. XV, 1.2), სპირალური სამაჯურები (ტაბ. XV, 7), ქინძისთავი (ტაბ. XI, 5) და სხვ. ერთ შემთხვევაში აღმოჩნდა ძლიერ არქაული ტიპის სატევრის პირი³ (ტაბ. XV, 2).

აქ მოპოვებული თიხის ჭურჭელი აგრეთვე უახლოვდება საჩხერულ კერამიკას. ბ. კუფტინი აღნიშნავს, რომ ეს ჭურჭელი მსგავსებას პოულობს თრიალეთის ენეოლითური ხანის სამარხებში მოპოვებულ კერამიკასთან.

ლითონის ინვენტარი აგრეთვე ენათესაება ყვირილას ზემო წელზე მოპოვებულ მასალას⁴. სპირალური სამაჯურები ახლოსა დგას საჩხერის ამგვარსავე სამაჯურებთან. 1,5 ხვიანი სამკაული, როგორც უკვე აღნიშნული გვექონდა, საერთოდ დამახასიათებელი ჩანს ბრინჯაოს კულტურის ადრეული საფეხურისათვის. აქ აღმოჩენილი ქინძისთავი თითქოს რამდენადმე ახალგაზრდა ჩანს. თავი მას ბრტყელი აქვს, ბოლოები დახვეული. ამ ტიპის ქინძისთავი ჩვენში სადღეისოდ, რამდენადაც ვიცით, არ არის ცნობილი. იგი რამდენადმე თითქოს უახლოვდება თრიალეთის შუა ბრინჯაოს ხანის ერთ-ერთ ყორღანში მოპოვებულ ოქროს საკინძს. ახლოსა დგას ეს ქინძისთავი ნალჩიკის მუ-

¹ Куптин В. А. დასახ. ნაშრ.

² იქვე.

³ Куптин В. А. დასახ. ნაშრ.

⁴ იქვე.

ზეუმში დაცულ ერთ ქინძისთავთან¹. ბ. კუფტინი ძალინის სამაროვნის განხილვისას აღნიშნავს, რომ ეს სამარხები შეიძლება მივაკუთვნოთ ადრეული ბრინჯაოს ხანის მიწურულს. იგი ამ სამაროვნის ერთი ჯგუფის სამარხებს საჩხერულის თანადროულად თვლის, მეორეს კი — უშუალოდ მომდევნო ეტაპს მიაკუთვნებს².

ადრეული ბრინჯაოს ხანის მასალა აღმოჩენილი იყო სოფ. ნულში. ეს ადგილი, როგორც ვიცით, კარგადაა ცნობილი არქეოლოგიურ ლიტერატურაში. აქ ნაპოვანია შუა ბრინჯაოს ხანის მეტად საყურადღებო სამაროვანი. ამ სამაროვანის ტერიტორიაზე 1954 წ. სამუშაოების დროს აღმოჩნდა ერთი სამარხი, რომელიც უთუოდ უფრო ადრინდელი უნდა იყოს. იგი უახლოვდება ძალინის სამაროვნის სამარხებს. აქაც სამარხს ზემოთ ქვაყრილი ჰქონდა, მიცვალებული პირდაპირ მიწაში იდო, მარჯვენა გვერდზე მწოლარე, ფეხებმოკეცილი. მას თან ახლდა მხოლოდ სამი თიხის ჭურჭელი (ტაბ. XI, 2, 3, 4), ერთი შედარებით მოზრდილი ორყურა ქილისებრი ჭურჭელი. მას გვერდზე მიყრდნობილი ჰქონდა მოზრდილი ხუფი, შუაში ყურით. აქვე იდო მოზრდილი ბადისებრი ფორმის ჭურჭელი. მიცვალებულის სახის წინ კიდევ ერთი პატარა ჭურჭელი აღმოჩნდა. აქ მოპოვებული კერამიკა შავი ფერისაა ვარდისფერი სარჩულით. იგი სავსებით ისეთივეა, როგორც ძალინას სამაროვანზე მოპოვებული კერამიკა. ამიტომაც, ვფიქრობთ, რომ ნულის სამაროვნის ეს სამარხი უფრო ადრინდელი უნდა იყოს, ვიდრე ნულის სხვა სამარხები და იგი იმავე დროისა ჩანს, რომელსაც ძალანის სამაროვანი მიეკუთვნება.

დასასრულ, უნდა აღვნიშნოთ შიდა ქართლში, თანამედროვე სამხრეთ ოსეთის ტერიტორიაზე შემთხვევით ნაპოვნი ქვის სამი ცულის შესახებ. ერთი მათგანი ნაპოვნი იყო სოფ. თერეგვანში (ტაბ. VII, 2)³, მეორე ცული აღმოჩნდა სოფ. ოჟორას მახლობლად ღართის კარზე (ტაბ. VII, 1), მესამე გახვერტილი ქვის ცული ნაპოვნი იყო შიგ სოფ. ოჟორაში (ტაბ. XV, 9). იგი რამდენადმე უახლოვდება საჩხერის ქვის ცულს.

აღსანიშნავია, რომ ჩვენში შემთხვევით ნაპოვანია ცალკეული ლითონის ნივთები, რომლებიც ჩანს, უნდა მიეკუთვნებოდეს ლითონის ინდუსტრიის ადრეულ საფეხურს. ამათგან განსაკუთრებით საყურადღებოა კომბინირებული იარაღი, რომელსაც პირობით შეიძლება ვუწოდოთ ცულ-წერაქვა. ამ ტიპის იარაღი ჩვენში სადღესოდ სულ რამდენიმე ცალია ცნობილი: ერთი ცალი

¹ Дегев Б. Е. Курганы в Кабардинском парке гор. Нальчика, таб. X, гв. 249.

² Купфтин Б. А. დასახ. ნაშრ.

³ Купфтин Б. А. დასახ. ნაშრ.

ჯერ კიდევ 1912 წ. ნაპოვნი იყო თიანეთის რაიონში სოფ. სიმონიანთ ხევში¹. ერთი ცულ-წერაქვა 1949 წ. აღმოჩნდა დმანისის რაიონში, მდ. ფინეზაურის მარჯვენა შენაკადის შესართავთან² (ტაბ. XIV, 10). საქართველოს სახელმწიფო მუზეუმის არქეოლოგიის განყოფილებაში ინახება კიდევ ერთი ამგვარი იარაღი, რომლის აღმოჩენის ადგილი, სამწუხაროდ, უცნობია. უცნობია აგრეთვე აქვე დაცული ერთი პატარა, დაახლოებით ამგვარივე ტიპის იარაღის აღმოჩენის ვითარებაც³. უთუოდ საყურადღებოა ის გარემოება, რომ ამ იარაღის ქიმიურმა შესწავლამ დაახლოებით ისეთივე სურათი მოგვცა, როგორიც ჩვენში აღმოჩენილი ადრეული ბრინჯაოს ხანის სხვა ლითონის ნივთებმა. აქაც გვხვდება სპილენძი, რომელიც 2⁰/₀-მდე დარიშხანს შეიცავს⁴.

ამიერკავკასიიდან ცნობილია კიდევ ერთი ამგვარი იარაღი, აღმოჩენილი სომხეთში, სოფ. ალავერდში⁵. ამ ტიპის იარაღს უახლოვდება, მაგრამ მაინც რამდენადმე განსხვავებულია, ჩრდილო კავკასიაში, სტანიცა ვოზდეიენსკოეში ნაპოვნი ცული⁶. მას ყუაზე გამოყვანილი შვერილი ჩაქურჩისებრი აქვს⁷. ამ ტიპის იარაღი ნაპოვნი ყოფილა დიგორიაში; ეს იარაღი სადღეისოდ ცნობილი ცალებისაგან იმით განხვავდება, რომ მას სატარე ხერელი მილისებრ გამოშვერილი აქვს. უთუოდ საყურადღებოა მისი ქიმიური შემადგენლობა. ისიც 2⁰/₀ დარიშხანს შეიცავს⁸.

ამგვარი იარაღი გავრცელებული იყო წინა აზიაში უკვე შესამე ათასწლეულის დასაწყისიდან ძვ. წ.⁹ ერთი მსგავსი ცული ნაპოვნი იყო ასურეთ-

¹ Куфтин Б. А. К вопросу о древнейших корнях грузинской культуры на Кавказе по данным археологии, стр. 300.

² ქორიძე დ. დმანისის რაიონში ახლად აღმოჩენილი იარაღი—ცულწერაქვა (ხელნაწერი).

³ Куфтин Б. А. დასახ. ნაშრომი, გვ. 300.

⁴ ქორიძე დ. დასახ. ნაშრ.

⁵ ბაიბურთიანი. შრომის იარაღი ძველ სომხეთში, Вестник Инст-та истории и литературы Арм. ССР. I, Ереван, 1938, გვ. 27.

⁶ Куфтин Б. А. დასახ. ნაშრომი, გვ. 301.

⁷ Ауряpää А. А. Über die Streitaxtkulturen in Russland, ESA, VIII, Helsinki, 1933, გვ. 56. სურ. 49.

⁸ Чайлд Г. У истоков европейской цивилизации, Москва, 1952, гв. 214, სურ. 76; 1

⁹ Давилевский В. В. Историко-технологическое исследование древних бронзовых и золотых изделий с Кавказа и Северного Урала, ИГАНМК, вып. 110, М.—Л., 1935, სურ. 129,2.

¹⁰ Пассек Т. С. Периодизация Трпюльских поселений, МПА, № 10, М.—Л., 1949, гв. 130, Куфтин Б. А., დასახ. ნაშრ., გვ. 301.

ში¹. თეფე-გავრას მეექვსე ფენაში შპეიზერმა იპოვა ამ ტიპის პატარა ცული (6,2 სმ. ალბათ მოდელი)². საყურადღებოა, რომ ამგვარ ცულებს ვხვდებით აგრეთვე გამოსახულებაზე. მსგავსი იარაღი გამოსახულია ნარამსინის სტელაზე³. ამ სტელაზე გამოსახული ცული განსაკუთრებით უახლოვდება თეფე-გავრას პატარა ცულს. ამგვარი ტიპის საომარი ცულები, ჩანს, დამახასიათებელი იყო ამ პერიოდში აქ⁴.

ამ ტიპის რამდენიმე ცული ცნობილია ევროპაშიც. ერთი ამგვარი ცული ნაპოვნი იყო სოფ. ვერემიეში (კიევის სამხრეთით)⁵. სამწუხაროდ, ამ ცულის აღმოჩენის ვითარება მთლად ნათელი არ არის. ბ. კუფტინი ფიქრობს, რომ ეს ცული შეიძლება მიეკუთვნოს გვიან ტრიპოლიეს საფეხურს⁶. პასეკის აზრით ვერემიეს ცული შეიძლება II ათასწლეულის ძვ. წ. დასაწყისი ხანისა იყოს⁷. მსგავსი იარაღი აღმოჩენილია უნგრეთში, სოფ. ერიოზდში, სადაც ნაპოვნი იყო ადრეული ხანის ნამოსახლარი. აქ მეორე ფენაში ლითონის სხვა ნივთებთან ერთად აღმოჩნდა აგრეთვე ამჟამად ჩვენთვის საინტერესო ტიპის ცული⁸; თუმცა იგი მაინც რამდენადმე განსხვავებულია. ერიოზდში ნაპოვნი ცულს სატარე ხერელი დაახლოებით ცულის შუა ნაწილში აქვს, მაშინ, როდესაც სადღეისოდ ცნობილ ამ ტიპის ყველა ეგზემპლარს სატარე ხერელი ცულის ზედა ნაწილში აქვს მოწყობილი.

ბ. კუფტინი, ჩანს, სავსებით სამართლიანად ფიქრობს, რომ ამ ტიპის ცული კავკასიაში წინა აზიიდან უნდა შემოსულიყო, საიდანაც შემდეგში უნდა გავრცელებულიყო ევროპაში⁹. განსაკუთრებით საყურადღებოა, რომ,

¹ Куптин Б. А. დასახ. ნაშრ., გვ. 301.

² Christian V. Alttertumskunde der Zweistromlende, Leipzig, 1940. Bd. I, გვ. 285 და 309, ტაბ. 324,3. Claude F. A. Schaeffer, Stratigraphie Comparée et chronologie de l'Asie Occidentale, London, 1948, ტაბ. 90,7. Куптин Б. А. დასახ. ნაშრ., გვ. 300, სურ. 4,1.

³ Christian V. დასახ. ნაშრ., გვ. 285 და 309, ტაბ. 354,11. Куптин Б. А. დასახ. ნაშრ., გვ. 301.

⁴ Bonnet H. Die Waffen der Völker des Alten Orients, Leipzig, 1926, გვ. 20 სურ. 8, v.

Морган И. К. Догсторическое человечество. М.—Л., 1926, გვ. 121, სურ. 54,8.

⁵ Tallgren A. La Pontide prescythigue. FSA, II, Helsinki 1926, გვ. 172, სურ. 98, 8. პასეკი ტ. დასახ. ნაშრომი, გვ. 130, 155, 156, სურ. 100, 8.

Богачевский В. П. История Техники, М.—Л., т. I, 1936, გვ. 314, სურ. 218,2.

Куптин Б. А. დასახ. ნაშრ., გვ. 301 და 334.

⁶ Куптин Б. А. დასახ. ნაშრ., გვ. 301.

⁷ პასეკი ტ. დასახ. ნაშრ., გვ. 130.

⁸ იქვე, დასახ. ნაშრ., გვ. 212, სურ. 100,7.

⁹ Куптин Б. А. დასახ. ნაშრ., გვ. 300 და 301.

პასეკი ტ. დასახ. ნაშრ., გვ. 130 და 156.

როგორც ჩანს, ეს ცული ჩვენში თავისებურ სახეს იღებს და უკვე რამდენადმე განსხვავდება წინააზიური ცულისაგან, რომლებთანაც ისინი უთუოდ გენეტიკურ კავშირში უნდა ყოფილიყო¹. ერთგვარი სხვაობა შეინიშნება ცულის პირის მოყვანილობაში, ყუის ზედა შვერილში და სხვ. უთუოდ ნიშანდობლივია, რომ ვერემიეში აღმოჩენილი ცალი ამ ცულების კავკასიურ სახესხვაობას უახლოვდება. აქაც ჩვენ დაახლოებით ისეთივე სურათი გვაქვს, როგორც ყუამილიან-ყუადაქანებულ ცულებთან გვხვდება. ეს ცულებიც ყუამილიან-ყუადაქანებულ ცულების მსგავსად, კავკასიაში ადგილობრივ, თავისებურ სახეს იღებენ. ამასთან დაკავშირებით აქ კვლავ გვინდა გავიხსენოთ, ზემოთ უკვე აღნიშნული, რომ ქიმიური შედგენილობით ამ ტიპის ცულები მეტად ახლო დგანან ჩვენში აღმოჩენილ ბრინჯაოს კულტურის ადრეული სათეხურის ლითონის ნივთებთან. ეს გარემოება გვაფიქრებინებს, რომ წინააზიური სხვა ფორმის მსგავსად, ცულის ამ ტიპშიც ჩვენში ერთგვარად თავისებური სახე მიიღო და ესეც უკვე ადგილობრივი მეტალურგიის წარმოების პროდუქტი ხდება.

რაც შეეხება ამ ტიპის ცულის დანიშნულების საკითხს, სადღეისოდ ამის შესახებ სხვადასხვა მოსაზრებაა გამოთქმული. ბ. კულტინი გაკვრით აღნიშნავს თავის ერთ-ერთი ნაშრომის ქართულ რეზუმეში, რომ ეგებ იგი სამთო-სამუშაოებისათვის განკუთვნილი იარაღი იყოს². ამგვარსავე მოსაზრებას გამოთქვამს აგრეთვე დ. ქორიძეც, თუმცა მას დასაშვებად მიაჩნია აგრეთვე ამ იარაღის გამოყენება მიწათმოქმედებაში ყამირი მიწის დამუშავების დროს³. ვფიქრობთ, რომ ეს იარაღი, წინა აზიის მსგავსად, აქაც ძირითადად საომარი იარაღი უნდა ყოფილიყო, რომელსაც საჭიროებისამებრ ორივე ბოლოდან იყენებდნენ⁴. აქვე გვინდა შევნიშნოთ, რომ ჩვენში შემდეგ ხანაშიაც კარგადაა ცნობილი შვერილიანი ცულები⁵.

როგორც ჩანს, კავკასიაში სათანადო გავრცელება ვერა ჰპოვა მეორე გვარმა კომბინირებულმა იარაღმა. მას ცალი პირი თოხისმაგვარი აქვს, მეორე კი — ცულის. იგი, ეგებ, მართლაც შექმნილია ძველი შუმერული ცულის ფორმების კომბინაციით⁶. ამ ტიპის იარაღი კარგად იყო ცნობილი ძველ აღ-

¹ Куптин В. А. დასახ. ნაშრ., გვ. 300.

პასეტი ტ. დასახ. ნაშრ., გვ. 130.

² Куптин В. А. დასახ. ნაშრ., გვ. 401.

³ ქორიძე დ. დასახ. ნაშრომი.

⁴ Bonnet H. დასახ. ნაშრ., გვ. 20.

Christian V. დასახ. ნაშრ. გვ. 309.

⁵ Bonnet H. დასახ. ნაშრ., გვ. 20.

⁶ ჩაილდ გ. დასახ. ნაშრ., გვ. 56 და 213.

Куптин В. А. დასახ. ნაშრ., გვ. 302.

მოსავლეთში. იგი, ჩანს, ძირითადად საომარი იარაღი იყო¹. თუმცა შინაც საკმაოდ ეფექტური იარაღი უნდა ყოფილიყო². იგი გვხვდება ტეპე-პისარში, განსაკუთრებით ტეპე-პისარ III ფენაში³. ტროა II⁴, ტეპე-სიალკში⁵, ასტერაბადის განძში⁶ და სხვ. ერთი ამგვარი ცული ნაპოვნი იყო ინდოეთში, მახენჯოდაროს გათხრებისას⁷. ცნობილია ამ ტიპის იარაღი კუნძულ კრეტაზე შუა მინასურ პერიოდიდან⁸. ამგვარი კომბინირებული იარაღი აღმოჩენილია აგრეთვე ევროპაშიაც. კერძოდ, ვხვდებით ჩეხოსლოვაკიაში⁹, რუმინეთში¹⁰, ბულგარეთში¹¹, გალიციაში¹². ერთი ამ ტიპის იარაღი ცნობილია კონდერევიჩის კოლექციიდან¹³. კავკასიიდან ამგვარი იარაღი სადღეისოდ მხოლოდ ერთადერთია ცნობილი მაიკოპის ყორღანიდან¹⁴. მიუხედავად ამისა, ბ. კუფტინს მაინც დასაშვებად მიაჩნია, რომ წინააზიური ეს ფორმაც ევროპაში უნდა გავრცელებულიყო კავკასიის გზით¹⁵. უთუოდ ნიშანდობლივია, რომ კავკასიაში გვხვდება ორივე ფორმა შუამერული იარაღისა, ცულიცა და თოხისმაგვარი იარაღიც¹⁶, რომლის კომბინაციის შედეგადაც უნდა მიგველო კომბინირებული იარაღი. მაშინ რო-

¹ Bonnet H. დასახ. ნაშრ., გვ. 21, სურ. 9.

² Schmidt E. Tepe Hissar excavations 1931, გვ. 400.

³ Schmidt E. Excavations at Tepe Hissar Damhan, Philadelphia, 1937, გვ. 205, სურ. 120.

Schmidt E. Tepe Hissar excavations, 1931, Philadelphia, 1933, გვ. 400, ტაბ. CXVIII.

⁴ ჩაილდ გ. დასახ. ნაშრ., სურ. 21,4. Куфтин Б. А. დასახ. ნაშრ., გვ. 303.

⁵ Claude F. A. Schaeffer, დასახ. ნაშრ., სურ. 254, 7.

⁶ Куфтин Б. А. დასახ. ნაშრ., გვ. 303.

⁷ Маккей Э. Древнейшая культура долины Инда. Москва, 1951, стр. 91, табл. XXII, 4. Child G. Eurasian Shaft-hole axes, ESA, IX, Helsinki, გვ. 163, სურ. 8.

⁸ ჩაილდ გ. დასახ. ნაშრ., გვ. 57, სურ. 11,4. Child, G., The Dawn of European civilization, London, 1927, გვ. 34, სურ. 13.

Куфтин Б. А. დასახ. ნაშრ., გვ. 302, სურ. 5.

⁹ Богачевский Б. Л. История техники, т. I, М.—Л. 1936, стр. 314, рис. 219,2.

¹⁰ იქვე, გვ. 314, სურ. 218,1.

Куфтин Б. А. დასახ. ნაშრ., გვ. 302.

¹¹ RLV, II, Berlin, 1925, გვ. 206, ტაბ. 99.

¹² Угаров А. С. Сборник мелких трудов, т. II, Москва, 1910, гв. 50, ტაბ. XXIII. Куфтин Б. А. დასახ. ნაშრ., გვ. 302.

¹³ Tallgren A. La Pontide, prescythique, ESA, II, Helsinki, 1926, სურ. 99.

¹⁴ Нессен А. А. К хронологии „большинх кубанских курганов“, Сов. Археология, т. XII, М—Л., 1950 г. стр. 173.

¹⁵ Куфтин Б. А. დასახ. ნაშრ., გვ. 301.

¹⁶ ჩაილდ გ. დასახ. ნაშრ., გვ. 212.

Куфтин Б. А. დასახ. ნაშრ., გვ. 302.

Нессен А. А. К вопросу о древнейшей металлургии меди на Кавказе: стр. 83, рис. 3.

დესაც ევროპაში შემერული თოხისმაგვარი იარაღი სადღეისოდ სრულიად უცნობია. ამიტომაც, ვფიქრობთ, რომ ბ. კუფტინის ზემოაღნიშნული მოსაზრება არც თუ მთლად უსაფუძვლო უნდა იყოს და ჩანს, წინააზიის სხვა ფორმებთან ერთად ეს კოზინირებული იარაღი საქმოდ ადრე შემოდის კავკასიაში და აქედან ვრცელდება შემდეგ სხვაგანაც¹. თუმცა აქვე კვლავაც უნდა აღვნიშნოთ, რომ სადღეისოდ არსებული მასალების მიხედვით თითქოს ისე ჩანს, რომ წინააზიური იარაღის სხვა ფორმებთან შედარებით ამ კოზინირებულმა იარაღმა კავკასიაში სათანადო გავრცელება ვერ ჰპოვა.

განსაკუთრებით საყურადღებოა ერთი ცული, შემთხვევით ნაპოვნი, არქაული ფორმის შუბისმაგვარ იარაღთან ერთად, ზაქესში 1928 წ. (Cu—95,4%; As—2,21%, ტაბ. XI V, 9). აღსანიშნავია, რომ ეს ცული თავისი ფორმით უთუოდ მეტად ახლოსა დგას მესოპოტამიის უძველეს ცულებთან². აქ ამ ტიპის ცულები სადღეისოდ ცნობილია მხოლოდ თიხის მოდელების სახით ჯიმდეთ-ნასრიდან, ურიდან და სხვ.,³ სადაც ისინი უკვე მეოთხე ათასწლეულის დასაწყისში და, ეგებ, უფრო ადრეც ჩანან⁴. სავსებით მართებულად ფიქრობენ, რომ ეს თიხის მოდელები ლითონის ცულების წაბადებითაა ნაკეთები⁵. როგორც ჩანს, მესოპოტამიაში ეს არქაული ტიპი სულ მალე ადგილს უთმობს ყუადაქანებულ-ყუამილიან ცულებს, რომლებიც, როგორც უკვე აღნიშნული გვექონდა, ფარავო გავრცელებას პოულობს აქ⁶. საფიქრებელია, რომ მესოპოტამიის უძველესი ტიპის ცული ჩვენში საქმოდ ადრე ვრცელდება და, ეგებ, მთლად უმართებულო არ იყოს თუ ვიტყვი, რომ ზაქესის ტიპის ცული კავკასიაში აღმოჩენილი წინააზიური ფორმებიდან ერთ-ერთი უადრესთაგანია. როგორც ჩანს, ჩვენშიაც ამ ტიპმა სათანადო გავრცელება ვერ ჰპოვა და მესოპოტამიის მსგავსად აქ უფრო მკვიდრდება წინააზიური ცულების სხვა ფორმა, ყუადაქანებული-ყუამილიანი ცულები.

¹ Куптин Б. А. დასახ. ნაშრ., გვ. 303.

² Куптин Б. А. Археологические раскопки в Триалети, стр. 10.

Куптин Б. А. К вопросу о древнейших корнях грузинской культуры на Кавказе, стр. 298.

³ Christian V. დასახ. ნაშრ., გვ. 158, ტაბ. 134,

Куптин Б. А. Археологические раскопки в Триалети, стр. 10.

Chilb G. Eurasian shaft-hole axes, გვ. 159.

⁴ Куптин Б. А. К вопросу о древнейших корнях грузинской культуры на Кавказе, стр. 297.

⁵ Чанлд Г. დასახ. ნაშრ., გვ. 159.

⁶ Куптин Б. А. დასახ. ნაშრ., გვ. 297. Christian V. დასახ. ნაშრ., გვ. 158.

Чанлд Г. დასახ. ნაშრ., გვ. 159, სურ. 3.

⁶ Куптин Б. А. დასახ. ნაშრ., გვ. 297.

ზაქსის ცული გარკვეულ ნათესაობას იჩენს კრეტაზე აღმოჩენილ არქაულ ცულებთან, სადაც ისინი ვრცელდებიან მესოპოტამიიდან¹. უთუოდ საყურადღებოა, რომ ზაქსის ცული რამდენადმე უახლოვდება აგრეთვე ყუბანის დიდ ყორღანებში მოპოვებულ ცულებს². თუმცა ისიც უნდა აღინიშნოს, რომ ამ ტიპის ცულმა აქ, ჩანს, გარკვეული თავისებურება განიცადა³. განსხვავება ძირითადად იმაშია, რომ ზაქსური და აგრეთვე მესოპოტამიური ცულები ყუისაკენ ორივე მხრივ ვიწროვდებიან, ყუბანურ ცულებს კი შუბლი და კაჩა დაახლოებით სწორი აქვს. ა. ტალეგრენმა, რომელმაც რუსეთში გავრცელებული ხერელიანი ცულების ტიპოლოგია შეიმუშავა, ეს ცულები C ტიპში გააერთიანა და აღნიშნა, რომ იგი ყუბანის დიდი ყორღანებისათვისაა დამახასიათებელი⁴. აქედან ჩანს, ამ ტიპის ცული შემდეგში რუსეთშიაც ვრცელდება⁵.

დაბოლოს, აღსანიშნავია კიდევ ერთი ცული, ახლახან აღმოჩენილი მარნეულის რაიონში სოფ. ბრდაძორში (სადახლოდან დაახლოებით 8 კმ.). იგი შედარებით ზაქსურ ცულთან უფრო განვითარებული ჩანს, ოღონდ თავისთავად საკმაოდ არქაული ფორმისა უნდა იყოს. ეს ცული გარკვეულ მსგავსებას პოულობს ყუბანის დიდი ყორღანებისათვის დამახასიათებელ ცულებთან. მარნეულის ცული საკმაოდ მასიურია; შუბლი მას რკალისებრი აქვს. ყუა შუბლის მხრიდან, საკმაოდ სწრაფად ვიწროვდება.

ბრინჯაოს კულტურის ამ ადრეულ საფეხურს უნდა მიეკუთვნებოდეს აგრეთვე ერთი სატეხი, შემთხვევით აღმოჩენილი სოფ. ზეკარში⁶. პირი მას ღარიანი აქვს, ყუა ოთხწახნაგა⁷. ჩვენში ამ ტიპის სატეხი ცნობილია მხოლოდ საჩხერიდან, შედარებით უფრო პატარა ზომის⁸ (ტაბ. XII, 2). კავკასიაში ამგვარ სატეხს ვხვდებით ყუბანის დიდ ყორღანებში⁹. ნოვოსვობოდნაიას ყორ-

¹ Чапид Г. У истоков европейской цивилизации, გვ. 56, სურ. 11. Child G. The Dawn of European civilization; გვ. 34, სურ. 13.

² Кухтияв Б. А. Археологические раскопки в Триалети, стр. 10.

³ Артамонов М. И. Третий разменный курган, Советская археология, т. X, М.—Л., 1948, стр. 180.

⁴ Tallgren A. Die Kupfer—und Bronzezeit in Nord—und Ostrussland, SMYA, XXV, Helsingissa. 1911, გვ. 56, სურ. 47.

⁵ Tallgren A. დასახ. ნაშრ., სურ. 47.

⁶ Tallgren A. Sur les monuments mégalithiques du Caucase occidental, ESA, IX, Helsinki, 1934, სურ. 25, ვ.

⁷ Аугрәдә А. Über die Streitaxtkultur in Russland, სურ. 44.

⁸ Кухтияв Б. А. დასახ. ნაშრ., გვ. 12.

⁹ Нессен А. А. დასახ. ნაშრ., გვ. 85.

¹⁰ Иващенко М. М. Материалы к изучению культуры колхов, მასალები საქართველოსა და კავკასიის ისტორიისათვის, 1941, ნაკვეთი II თბილისი, 1941, გვ. 17, სურ. 9,9.

¹¹ Кухтияв Б. А. დასახ. ნაშრ., გვ. 15.

¹² Нессен А. А. К хронологии „больших кубанских курганов“, стр. 172.

ლანში რამდენიმე სატეხი აღმოჩნდა¹. ამ ტიპის სატეხი ნაპოვნი იყო ლეტ-ნიცკოეს, ვოზდევიენსკოეს და სხვ. ყორღანებში².

შგავსი იარაღი გავრცელებული იყო აგრეთვე წინა აზიაში. ტეპე-ჰისარ-ში ამგვარი სატეხი საკმაოდ კარგად იყო ცნობილი. განსაკუთრებით ფართოდ იგი გვხვდება. ჰისარ III³.

ბ) ადრეული ბრინჯაოს ხანის კულტურის დახასიათება

ამრიგად, როგორც ვნახეთ, ბრინჯაოს კულტურის ადრინდელი საფეხურის შესახებ, სადღეისოდ, ჯერ კიდევ მეტად მცირე მასალა მოგვეპოვება და ამიტომაცაა, რომ სამწუხაროდ, ამ პერიოდის შესახებ ბევრის არაფრის თქმა შეგვიძლია. მაგრამ მიუხედავად მასალების ამგვარი სიღარიბისა, ვფიქრობთ, რომ მაინც შეიძლება ითქვას, რომ გვაროვნული საზოგადოება ამ დროს თავისი განვითარების გარკვეულ ნაბიჯებსა დაგამს. ამ პერიოდში სავარაუდოდელია უკვე პატრიარქალური გვარის საბოლოო განმტკიცება. მამაკაცის როლი. ჩანს, ახლა უკვე საგრძნობლად იზრდება. სადღეისოდ არსებული, მართალია მეტად არასრული მასალა, მაინც იძლევა უთუოდ ამის ფიქრის საშუალებას.

როგორც ზემოთ იყო ნათქვამი, იმდროინდელი სამეურნეო ყოფის ადრეგენისათვის ჯერჯერობით მეტად ღარიბული მასალა გვაქვს. სამწუხაროდ. მიწათმოქმედებისა და მესაქონლეობის შესახებ ჯერ მხოლოდ არაპირდაპირი ცნობების საფუძველზე ხერხდება რაიმეს თქმა. მაგრამ, ვფიქრობთ, რომ ის. რაცა გვაქვს, უთუოდ იმის მოწმობა უნდა იყოს, რომ მეურნეობის ეს დარგები ამ პერიოდში ჩვენში განვითარების კიდევ უფრო მაღალ საფეხურზე აღის. საფიქრებელია, რომ ადრეული ბრინჯაოს ხანიდან მოკიდებული მიწის დასამუშავებლად უკვე პრიმიტიულ სახენელ იარაღს იყენებდნენ. ამგვარ ვარაუდს უთუოდ ის აძლიერებს, რომ თითქოს უნდა ჩანდეს, რომ ამ პერიოდში ჩვენში გამოყენებულია ხარი უკვე როგორც გამწევი ძალა. ამ მოსაზრებას ის უნდა მოწმობდეს, რომ საჩხერის ერთ-ერთ სამარხში ნაპოვნია ქინძისთავი ეტლისა და შიგ შებმული ხარის სქემატური გამოსახულებით და აგრეთვე თრიალეთის ერთ-ერთ ადრეული ჯგუფის ყორღანში აღმოჩნდა ხის ეტლის კვალი.

¹ Tallgren A. დასახ. ნაშრ., გვ. 20, სურ. 20,8 და 21,7.

Tallgren A. La Pontide prescyltigge, გვ. 80, სურ. 55,22.

Чапид Г. У истоков европейской цивилизации. გვ. 214, სურ. 75.

² Куптин И. А. დასახ. ნაშრ., გვ. 12.

³ Schmidt E. F. Excavations at Gepe Hissar Damhan. გვ. 205, ტაბ. LII.

Schmidt E. F. Tepe Hissar excavations, გვ. 400, ტაბ. CXIX.

შეიძლება ვიფიქროთ, რომ ხარი როგორც გამწევი ძალა, უკვე მიწათმოქმედებაშია ცა გამოყენებული და შესაძლოა ამ პერიოდში უკვე იცნობდნენ პრიმიტიულ სახვნელ იარაღს. ამის ანარეკლი უნდა იყოს ჩვენში ეთნოგრაფიულ სინამდვილეში შემონახული სახვნელი იარაღი, რომელიც, როგორც პროფ. გ. ჩიტაიამ არაერთგზის დაგვანახა, უკავშირდება წინააზიურ უძველეს სახვნელ იარაღს. სახვნელი იარაღის შემოღებამ მიწათმოქმედებაში, როგორც ცნობილია, დიდი გარდატეხა მოახდინა. მიწის დამუშავება ახლა უკვე თანდათანობით მამაკაცის ხელში გადადის. ეს გარემოება, რა თქმა უნდა, ხელს უწყობდა გვარში მამაკაცის წამყვანი მდგომარეობის განმტკიცებას.

სამწუხაროდ, არც მესაქონლეობის შესახებ შეგვიძლია რაიმეს გარკვევით თქმა. თითქმის სრულიად არ მოგვეპოვება ამ დროის ოსტეოლოგიური მასალა. ამ დარგის შესახებ ძირითადად ისევ არაპირდაპირი ცნობების საშუალებით თუ ითქმის რაიმე. უკვე ის ფაქტი, რომ ამ პერიოდში, ჩანს, ხარი როგორც გამწევი ძალა გამოყენებული თავისთავად უთუოდ მესაქონლეობის გარკვეულ დაწინაურებაზე უნდა მიუთითებდეს. როგორც უკვე საჩხერული მასალების განხილვისას აღვნიშნავდით, შესაძლოა მესაქონლეობის, უპირატესად მეცხვარეობის განვითარებაზე გვაწვდიდეს გარკვეულ ცნობას ის მოზრდილი ქინძისთავეები, რომლებიც მართლაც, ეგებ, უხეში შალის ტანსაცმლის შესაბნევად გამოიყენებოდა. საფიქრებელია, რომ მესაქონლეობა ბრინჯაოს კულტურის ადრეულ საფეხურზე თანდათანობით უფრო და უფრო წინაურდება. უკვე ენეოლითში, განსაკუთრებით მის მიწურულ ხანაში, როგორც დავინახეთ, მესაქონლეობა განვითარების გარკვეულ ნაბიჯებს დგამს. მომდევნო საფეხურზე, იგი, ვფიქრობთ, განვითარების კიდევ უფრო მაღალ საფეხურზე უნდა ასულიყო. თრიალეთის მასალებიდან თითქოს ჩანს, რომ ამ პერიოდში უკვე ხდება მაღალმთიანი ალპური საძოვრების ათვისება. მიწათმოქმედ ტომებს აქ ჩანს უკვე გამოეყოფა ერთი ნაწილი, რომელიც, ალბათ, უკვე უპირატესად მესაქონლეობას მისდევს. მაგრამ ისინი ჯერ კიდევ ძირითადად თავის სამიწათმოქმედო ბაზასთან არიან დაკავშირებულნი. საფიქრებელია, რომ ამგვარი ურთიერთობის ანარეკლი უნდა იყოს თრიალეთის მაღალმთიან რაიონში აღმოჩენილი ყორღანთა ერთი ჯგუფი, რომლებიც სრულიად არ შეიცავენ თიხის კურქელს. ბ. კუფტინმა თავის დროზე აღნიშნა, რომ შესაძლებელია ეს ყორღანები მიეკუთვნება მომთაბარე ხალხს, ანდა, ეგებ, ამ მიდამოებში მცხოვრებ მოსახლეობას, რომელიც დროებით ამოსულა აქ მაღალმთიან საძოვრებზე. ეს უკანასკნელი მოსაზრება უფრო მართებული ჩანს. რა



თქმა უნდა, უნდა ვიფიქროთ, რომ ყველგან ამგვარი ურთიერთობა არ უნდა ყოფილიყო. თრიალეთში, როგორც უკვე აღნიშნავდით, თითქმის თანაბრად ვითარდებოდა მიწათმოქმედება და მესაქონლეობა. ამიტომაც, შეიძლება ვიფიქროთ, რომ მეურნეობის ამ ორი ფორმის თანაარსებობა აქ საკმაოდ დიდხანს გაგრძელდა. სხვაგან, საფიქრებელია, მესაქონლეობების გამოყოფა და დაწინაურება უფრო სწრაფად უნდა მომხდარიყო. შეიძლება ვიფიქროთ, რომ თრიალეთში პატრიარქალური ურთიერთობის განმტკიცება უფრო ნელა მიმდინარეობდა. მიწათმოქმედებისა და იმ სახის მესაქონლეობას, რომელიც, ჩანს ამ პერიოდში აქ უნდა ყოფილიყო, არ შეეძლო საბოლოო გარდატეხა მოეხდინა საზოგადოების განვითარებაზე. მითუმეტეს, რომ, როგორც აღვნიშნავდით, აქ ჯერ კიდევ არც მეტალურგია ჩანს მაინცადამაინც წინა საფეხურთან შედარებით დაწინაურებული. ამიტომაც საფიქრებელია, რომ აქ მამაკაცის როლის დაწინაურებასთან ერთად ჯერ კიდევ უნდა ცოცხლობდეს წინა საფეხურის ტრადიციები.

ჩვენს ხელთ მყოფი მასალების მიხედვით შეიძლება ითქვას, რომ მეტალურგიას ბრინჯაოს კულტურის ადრეულ საფეხურზე ჩვენში განვითარების საკმაოდ მაღალი საფეხურისათვის მიუღწევია. ლითონის დამუშავების ტექნიკა უკვე საკმაოდ დაწინაურებული ჩანს. იმდროინდელი ლითონის ნივთების ქიმიურმა და მეტალოგრაფიულმა შესწავლამ დაგვანახა, რომ ამ პერიოდში ლითონის ნაწარმი დამზადებულია ისეთი სპილენძისაგან, რომელიც 2 და ზოგჯერ მეტ პროცენტ დარიშხანს შეიცავს. ჩამოსხმის უკვე საკმაოდ რთული ტექნიკისათვის მიუღწევიათ. სადღეისოდ უკვე თითქოს შესაძლებელი ხდება ყვირილას აუზის ზემო წელზე ამ პერიოდის საკმაოდ მძლავრი მეტალურგიული კერის გამორჩევა. არსებული მასალებით თითქოს ირკვევა, რომ მეტალურგიის დაწინაურება ამ პერიოდში, ზემოთ უკვე აღნიშნული მიზეზების გამო, შეინიშნება უპირატესად საქართველოს დასავლეთ ნაწილში. აღმოსავლეთით მეტალურგიის ამგვარი აღმავლობა ამ დროს ჯერ კიდევ არ ჩანს.

მეტალურგიის დაწინაურება, რა თქმა უნდა, ხელს უწყობდა მამაკაცის მდგომარეობის განმტკიცებას გვარში. საჩხერის მასალებიდან თითქოს უკვე უნდა ჩანდეს, რომ ამ პერიოდში აქ უკვე საბოლოოდ მტკიცდება გვაროვნული საზოგადოების უფრო განვითარებული ორგანიზაცია-პატრიარქატი. მეტალურგიის გარდა ამას აპირობებდა აგრეთვე ისიც, რომ, როგორც აღნიშნული გვქონდა, აქ მოპოვებული მასალით თითქოს ჩანს, რომ მესაქონლეობა უკვე საკმაოდ მაღალ დონეზეა ასული. მამაკაცის უპირატეს როლს გვარში უთუოდ ისიც უნდა მოწმობდეს, რომ მამაკაცთა სამარხებში საკმაოდ

რაოდენობით ვხვდებით ჩატანებულ იარაღ-საქურველს. ერთი მხრივ მეტალურგია, და მეორე მხრივ მესაქონლეობის დაწინაურება ხელს უწყობდა საზოგადოების უფრო მაღალ საფეხურზე ასვლას.

ამრიგად, ვფიქრობთ, რომ ბრინჯაოს კულტურის ადრეულ საფეხურზე ჩვენში უკვე საბოლოოდ იმარჯვებს პატრიარქალური ურთიერთობა, თუმცა ისიც უნდა აღინიშნოს, რომ, როგორც ჩანს, ეს პროცესი ყველგან თანაბრად არ მიმდინარეობდა.

რაც შეეხება საკითხს ადრეული ბრინჯაოს ხანის თარიღის შესახებ, ამწუხაროდ, ჯერჯერობით გარკვევით რაიმეს თქმა ძნელია. ბ. კუფტინი ამ პერიოდის კულტურას ათარიღებს მესამე ათასწლეულის მეორე ნახევრით და III და II ათასწლეულის მიჯნით¹. ვფიქრობთ, რომ ძირითადად ეს მოსაზრება სწორი უნდა იყოს. როგორც ზემოთ უკვე დავინახეთ, ადრეული ბრინჯაოს ხანის მასალა ახლო ანალოგიას პოულობს III ათასწლეულის წინააზიურ მასალებთან. ამ პერიოდის თარიღის დადგენაში უფროდ განსაკუთრებული მნიშვნელობა ენიჭება უკანასკნელ ხანებში საჩხერეში აღმოჩენილ სიშტს, რომელიც სავსებით ისეთივეა, როგორც წინააზიაში ნაპოვნი ამგვარივე იარაღი. აქ ეს იარაღი კარგად თარიღდება მესამე ათასწლეულის შუა ხნებით.² ვფიქრობთ, რომ სადღეისოდ ჩარსებული მასალების მიხედვით შესაძლებელია ჩვენში გავრცელებული ადრეული ბრინჯაოს ხანის კულტურა ძირითადად მივაკუთვნოთ III ათასწლეულის შუას, მის მეორე ნახევარსა და II ათასწლეულის დასაწყისამდე მივიტანოთ.

ბრინჯაოს ხანის შემდგომ საფეხურებზე კულტურა განვითარების უფრო მაღალ სტადიაზე აღის; თანდათანობით იქმნება ის პირობები, რამაც შემდეგში გამოიწვია გვაროვნული საზოგადოების რღვევა.

¹ Куптин В. А. Археологические раскопки в Триалети, стр. 12, Куптин В. А., К вопросу о древнейших корнях грузинской культуры на Кавказе по данным археологии, стр. 305—Куптин В. А. Маршрутная археологическая экспедиция 1945 года..., стр. 74—75.

² Куптин В. А. Маршрутная археологическая экспедиция 1945 года., гл. 74.

ტაბულების აღწერილობა

- ტაბ. I. 1, 2 და 4. თიხის ქურქელი თრიალეთიდან. 3, 5 და 6. თიხის ქურქელი კიკეთიდან.
- ტაბ. II. თრიალეთი. თიხის ქურქელი.
- ტაბ. II-ა. თრიალეთი. თიხის ქურქელი.
- ტაბ. III. თბილისი. 1. თიხის კერის მოდელი. 2. თიხის ტანდახვრეტილი ქურქელი 3. ქვის საწაფი. 4. თიხის ქურქლის ნატეხი, ქსოვილის ანაბეჭდით. 5. ძვლის კვირისტაფი. 7. კაყისა და ობსიდიანის იარაღი. 6, 8 და 9. ძვლის იარაღი.
- ტაბ. IV. 1. სპილენძის იარაღი თრიალეთიდან. 2. კაყის ხერხი თრიალეთიდან. 3. კაყის ისრის პირი სტალინირის ნაცარგორადან. 4. ქვის კვერი სტალინირის ნაცარგორადან.
- ტაბ. V. ქულბაქები. 1, 2, 3, 5, 6, 7 და 8 თიხის ქურქელი. 4. თიხის ხუფი. 9. კაყის იარაღი. 10. ღორის გახვრეტილი კბილი. 11. თიხის რქისებრი სადგარი.
- ტაბ. VI. ქულბაქები. თიხის ქურქელი.
- ტაბ. VII. 1. ქვის ცული ღართის კარიდან. 2. ქვის ცული თერეგვანიდან. 3. ხელსაფქვევი. 4. თიხის კერა ქულბაქებიდან.
- ტაბ. VIII. 1. ქულბაქები. გათხრის პროცესი. 2. საჩხერე. სამარხი.
- ტაბ. IX. თრიალეთი. ადრეული ბრინჯაოს ხანის ყორღანების ინვენტარი. 1, 4 და 6. თიხის ქურქელი. 2 და 3. სპილენძის შუშისა და სატევრის პირი. 5. ჰემატიტის ლახტის თავი.
- ტაბ. X. აფხაზეთის დოლმენები. 1. ეშერის IV დოლმენის ინვენტარი. 2. ეშერის II დოლმენის ინვენტარი. 3. კაყის ისრისპირის (1937 წ. გათხრები). 4. ცული (1937 წ. გათხრები). 5. კავი (1937 წ. გათხრები).
- ტაბ. XI. 1. ქინძისთავი საჩხერის, ერთ-ერთი სამარხიდან. 2, 3 და 4. თიხის ქურქელი ნულის ერთ-ერთი სამარხიდან. 5. შუბისმაგვარი იარაღი საჩხერის ერთ-ერთი სამარხიდან.

- ტ ა ბ . XII. საჩხერე. 1. სატევრის პირები. 2. ცულები 3. ხიშტისმაგვარი იარაღი.
- ტ ა ბ . XIII. საჩხერე. 1. ბრტყელი ცული. 2. სატეხი. 3. სატევარი. 4. ქვის ცული. 5. კაჯის ისრის პირები. 6. კაჯის ხელშუბის პირი.
- ტ ა ბ . XIV. 1, 2, 3, 4 და 5. ქინძისთავეები საჩხერიდან. 6. შუბისმაგვარი იარაღი. 7. შუბისმაგვარი იარაღი. 8. შუბისმაგვარი იარაღი ზაჭესიდან. 9. ცული ზაჭესიდან. 10. ცულ-წერაქვა დმანისის რაიონიდან.
- ტ ა ბ . XV. ძალინა. 1, 2. სამარხეული ინვენტარი. 3, 4, 6 და 8. თიხის კურქელი. 5. ქინძისთავი. 7. სპირალური სამაჯური. 9. ქვის ცული ოჟორადან.
- ტ ა ბ . XVI. საჩხერე. თიხის კურქელი.
- ტ ა ბ . XVII. საჩხერე. თიხის კურქელი.
- ტ ა ბ . XVIII. საჩხერე. ორნამენტირებული კურქელი.
- ტ ა ბ . XIX. საჩხერე. ორნამენტირებული კურქელი.
-

ტახულები




1




2



3




4



5




6



1



2




3




4



5



6





1




2



3



4



5



6



7




8



9




10




1



2




3




4

Суд. V






1




2



3





4





5



6







1




4



5




2




3



6



1



2




3




5



4



1




2




3




4



5





2



3



1



2



3




4





5



6







3



2



4



1



1



2



3




4




5



6





შ ი ნ ა ა რ ს ი

წინასიტყვაობა	გვ. 5
I. ენეოლითური კულტურა	7
ა) ენეოლითური ხანის ძეგლები	10
ბ) ენეოლითური კულტურის დახასიათება	31
II. ადრეული ბრინჯაოს ხანის კულტურა	55
ა) ადრეული ბრინჯაოს ხანის ძეგლები	56
ბ) ადრეული ბრინჯაოს ხანის კულტურის დახასიათება	105

